



季洁在襁褓家勢中圯躄踊甚哀欲遂死以從則又心語曰一死何易
姑老將誰養子幼將誰恃哉是吾得夫而忘姑快一死而忘吳氏血食也乃
悉其所有爲營喪葬却塗澤蓬首麻服拮据以自給服闋家人憐其貧苦以
爲不能自存宜有他意微使人諷之則大慟曰我何人家女爲何人家婦而
敢以此言相侮哉欲入臥室自刺諷者驚惶卻走不敢復言節婦指天日自
誓閉閣不出戶限日勤女工織紡甘旨養姑益恭謹非至親骨肉罔覩顏面
內外斬七姑以天年終貨簪珥具喪葬惟禮居常語滄茹苦事令無自怠棄
以忝先德言與涕俱情甚激切爲擇婚名族俾不墜世緒滄亦奉告以謹卒
以孝聞居凡四十餘年無間踈戚貧賤咸頌其節孝滄等具實上有司者而
民才而士者復相與申請其事宜得旌典有司爲列狀以聞事下覈實凡
三覆奏得膺 詔旨表

年悉訪高別駕於吳寧

世母董氏亦嘗罹是不

世滄輩哀經具狀泣拜丐一言垂不朽愬

與婦相元滄之不欲沒善愬之心

七諾之以歸期迫未及爲明年節婦之內姪其言在致前意滄亦之書相速
遂撮其大凡爲之傳

論曰不有繁霜曷彰後凋一節婦得夫婦以偕老猶夫婦而已奈何
天夙移家徒四壁仰無以事老姑俯無以畜幼子乃能盟心勵節服勞茹
苦一操凌霜凜然可風嗚呼美哉卒之送姑婚子優游晚景壽踰古稀榮
沾恩典眞足以振揚頽波矣

昔

嘉靖十二年歲次癸巳季春之吉

會

旌表節婦吳門劉氏安人傳

禮房白溪行第五百九

劉氏者乃劉崇書之女也幼嫻四德姆教克全秉性至
冬溫夏清得父母歡心而鍾愛倍切比長適南岑吳氏諱

恬淡寡營幽閑貞靜奉盤匱操箕帚恍若孟光奉舅姑雍匕肅匕先意承志
其處家也柔而順相夫子也敬而和宜其琴瑟調和長以眉齊案矣乃獲配
數年僅舉一子名良賢未經成立而夫已逝世劉乃勵引刀割鬢之志堅守
清操躬親紡織撫育幼兒若松之勁似柏之堅庸以夫骨無歸謀諸父曰遭
此流離而夫骨尚停爲之奈何劉翁曰童山庵旁有西金裏塢者余之山也
汝爲吾女汝夫卽吾兒矣吾贈汝以爲夫君卜藏之所汝兄弟無得有後言
因而覆土盈砂以爲夫子佳城時旣厝矣復娶劉門姪女爲子良賢配是亦
劉翁之不忍遺其子也令其續婚於後得以累代往還其媳劉氏亦生二子
長從進次從龍不數年而良賢又逝世矣其孫從進相繼而亡嗚呼孀居垂
白兩世一孫鬼不號餒者其在從龍乎老婦孤孫鄰里鄉黨甚爲憐憫邑侯
邊公聞而異之遂額其額曰結髮冰心表其節也美其操也劉氏之風其可
續楓嶺者乎享年九十有三卒於內寢合厝於童山之原金鈎之地後有封
其墓者可考而知也故爲序其始末以垂於後云

告

康熙五十年歲次辛卯桃月之吉

眷弟王嗣經拜撰

祖母陳氏安人傳

義房里仁行富五百二十

古人著篇章交口稱頌之者功也德也至於祖功宗德則尤樂頌之幾絕復
續祖功宗德之最著者樂頌之不足則反覆嘆咏之用以志不忘云爾聘也
不才其能忘吾大母也夫其能忘吾大母之功之德也夫余大母裔出安文
陳氏秉資淑慎事太祖母惟謹遇下有恩禮家政秩也門內肅如也大父性
寬仁五服之內外環翁而廬者貢廩如歲賦以緩急請無不應賴大母綜理
得宜雖費用不貲猶不至於削產以儉勤佐翁起家以義佐翁成君子德朝
夕行誼相切劘如良友稜也謬也非禮于大父偶有舉動必諮之乃行
也乃無失也是以遠近皆知其有婦德諸妯娌相率儀之一時稱女宗師云

雖簡嚴整飭而性最寬一日謂大父曰君長者後必昌及今未衰耄盍早圖
之大父怫然曰爾方盛年而又舉丈夫子毋庸急也不聽大母遂自出金聘
娶陸門之女屆彌月誕而有之輾然色喜卽余家藏也家嚴生而白曾體貌
魁梧欣摩其頂曰大吾門者必此兒也愛恤周至撫之不啻己出更選賢博
督其課賓友至則具酒食必潔腆有所購書籍輒傾橐以償弗吝也每惟其
學不稱志多方慰藉之余伯父氣體羸弱中道遂殂伯姆不宜男大父痛悼
良久語人曰天奪吾孱子而益吾壯子仁乎荆婦哉及聘育大母往也慈暱
聘稍長從事觚翰親自篝燈戒家人曰毋溷長孫讀而心奇愛聘雖課使讀
弗欲苦也讀竟輒作美食啖之嗣後予兄弟四人相繼誕育卵而翼之得躋
於成人之列自頂至踵皆吾大母造也大父昆季三人長患弱病少患癩症
無後余伯父又下世向非大母之寬仁是無家大人也無家大人是無聘兄
弟也無聘兄弟匪但吾祖弗祀卽曾祖而下其不至餓若敖氏之鬼者幾希
興言及此家大人之在當日僅不絕如縷危哉厥祀之復續也而至於今日

聘也不才其能忘吾大母之功也夫其能忘吾大母之德也夫痛乎逝之歲去大父卒期僅後七日生裕後昆卒偕同歸存沒之足異若此聘困青衿無繇惠邀海內之名公巨篇揚厲至美雖以聘之固陋不文退而次其懿行筆之家乘俾後之讀者轉相傳述以化妒悍而廣嗣允則又大母之功之德所及矣夫

不肖孫從聘盥手謹誌

姑母吳門金氏安人傳

元房泮西行賞二百四十八

守姑少性嚴介體莊厲步不觸裳目不流視喜愠不形於色年十七歸于南岑吳仕封翁之長允諱良元字廷賢上殫厥孝象咸以和簡飭以教肅如朝典時鄰火延燬甚逼家人率私賫皿飾相竄避姑獨扶嫜坐靜遠劇旋左右不離側閱數年而廷賢君歿姑甫及三旬有奇又苦乏嗣時號泣沈愴亟欲以身殉而慮吳氏之祀不繼遂拭涕自裁命叔氏子從英爲嗣僅十歲許于

斯時也垂白在堂諸姪姓尙不克成立家無老成足以支事歟也然推一孺子忍性習勤綜察內外衰杖盤辟動無失舉童婢秉誠不敢携貳豈易言哉其匡治生計井然有序操作勤瘁不間於冷風暘日輒乃含悲停杼呼其子而謂之曰家難之忽羅也爲若母與忠臣孝子同有死道焉忍今稱未亡人者以奉此王大母故併俟汝克荷厥家耳聞之者咸酸鼻未幾而太親母之喪尋復繼之其經費必稱門閥中規制里族胥美之曰有禮迨今諸曾元孫女繩以蟄以姑抱歎者猶書香未克丕振爲深念爰錄余弟榜元所繼孫女匹之且以示屬在猶子修世好不替回視不絕如綫時竟何如也合吾邑者雖顏其間曰貞節可嘉豈足以盡姑之德也哉

賜進士第福建布政司右叅政兼僉事督理屯鹽水利道

姪肇元頓首拜撰

吳省川處士暨元配許氏孺人傳

元房冲西行貫三百三十六

處士姓吳氏諱良餘字廷裕肖川其號也幼承家訓剛方嚴毅而人稱爲端士每力學刻意以古人爲師生平重禮義廉恥故於拱揖進趨冠履飲食之節引繩就墨終始相較不失毫髮譁浪之笑未嘗一見於面箕踞之狀未嘗一施於身弱冠失恃卽以勤敏克自樹立家產頗裕歲萬歷辛卯祝融爲祟居罹煨燼資無銖遺鄰里有以延累索償者處士卽變產以贖其欲所存者惟玉山鄉瘠田數畝而已未幾而又遭馮夸之難坐是則寸土無遺也處士斯時雖有二三昆季然伯兄平素好逸幼弟尙未諳家政寡母在堂艱於什旨處士乃殫力拮据積織成鉅擇配故族紫金許氏賢淑也琴瑟靜好舉案如賓屢勉女紅經營中饋與處士相勵閭以內外勿怠厥職未幾而歲之所入漸以裕如較昔之所遺不相軒輊矣然處士積而自散惠施於人能忘其德寒窘之無告殘疾之過門多衣之食之歲以爲常至橋梁道踣之捐修亦不吝多貲以助其充拓祀帑葺理宗祠則尤不自靳其財力焉蓋天性孝友事父母視膳問寢極其誠敬遇疾躬調湯藥衣不解帶及臨大事哀瘠備禮

情文篤至遇生辰忌日歲時伏臘薦享之誠追遠之戚雖耄年如孺慕每言
念及父母劬勞輒哽咽不能語處昆季友愛怡怡自少至老無一間言遇宗
族鄉黨無論尊長卽在卑窶亦不敢以慢易加焉是以郡司理阮公邑大夫
柯公聞其賢相繼旌以端一誠莊謀貽有穀而許孺人則亦以閩德遺芳顏
其堂云處士生於嘉靖辛酉二月廿二日丑時卒於崇禎己卯九月初二日
辰時享年七十有九許孺人先處士五年卒卒之日爲崇禎甲戌八月
日丑時距生於萬歷乙酉九月十九日亥時得年五十處士艱於嗣孺人任
勸曰妾蹇不育非第累君寂寞身後且陷君於不孝當早納媵以圖之處士
曰似續自有定數予有猶子從泰在焉乃繼爲嗣從泰爲人謹敏敦厚有處
士風亦天性至孝嘗割股以愈處士疾而柯大夫旣儒學劉公曾以奇孝格
元濬公孝行表之予姪士奕得坦於從泰且予居相咫尺素有姻誼故知處
士暨孺人之行甚悉不斐之言不足以彰潛德猶俟史筆銘之以彰全德云

昔

崇禎十三年庚辰之長生日

鄉進士眷侍教生盧光晉拜撰

吳廷建公暨元配張氏淑人傳

義房里仁行貫八百三十一

嘗思丈夫表行於國家女子嗣徽於閨闈皆德也德雖爲秉彝所同好而不
筆之於書亦不能使奕代如見余與肇周氏諱學基號創垂者世居同里數
代聯姻蓋甚欽其人之端方自矢剛直不阿而且有見義必爲之氣節今
盛族譜系重輯肇周以祖父實行及祖母盛德囑余爲傳夫肇周旣不
業余敢不取而表之乎稽良樞公字廷建乃係一嶠公之長君母明進士天
官任用先生之孫女也公生平勇力出羣才識過人於崇禎年間闖賊肆亂
攻擾江北 上命應天巡撫張玉筍公駐帥京口招致天下文經武緯之士
勦敵擒王而公以智勇全才奮袂赴焉張公因提授公都督僉事之職顧年
近四旬尚未得嗣乃不挈眷同行公非國而忘私者乎公娶托塘經歷張希

軾公之女贈淑人賢而有德慮公艱於嗣私爲公聘娶王氏以爲拓嗣計而
公當時爲玉笥公親信在用不能告歸張氏以似續大義再三稟父希軾玉
笥公知之聽公歸後王氏生長君從熙側室胡氏生次君從美公踰四旬連
舉二子詎非張氏之賢淑乎而長君從熙又克紹公業早年蜚英藝苑修輯
黌序秉公勤謹各勒學碑創議重建崇正書院爲先祖桐谷鐵先生借諱須
賢崇祀尤可羨者以張母只生姊氏適官橋陳家後因無出體張母遺
迎於家厚待之終年喪薦盡禮後置義邑四都敲磬山移姊與父母合墓以
便子孫祭掃且內助之賢爲開封府縣合杜爾英先生孫女博學庠生輯公
翁長女幼凜聽從於京兆長推淑行於延陵自相君以來孝事舅姑嚴肅家
庭年逾七旬齊眉舉案何克紹世德之盛無愧爲女中傑者乎古有云惟德
動天惟天眷德公家世德相承知必有以大昌厥後者更可不龜而爲之預
賀云

昔

乾隆十六年歲次辛未荷月穀旦

歲進士考授修職郎候選儒學訓導

眷弟湯錫肇拜撰

吳門杜母暨文學鎬山公傳

義房里仁行名七百廿五

古來立名者卓然自立必有與立子與氏云人樂有賢父兄然姆教之賢與
父兄等修母畫荻郢母和丸侃母截髮讓母警杖彪炳竹冊令人景仰於
古甥舅吳庠生諱承烈字光煒號鎬山其父卽余族堂姪壻也幼習儒業勤
於進取遂肆志遊學舉凡名山大川古跡勝境靡不周覽秉性最豪宕任夾
不重財帛人有告以貧苦每憐恤贈遺無求償之念亦無市德之思馴致家
計日替置之度外綽有江湖散人雲溪醉侯兩先生隱逸之高風余姪女孤
處撫甥舅同老婢勤操作屏華飾素衣菲食恆課甥夜讀月下機聲燈前書
韻每至漏三下不休聞與諸友會文延諸伯叔輩稽其工拙工則喜拙則懲

故學日以富文日以工開帳受徒甚盛邑尊鶴書先生校試拔冠一軍姪女
曰汝父遊學在外幸汝訪適歸汝能成名吾心慰矣不圖母願未酬風木無
情溘然長逝士林中咸爲之悽惋光煒日夜哀號作痛母詩六十首廩生吳
沛生先生批閱顏以月落烏啼稿并冠以序中稱光煒之孝甚詳迨除服後
康熙戊戌與余同爲學憲汪荇洲先生拔取而置甥第五無奈數困棘闈大
志未遂逾數十年乃父考終喪祭盡禮復逾數十載光煒曰吾僅博一粉可
父母承訣卽獲售於鄉試無由爲捧檄之喜追念劬勞寸腸俱裂今而後言
其無意於場屋矣乃搜剔易書潛心正學遊石洞登八華山想見朱子許白
雲諸公遺跡慨然以尚德敦行爲終身之的以其餘閒與文人逸客吟弄風
月表揚潛德詩賦文辭時刻於散帖雖吉光片羽亦足以見一斑且居城市
視公庭如畏途邑侯姚東村先生稱爲澹臺子過廬則式作詩歌以贈之內
有云問字五年交莫逆從無世事一曳裾此其品槩真當求之古人中有鵲
啼集傳視彼雕琢文墨自矜淹雅者相去何如也娶盧氏孝事公姑溫柔和

厚生三子一女內助既賢而外治愈勤然要非母教之精勤不至此隱若姪女者以夫婦論則賢婦也有賢婦則夫可以快心矣以母子論則賢母也有賢母則子宜有令名矣竊慨人之善行有傳有不傳而余之傳姪女者蓋據其實載諸吳乘以俟採風問俗者譜入徽音錄庶幾懿行美德不致湮沒不彰也姪壻諱學晟字平侯姪女閨諱淑娘為封邱縣令杜時萇先兄之胞弟練總杜時夔先兄之長女

昔

乾隆十五年歲在庚午黃鍾月中浣之吉

庚午科恩貢生授修職郎候選儒學教諭

西洞杜時芳汪千氏拜撰

叔四

義房里仁行名九百四十六

余叔四

之閨秀叔祖學培公之元配也在綉時其

母卽得心疾沉滯以沒賴外大母翼而長之外大母者亦余族裔也年二十
餘爲未亡人性貞烈有柏舟風太伯祖雲龍公美其操顏之曰筠節松心叔
祖妣自幼一秉外祖父訓動靜有常嘖笑不苟周規折矩適中婦道結禰後
事舅璋先意承志家艱於貲叔祖恆以不能奉甘旨爲虞彼則出粧奩物以
沾所欲而敬進之爾時二小姑弱始扶床叔祖妣分膏沐以爲容雙鬟耳髻
綽約有仙姝致比長訓作女紅不言勞勩刀尺之聲時時徹闔內外嫁遣時
則脫簪珥擲與之無難色其恩誼逮小姑何有加無已乎叔祖以英年補
諸生下帷讀書口不問生人產而性最急稍拂意疾言遽色相加惟承之以
柔不與牴牾人謂叔祖之得章媛不啻西門豹之佩韋云志甘淡泊縞衣綦
巾一切靚鮮御屏弗躬操作提甕出汲不假僮婢手至家或倩傭田事受其
意旨以去恒功省而償倍焉其性悉穠穡又如此若待賓客必以禮一日客
戾止適瓶罌告罄家人商以薄饌進叱曰吾豈不能如截髮之陶母乎饗上
賓須佳醞盤殮亦宜兼味遂竭力營珍羞羞容故叔祖之門時多長者車轍

焉後皈心禪宗不茹葷裝大士像於室之中雷昕夕禮拜不少懈叔祖時誦佛骨表以諷之從容謂叔祖曰吾豈受五戒所乘般若航哉亦聊以食素茹茶報舅嫜父母之德而酬外太母之恩也舉丈夫子二長諱曰升幼諱承鳳叔祖義方有教齟齬卽遣就傅叔祖妣常囑曰爾家非素封者唯茲不腆東修爾父勉力爲之庶時體爾父意毋遊佚爲以是日升伯父踰冠齡遂蜚聲黌序具此壺德將由大耋而登期頤胡天豐其德而嗇其算行年四十二而卒所謂理者不可推而壽者不可知信哉余承諸父兄命分理家史閱前詒無有臚列其事者因不揣譎陋以平日所耳熟者述之以垂不朽

昔

乾隆四十年歲次戊戌天中節後十日

姪孫文俊謹撰

吳門徐氏安人傳

義房里仁行名九十八十

古之稱賢媛者指不勝屈率多鋪張揚厲之詞凡以闔帷命範見聞未確耳

余先嚴以王大父早背髫齡失恃託孤於飲賓爾躬徐先生爾翁即余之猶祖也從叔伯州司馬日輝公之三子文學武京即孺人之父余居最近比長結褵於延陵太學吳晉之余亦以文藝詩酒爲莫逆交故得稔知孺人之生平爰不揣固陋而爲之傳憶孺人自束髮以至及笄靜處深閨嘔笑不苟武京公艱於嗣愛之如掌珠孺人彌加謹飭即余於孺人家歲時往來亦但以其面周親宗黨咸以大家女目之及就婚之後愈執婦道其事姑也鷄鳴視膳月出請安家政大小凡有稟命下氣怡聲痛翁先肯生諱時祭器用親滌越宿備物故稱孺人之孝者無間言其相夫子也昧旦交警篝燈佐讀案前琴月如友如賓即梁孟不是過焉其訓後嗣也飲食教誨慈嚴交致延師擇友人皆以爲有鍾柳遺風其持躬也言笑不張華飾不事粗衣淡食澣濯歸寧凡鄉臘里社賽會演劇孺人從無足跡幽閉貞靜洵可當之而無愧若夫

妯娌之往來親串之饋遺不以富而驕不以貧而棄尤爲閨閣之所難守於
侍御臧獲靡不體卹周詳未饑授食未寒授衣人以是感其恩而誦其德余
惟孺人享膏腴廣廈之豐而處之若歎擁侍女僕從之衆而居之彌勤有錦
繡華璫之飾而屏之惟儉古今之賢媛孰是過之耶夫以孺人之德宜其事
大年垂典型親睹後嗣之熾昌夫何修短無常二豎忽侵歲在甲戌春王月
得疾越五月而逝世冢子承統親嘗湯藥左右勿離孺人勉之以讀書孝友
無一語及細事及加沉重承統禱天割股以進卒不能瘳孺人亦自知不逮
語晉之公曰吾死不足惜所恨者先不能見吾翁之面後不能奉吾姑以終
九泉之下亦難瞑目病革之際睜目望姑淚滂灑下嗚咽而終嗚呼孺人之
賢孝兼至信可以母儀一世而留輝彤管者也宜其五丈夫子振繩繩以家
子承統結廬於墓哀毀倍切何莫非孺人賢德之報哉余不敢爲鋪張揚厲
之詞就所見所聞者而爲之傳以俟夫善文辭者

昔

乾隆二十年歲次乙亥八月之吉

鄉進士充明史館纂修官改授教職原處州府景寧縣教諭紀錄三次記大功二次前杭州府新城縣訓導候補教諭

姻家眷侍教生方永傳拜撰

吳門厲氏安人傳

元房縣前行崇一百二十四

嘗讀女譜而識歐陽文忠公之母畫蘆荻以教竊慨然曰此女子而丈夫者夫女主乎慈而教秉乎嚴坤道也而實有乾德焉余以吳門厲氏亦然方余署篆東陽甫下車即試士得吳生希濤卷冠一軍余決其鵬化蛟騰有日徐而弟希潮亦遊庠以余忝一日之長簿書暇二生就謁聚首劇談披露心曲道及嚴君成就外深感慈母之琢磨並及三從四德諸美蹟其尊慈系出都督厲文翁刺史文才公之後裔居夏厲諱希嚴字君瑞者之女也獲配吳門如分周姜太姬之遺徽奉舅姑純依內則相夫子以道處妯娌歡然相敬歎

諸姑伯姊和氣雍雍大小無間言御婢僕寬而且惠齊家以禮法惟勤與儉
不戒敬姜孟光此坤道之順矣諸忿難力爲排解區畫甚善其志氣軒昂英
風矯々巾幗中頗似磊落男子之幹濟者生平不信禪教遇貧乏不惜捐囊
以贈又似有乾道也最留意課二子成名書田廣藝敬奉師儒宛如柳仲郢
母之和丸時以鶚厲相期待諄々命必若董子下帷不窺園是嚴以濟乎其
慈也嘗囑之曰作文如繡花樣虬枝鐵幹中縝密精純五線成文班々如蜀
江之錦此女紅也若輩作文如此應有花團錦簇之觀矣又於鯉庭閒暇
以詩草臨池之無忽常言右軍之籠鵝賈島之騎驢引經據典真如曹大家
堪續漢志者之所爲求之女曹中不多覲也不亦繼歐陽文忠公之母而踵
其畫荻之教者歟所以二子弱冠遊膠序習舉子業守慈母之命思逢伯樂
余亦竊意其看子鵬飛以受寵渥而不料麻姑已辦仙家之饌遣鶴駕以臨
矣二娘痛楚無地長趙氏次厲氏悼蒸梨之莫逮俱割股肉以當藥餌趙氏
幾殞軀而姑終成蝴蝶之夢此亦殆有天焉矣生悲輓以泣請傳於余余高

其志服其才因引歐陽文忠公之母悲而爲之傳其雲初繁衍克振箕裘固
不待贅吳生勉乎哉尙其無忘慈母之訓以光榮於九泉乎余將拭目視之
矣

昔

康熙乙酉歲春正月吉旦

金華府通判署嚴州知府事前署東陽縣知縣

年家侍生陳瀛拜撰

節婦吳門樓氏安人傳

貞房節孝行崇四百七十九

嘗論婦人女子以身適人之死靡他從一之義則然顧其間要有難易之辨
何則同焉爲嫠或者家素封也年將艾也是猶易也而非難也若值屢空而
當青春之候凜凜守一醮不改之義則惟樓氏安人爲最著安人吳公諱承
驥之淑配也樓爲邑望族父母兄弟皆秉禮義故安人在閨闈卽嫻內則修

女儀諸姑伯姊交相讓及笄而嬪吳門雅知倡隨之義琴瑟靜好相敬如賓
方期相夫以廣闢蓄畚恢宏前業偕老百年也詎料年甫三旬而所天已溘
焉長逝斯時也女幼子孤孰以誰依朝無饔夕無殮謀生不給將~~之~~之何或
從而勸之曰苦節難貞盍再適安人則曰餓死事小失節事大丹衷自足千
古何況百年斷不再離自矢從一以終之義安人寧非能爲其難者乎幃其
閣稱未亡人千辛萬苦心爲兒女計鞠其女復鞠其子女大而嫁長適馬山
園張次適南山郭俱配名門子撫成人長希連未娶早世幼希遠善承母志
克勤克儉以致產業漸廣輪奐鼎新或與富者交財帛分明與貧者交通其
匱乏而且施棺槨以免暴露捨貲財以建橋梁待親戚則恩義兼盡遇爭鬪
則排難解紛元配呂氏勤機杼善中饋奉姑不怠無違夫子奈僅夢虺而未
宜男再娶側室生一子各國擢年臨舞勺穎異聰明延師習學將未可量_女
一客歲隆冬母年八十二而卒一切喪葬之事與往弔之禮皆_母而豐亦可
謂能報深恩於罔極者矣古有云有聖善之合_母始有克家之合_子是此子

克家孫俊秀孰非樓氏安人守節訓子能有是報也耶因不辭燕陋聊披其
巔末垂之家乘俟採風者播之彤管以揚貞節云

昔

乾隆四十二年丁酉臘月上浣之吉

邑庠生眷姪金 璵頓首拜撰

吳門張氏太安人傳

貞節孝行崇七百五十四

南岑吳咨岳以年十九爲伯父諱承禮字敘文者後有母曰張太安人有賢
行自其居於父之族其諸父竊匕謂曰是女端慤終當爲大家婦已而歸南
岑南岑諸姪娣謂曰自吾家得安人乃知休蠶績者不妻而舍德工者不婦
也太安人勤而好施惟勤故家不匱惟好施故人蒙其惠晚年代其夫主家
見死者之不能葬也則丐之棺見兩行者之多受病也則丐之笠見寒者之
蒙犯霜露感然可憫憐也則丐之衣平居閉門焚香誦內典禮佛日聞吾夫

及子言嘗云佛非聖人法不可以從然觀其任儉約斥華侈晰其心不使惑
昧則於我有合太安人初嘗舉一子不育迨年五十餘謂其族曰凡爲人婦
者不抱子不可以見舅姑於是乃繼其叔之子咨岳爲亡子咨岳生平敦品
行重然諾待人接物一以誠非僅以能文稱與余交最善今爲郡庠生太安
人卒年七十有五余弔之甚次咨岳神色俱瘁余愈知太安人能以待其子
待其子而者咨岳亦以待其母者待其母益以知太安人之賢也歟

昔

乾隆四十四年歲次己亥陽月

郡庠生眷姪樓上層頓首拜撰

旌表節孝吳門華氏安人傳

貞房節孝行崇九百八

從來孀婦之守貞志在遺孤冀後嗣之成立雖歷盡艱辛在所不辭至蕪孤
無所遺而亦柏舟自矢之死靡他豈尋常之守節可比乎余姊幼承姆訓三

從四德稔悉於喪年及笄適南粵太學生吳承寧如節孝坊孝子諱滄公之
苗裔也于歸三載產一女姊夫患癆瘵姊乃悉心調養以期偕老無何修短
有數竟失所天及聞訃家君興慈幃痛亟奔喪第見姊號泣呼天屏冷絕粒
死而復甦者幾次家慈再三勸慰節哀治喪殯葬盡禮淒涼定奠艱苦備嘗
斯時家君聞姊有遺腹因揮淚而告之曰爾若產一男以承夫祀實爲厚幸
後乃果得弄璋之慶家君喜甚曰吾女終身有託矣而姊之所以報其夫若
翁之魂於地下慰其生姑於堂上者不在此子哉誰知撫育三載子又亡財
呼痛哉天而不佑吳氏矣既奪其父復奪其子姊乃撫膺太息只自嘆其不
辰而絕無他念余因謂姊曰爾之立心善矣奈事與願違尙須裁酌姊乃含
淚而言曰弟知我之否遇亦知我之苦心乎吾夫亡子沒苟延殘喘稱未亡
人考姑在堂理當終養後嗣無主應計承祀我之所自裁者固未遂其志耳
此外更何營心乎於是焚香苦守奉姑終老至十餘年後二伯生有次子姊
乃商諸家君命余請白族長血抱過門僱乳撫育立約定嗣以續夫後以繼

宗祧余_孫之苦心乃爾所以族中長者暨闔邑紳士聞其事者均為憫恤謂其婦兼子職孝養耄姑撫育螟蛉以綿似續閨幃之經營如此不幾同烈丈夫之所為乎乾隆三十五年緣例備呈經詳上憲遊

恩旌表建坊於南關外大宗祠廟之左余固破涕為歡諒婦夫與姊之舅姑亦歡慰於九泉之下矣迄今年近七旬待子媳恩義撫諸係慈愛各中其節余甥天佑暨甥媳李氏亦頗知孝敬殊屬可嘉茲因吳宅纂修譜牒余不忍沒姊之苦衷故特為之表其畧云

告

乾隆四十三年歲次戊戌桂月之吉

郡庠生胞弟華鳴珂頓首拜撰

吳門胡氏安人傳

貞房節孝行敬二百八十四

吳母胡氏安人卒之再踰月其子國潮國漢詣余門稽顙泣而請曰天奪所

恃百身莫贖仰惟先妣之德不可忘今會修宗譜猶未告成乞先生一言以
詔我後余雖深愧不文然樂道人善實余輩事因按其實而傳之胡氏安人
義烏蘇溪戊戌舉人嘉興府教授青臣翁之次女爲吾友南岑明經吳獻珍
之正配也康熙壬辰年安人二十有二獻老尊翁方擇吉於仲冬奠雁詎尊
翁於六月間逝世不得已循俗乘凶過門安人於拜堂畢卽趨翁臥榻泣拜
稽首熟視其面目曰吾不能生事一日罪莫大矣其始至之禮節已迥殊矣
流若此逮後恐姑寂寞左右弗離一以便使令一以聆教誨姑甚愛之至
居輪膳凡姑所嗜莫不預備以待膳畢則留戀不舍其親愛之情蓋有加無
已焉每與妯娌相見氣度冲和詞旨欵曲姑每顧之而色喜逮姑逝世哀毀
骨立雖服闋後每一道及輒悲悵不自勝遇甘美飲食追憶哀傷語獻老曰
今不獲復進於姑矣此其孝行之大者至若獻老讀書空房安人每黎明檢
進茶湯寒暑無倦夜則伺書燈暗滅始歸內寢一切家事俱自爲料理不以
相累故獻老得肆力於學以承先志其佐夫以成名者又如此獻老秉性激

烈稍拂即怒且莫遏安人初不與理必俟神恬氣舒方和顏徐相謂曰瑣
七事何怒若此被怒者無損恐怒者有傷也自此以柔待剛獻老烈性竟去
其半獻老嘗謂余曰吾不能化家人反爲內人所化非丈夫也至如獻老自
外歸相見如賓時或在紡織之所獻老與言必起而移椅曰皆坐而言不然
吾心不穩矣此其愛敬之心有出於天授者安人有隨嫁婢愛之如女獻老
以長大配人初不之阻縱容謂曰擇配允宜奈余怯弱一人安能獨理家事
且爲婢者多因家主不愛致有異心君若覓壯健者俾亦孕育則予家即
家自然甘心竭力無他顧矣及獻老別媵王氏安人語之曰汝只要安分
禮勤儉作家吾當以姊妹相待王氏因生一男一女後王氏病故其女年
十四男甫四齡安人撫養愛恤過於己出旁觀者初猶疑爲勉強遞日久如
初莫不交相贊嘆安人謝曰此不過隔一肚皮實則一耳安得異視且王氏
侍吾多年吾以此報之至延師受學凡供膳品物必親自檢點稍長延余教
文予喜其天資俱可成就次子已於己科入泮聊爲一慰不期自丁卯以

至庚午三幼兩郎相繼而亡次幼二女連年而嫁心力俱傷悲憂成疾及今
辛未五月病勢危迫命媳扶起拜謝獻老獻老急命扶歸安寢自此湯水不
進越十餘宿至初九日申時卒於內寢距生於康熙辛未年四月二十日戊
時享年六十有一夫榮子秀媳順孫賢葉茂枝繁盈庭濟濟是又吳門中不
多覩者矣余與獻老同年遊庠交成莫逆朝夕往來數十餘載稔知其內助
之賢足爲闡範故因其郎君之請而序其大略於右至於述古語引古人雖
世所尙余不暇焉是爲傳

昔

乾隆十六年歲次辛未七月朔

眷弟雅溪盧人吉拜撰

貞節吳門徐氏安人傳

義房里仁行敬六百廿七

安人姓徐氏城北龍泉巷光進公女生而聰慧女紅之外無不精曉年十餘

而母吳氏卒安人哀毀盡禮有踰成人及笄適城南歲進士承翰公仲子希
鈞蓋少君黃氏出也希鈞少力學兼通孫吳書應童子試大爲邑令姚公所
器旋染疾遂不及擢一青衫而沒沒之時安人年甫二十餘子國治三歲女
六歲姑黃氏年已邁安人絕粒數日誓不欲生既而甦曰吾若死則耄姑幼
子將誰恃耶勉起就食課其子嚴而有法遣之就傅夜則篝燈一室紡聲書
聲至漏深不徹爾時負郭田數十畝僅供饋粥賴安人綱紀之家獲小康洎
國治成立爲娶婦張氏連舉三孫安人始有喜色曰今而後可以見良人於
地下矣奈國治疴羸善病且早肩家政以勞勩耗神年二十四遂卒孫亦連
殤其二存者應椿一人而已幸張氏與安人同志紡風織月並嘗孀閨苦况
其壻王君日華乙酉拔貢任桐江儒學歲癸巳以安人苦節聞於督學涪洲
海山周公公旌之曰柏節松齡里黨榮之顧張氏年又未下壽卒安人今六
十七年矣白髮過耳形瘠骨立仍與孫媳徐氏躬薪水共操作天之困安人
亦酷矣哉然不遇歲寒無以別松柏安知不以因其遇者彰其德耶孫應椿

以母孤不知書然事祖母及母頗以孝聞作事動中肯綮侍尊長恂乚有禮
故年雖少所交者皆大父行焉已有子二人嘉煦嘉勳凡此皆安人貞德所
致也予與王君日華交好知安人行事最詳因述巔末以付劄劄云

昔

乾隆四十三年歲次戊戌辜月之吉

授修職郎在東陽縣儒學訓導

歸安莊鳳翥拜撰

吳亨齋公暨周氏孺人傳

義房里仁行壽七十八十九

翁諱希元字愷士亨齋其號而敬七百八十九其行也厥父德大公母陳氏
安人以病早逝繼母馬氏安人躬親撫育翁獲成立翁奉侍繼母不啻如親
母焉娶周氏系出余族卽忠從姑也適翁相敬如賓始終無一閒言若梁鴻
之與孟光然翁器宇軒昂狀貌修挺識力異人平居處父兄宗族間恂乚然

言似不能出諸口人或問以事故則約畧道之卽中事機窺之蓋有莫測其
巔涯者讀書嘗以濟世爲念不事浮薄初應童子試輒冠軍名震都邑奈數
奇荆璞莫剖後因乃翁授以家理遂援例入成均焉作事循謹性情樂易好
明困乏有緩急來告者卽慨然與之勿少吝聚德行仁適省乃翁其迨蒙卦
九二所云子克家者歟夫以翁之樂善不倦宜乎臻上壽享遐齡方未有艾
胡天不憇遺年僅四十有二而卒時長子國詔尙未冠而字次國誥又在襁
褓姑悼失所天形毀骨立幾不欲獨生上顧公姑皤以白髮奉養無人兼以
孤子孑存未獲成立故不忍與夫同歿傷歟夫志月夜霜晨恤禫回忘又復
延師訓子督以大就雖姑之苦節自矢亦翁刑于之化所致也未幾馬氏安
人又下世中饋事悉姑主之朝夕辛勤未遑暇逸而且心痛姑之兼欲慰厥
舅心悲淚含酸鬱積成疾乃年第四十餘亦相繼而亡可痛也已翁生二子
一女女卽適忠以忝半子不忍沒翁之實行與姑之貞節略灑蕪詞以俟後
之觀風者採焉

岢

乾隆四十四年歲次己亥荷月中浣吉旦

壻男周世忠百拜謹識

母氏陳孺人傳

義房里仁行敬一千九十四

母氏亭塘陳氏元處士鹿皮子先生後裔外祖諱元生公生母氏昆仲三舅氏二人俱不祿年及笄于歸家嚴每念外祖家零落欲歸寧修子職奈祇孀居奉侍不敢偶離業盡婦道也而欲兼盡子道勢有難能傷何如哉母氏幼聰穎女紅諸事無不通曉性柔順處家庭無疾言遽色深體家嚴少孤守世代儒業毋壞清白垂訓佐理其家勤儉刻苦生森六齡家嚴不以家貧失書香一脉命森出外就傅越三年次弟國諤亦就黨塾幼弟國詢未離襁褓適遭家嚴目疾遇愈迫而家愈窘求所以給饘粥也無郭外之田求所以度晨昏也無篋中之貯躬紡織忍飢寒每清晨焚香禱祝祈家嚴目疾速痊尤

百步身... 三友鶴... 借校對
慮不肖等志氣昏惰恒課夜讀機聲書韻每至漏三不不休備嘗艱苦有世
人所未歷者悉耐忍爲之痛哉母氏何劬勞一至此也無何勤勞甚而精神
疲家嚴之日疾漸愈而母氏之瘳疾漸成森年十六母氏云亡時乾隆乙卯
五月十三日酉時距其生蓋乾隆己巳正月十六日戌時得年四十有七意
以母氏如是之德宜永其年俟不肖等承歡有日也乃苦其志勞其體而復
促其年終天之恨曷其有極森不肖僅博一衿未獲當代名巨表母氏之潛
德會族修葺家乘命森總理爰率筆淚書以登諸譜聊展風木之慟於萬
云

昔

道光七年歲次丁亥仲春月上浣三日

不肖男森泣血拜撰

吳門義烈王氏節婦傳


貞房節孝行卷二百九十八

吳母王節婦上舍生應棠之母庠生步瞻步鰲嫡祖母也母黨上潢幼守女
箴長嫻內則有古烈女風及笄歸宗源先生晝則提甕親炊夜則篝燈佐讀
敬如賓助如友人爭以佳兒佳婦慶其舅姑舅亦心甚愛憐之宗源先生幼
秉異姿總角能文得節母雞鳴交警愈自努力鷄窗奈攻苦太甚致傷元神
未幾遂以羸疾赴玉樓召時節母年方二十一也撫膺大慟誓不獨生姊姒
勸譬百般莫解甦而復絕者再三一旦蹶然起憮然沉吟曰吾腹有遺姪言
夫雖死幸而男則吾夫不死也吾死則真死吾夫矣非直死吾夫并使吾舅
躄以黃髮膂力既愆哭其子復哭其婦且哭其將育未育之孫吾何忍死吾
何得死爰含泪少餐舅前強爲歡容然意慘神傷不哭之哭有深於哭不死
之死有深於死者越月舉一丈夫子卽上舍應棠節母遺孤在抱肩鏡奩屏
膏沐裙布荆釵潛居一室稱未亡人不復親聞外事凡錢穀出入憑兄公經
紀之口不問也悼兩毫之已泐翼孤雛之在縵深閨寂以一燈熒以但聞軒

聲不聞人聲如是數年無間寒暑幸孤子八齡書讀等身有老成風範足慰
 母心而節母以哀毀過當鬱結成疾家人恐其不起欲延醫治節婦乃謂婦
 妣曰吾自分一死已久為吾夫一塊肉含忍至此今而後可以死矣幸死而
 吾夫有子吾夫雖死不死也吾死而吾心安吾責盡吾亦雖死不死也何為
 露面見醫求活且夕乎特不能代吾夫侍舅餘年為可悲耳言畢而逝蓋後
 夫八載云余嘗論婦之事夫與臣之事君一也君亡與亡臣道固然然厓山
 之死不為早燕市之死亦不為遲合節母死於八年之前節則烈矣而義夫
 盡也死於八年之後義既盡而節亦未嘗不烈觀其拒醫之言視君亡與亡
 從容赴義者何異節母亡於乾隆甲戌年嘉慶六年眾紳士聞風追義廬其
 行事聞之督學使者山左劉公特加崇獎以松柏為心四字給匾余因為義
 烈節婦傳

昔

嘉慶六年歲次辛酉荷月



眷再姪邑廩生杜學海百拜謹撰

岳父吳徽音公暨岳母樓氏安人傳

義房峴峴行資一千七十一

夫玉韞於石山因之而輝珠藏於淵水因之而媚世有篤實君子純修是踐
穆行克敦使宗族式爲儀型鄉黨資爲模楷者豈獨閭里榮哉如吾岳父吳
公殆其人矣公諱國誥字寶綸號徽音延陵貴胄東邑世家生秉殊質幼習
禮容各達乎成均聲譽乎槐市其生平行事爲人卓卓表見不虛有可得而
略述者焉方其弱冠之時處帟幃侍燕寢篤人倫修內行聞雞視膳剖鯉承
歡詩禮之傳早承先訓愛敬之性常如始孩迨乎椿萱繼謝杞梓連枝篤友
於難兄陳季方之芳徽宛在奉嫂如慈母謝太傅之惟範堪思其孝友有如
此者至於蹈矩循規聲律身度秉心如矢制行若銅介比展禽三公不易信
同季路一諾可徵棗撲於鄰雅量化鼠偷之習桑爭於里片辭解雀角之爭
其鯁直有如此者若乃劬勞守業樸實持家澣衣濯冠位行乎素紫茄白苧

饌用其常陶侃之甓無一日而不運晏嬰之裘雖卅年而如新非約志而矯
情實制用其有節其勤儉有如此者自奉雖嗇待人則豐有時義重三旌利
輕一羽停觴延客樽中之酒不空投轄留賓戶外之車常滿而且振餓者於
翳桑蔭暘人於清樾貧宗賴之炊舉素士賴其錢通莫不操量鼓而虛來指
困倉而實往其好義樂施有如此者此非以福爲輿唯道是杖者歟况乎舉
案而前齊眉有慶鳴璜以相內助多賢時則岳母樓安人我母姨也族出婁
東芳流繡水禮宗共式陰教專司敬事舅姑和諧妯娌晨興弋雁婦職維力
夜讀丸熊善儀不忒荆釵椎髻杵臼賴以躬操蘭膳蘋羞筐筥資其手給蓋
維內外正位是以子嗣繁昌琪珪玳瓊器萃璠璣綜絳纈維才成經緯尚所
謂積善有餘慶非耶祥幸叨半子之分景仰丈人之舉心溯冰清身慚璧潤
爰以素所聞見者略書梗概以示後來公生於乾隆壬午年五月廿七日卒
於嘉慶戊寅年二月廿九日樓氏安人生於乾隆癸未年七月十二日卒
於嘉慶丙寅年二月廿二日子四長作周次霖俱邑庠生三應華四應美女

三娶筮室生一女第三女爲予室長適予同邑太學生何光藜次適予表兄
邑庠生樓承寵岳內姪也與舅輩習武於岳家公實玉成之焉

昔

道光五年歲次乙酉孟春中浣之吉

義邑婿男陳偉祥頓首百拜撰

太岳母馬氏安人岳母金氏安人雙節傳

義房鶴和行寶千一百六十七頁千七百七十一

女之以貞順見者刑耳明情漢則有長卿妻桓氏封髮表志唐則有直言妻
董氏資蓆營生明則有儲福妻范氏以及何氏烏鵲吟王氏孤燕咏陶氏黃
鵠歌之數人者類皆松筠比節冰雪爲心靡慝靡他克恆其德者也然而縱
觀傳志貞婦固多求之近今實難且姑能勵節而媳亦守貞求之近今則尤
難若吾太岳母馬氏與岳母金氏洵其選矣馬氏者鶴和堂吳克恕公淑配
前園太學生時和公女貢生方遠公姊也素嫻內則于歸後主中饋婦道無

漸家人稱美且挽鹿忘勞克勤無怠以故家貲日厚棟宇增新無如年三十
一克恕公逝世斯時也易錦茵以苦蓆代羅幃以素帷氏則痛甚遂無意求
生欲與夫俱逝諸親戚及妯娌相慰喻之曰夫固亡幸有遺子既失怙可更
使之失恃乎荀子莫之撫何以慰爾良人於地下再三慰勸氏因忍哀治事
孝事翁姑善撫二子長應福治經書次應協習騎射一切家中諸政皆井井
就緒其守義之心固不以始終而渝也享年六十餘邑侯陳公聞其素行
足爲閨則曾以節操冰霜表之金氏者應協公之正配太岳母之次媳上船
埠錫九公之女於吾爲岳母當諸伉儷後見姑之勤治家儉自奉無事冶容
而正位乎內皆深爲效之至於苦節之克貞亦深嘆其莫能如誰知馬氏孀
居氏年二十六亦夫故且一子一女復與夫俱逝是時氏悲夫而更悲子真
悲之不勝悲馬氏亦悲子而兼悲孫實悲之不忍悲氏則默念曰吾姑不宜
合過悲苟過悲恐難享遐齡故假顏以事姑使姑轉悲爲喜然其於夫而痛
念之者固無時已也當夜靜參橫候閨幃獨坐時爲嗚咽之泣惟恐姑知或

有因其無子以再難商者氏則志姑之志以不事二夫示後繼一子名嘉炳
善爲撫養視如己出道光丙申年邑侯 蔣公旌以冰清玉潔四言姑媳雙
貞方之古人不足後先媿美耶茲當華牒重修圖不敢以不文辭因卽二安
人生平志行據實而書之

告

咸豐六年歲次丙辰季秋上浣之吉

郡庠生門下壻男河航馬圖敬撰

旌表節婦吳嶽母程氏安人傳

義房峴畷行貧千三百九十四

今夫死節易守節難守節而婦道與母道兼盡則尤難古來矢柏舟之操揚
彤管之輝者豈必皆危軀示烈絕粒明貞者哉膳燕寢之蘭毋缺雞鳴之職
使舅姑忘乎其喪子焉解紗幃之圍如禦鴿原之侮使仲叔忘乎其喪兄焉
畫荻及之字宛接鯉庭之訓使諸孤忘乎其喪父焉則死者雖死而猶生而

生者之節乃歸之不可尚已如吾嶽母者庶克當此而無忝乎岳母姓程氏
東陽望族也合儀允淑德教夙成甲黨晴之稱賢年及笄歸予岳荆釵椎髻
操作而前慨然以婦職自任閨闈之間肅之如也既舉一子名應奎一女即
予室劬勞撫字方免於懷熊羆重夢行及弄璋矣乃弋雁方期於偕老離鸞
旋痛其孤飛岳父於嘉慶四年九月廿五日卒年方二十有三岳母則二十
有四也維時摩笄一慟誠有不難以身殉者然而姑嫜垂老兒女皆穉千鈞
繫一髮正此時之謂也於是摒擋喪事訖舉一切內政皆躬承之後二月復
舉一子名應璧呱之者生而無父依之者幼未成人言念及此每不禁肝腸
寸斷大聲欲呼又恐傷厥姑心唯有偷彈淚血已耳而供北堂之養則以婦
代兒撫六尺之孤則以母兼父且也阿大中郎亦皆欽邱嫂之法範焉其時
或管或篋供賓祭也或機或杼勤蠶績也羹湯秩之晨羞也糠粃熒之課
夜讀也鋪禮郝法諧娣姒也男室女家全昏嫁也靈萱就萎喪塋莫不盡其
誠敬也迄今閱二十有八年心如古井操若貞松宛然猶如一日其諸巾幗

而鬚眉者歟宜乎弗祿爾釐康彊逢吉子則聲雋成均孫則蘭馨庭砌節而
兼孝詞章誌美於縉紳壽且靡涯綽楔題旌於

廊廟歲丙戌

丹詔寵頒貞枋載樹夫固為邦家光矣豈獨為閭里榮哉

昔

道光七年歲在丁亥仲春中浣之吉

稠州邑庠生壻男陳殿祥頓首拜撰

吳門孔太孺人貞節傳

貞房節孝行賢六百十一

夫共姜矢義儷嘉耦於青宮巴婦懷清擁厚貲於丹穴以彼資富能訓履貴
尚廉猶足冠諸風詩表宅里矧乎屯難必濟節苦彌貞如吳母孔太孺人
者沿東魯之女宗樹南岑之閩範服修以見順著阼階椎髻而前婉勸中饋
方益謙公遊思竹素抗志梯青問字廬前

廣文廬菊人前輩

賞音李下

使李雲門始學少宗伯

興之清暉日茂文達亦岐嶷天然奈文園多病銜玠偏羸聲方雋於一鬢夢
忽徵於二豎孺人乃支持并白檢點刀圭搜盡篋而求醫典春衣以買藥隻
身奉侍預虔粉董之脂膏中夜徬徨曲慰姑嫜之寢息一旦玉樓召促蒿里
聲酸山盡摩笄城將頽杞冤逾精衛誓填東海之波望斷武昌判化北山之
石徒以白頭垂涕思子臺涼兼之黃口牽衣將雛曲苦強延殘喘重受仔肩
斯時也幸做廬之猶在補待蘿牽問負郭以全荒歲頻視惡牛衣如鐵愴懷
對泣之魂魚釜生塵忍利彼遺之乘天只人只方益以困窮叔兮伯兮又誰
爲唱和而拮据予手冰蕖在心屢空乏以自全經盤錯而逾淬至營安窀穸
奠潔蘋蘩書荻教兒勝衣就傅半世之形神俱瘁頻年之血淚先枯壽終四
十有六距益謙公之亡十七載耳夫黔婁之妻制行殊絕而方生之解合聞
未彰仰綽楔之屢新尋祠堂而下拜昭以伸節善也從長豈其霜雪之秉姿
亦假金銀而吐氣乎然而苦終不負鬱極必伸似茲潛德幽光合沛絲綸於
片石所謂後先輝映嗣旌節孝於一門

告

道光七年歲次丁亥秋月吉旦

賜進士出身咸安宮教習

世愚姪韋崧杰頓首拜撰

旌表節孝吳母盧孺人傳

貞房節孝行欽五百八十八

節孝盧孺人定溪介人盧先生孫女南岑吳加熊公德配也少嫻女誡幽閑

貞靜有大家風範年及笄賦子歸加熊公棠棣五葩居震家故落孺人機杼

操作黽勉有無奉舅姑務洗腆而自食菜菔脫粟飯晏如也處妯娌和不失

節同居會食以為常加熊公早歲持家力甚憊甫踰冠臥床褥不起孺人侍

湯藥幾更寒暑顙天請代靡神不臻無何岐黃弗效偕老難期年屆三十而

公竟仙逝孺人遭此大變擗踊號咷誓不欲生妯娌勸之曰爾夫君已不能

復蘇膝下呱呱全仗爾一人撫育今若相從地下一綫脉將誰延乎孺人瞿



然拭淚忍哀治事送往卹孤易慈而嚴當是時也內無擔石之儲外無將伯之助家徒四壁瘦骨支撐每當早暄秋涼荒雞夜永張一燈坐紡馱課讀畢風戛之刺人輒仰屋唏噓涕洟之下有風以吹圖者大呼曰婦不天寘吾死乎卒不可奪嗣以勞瘁過當京毀交迫不永其年計春秋四十有五道光二十九年

詔地方官闡發幽潛凡窮檐苦節應泐表彰者悉臚舉以聞邑紳士以孺人苦節較著年例允符造具冊結請邑大夫達諸各大吏各大吏上其事於

朝朝封章而夕

命下巍屹綽楔卓立雲中孺人之節艱於生前而顯於身後良足慰已子一女聯英年秀發稱幹事才孫二人亭七玉立蘭茁其芽知天所以報孺人者未有艾也嗣君與余有夙好屬家乘方修丐言以紀母節余旣憫孺人之節之艱而又幸夫

旌典之賁嗣服之賢足以顯揚名節風厲閨門也因誌之

告

咸豐丙辰良月

邑庠廩膳生徐有倫拜撰

嫂氏盧孺人節行傳

貞房節孝行增一百四十三

婦人以節著不幸也不幸以節著而翁姑在堂兒女無恙得直遂其柏舟之操猶不幸中之幸也乃不幸以節著而上無翁姑尤不幸不能徑以節著甚至覆巢取子并其夫之祀而幾斬焉斯不幸中之太不幸矣顧能操深慮危百計調護卒以延其夫祀而昌其後人此則丈夫所難而巾幗得之如吾宗

嫂氏

盧孺人洵足傳已

孺人雅溪國學生樹清公之女年及笄歸我從兄書圃

公自其在室端莊淑慎人咸以為能女其來歸婉婉聽從人咸以為能婦惟時舅歿姑健在孺人滄澹承歡機絲佐讀熊羆入夢連舉四男室家之慶雍

雍如也歲乙未從兄以瘵疾卒越二年姑又卒孺人歿也子立瘦骨支撐所恃以慰懷者惟膝下諸孤耳胡天不弔長子已先父亡戊戌次子又亡六七年間既哭其夫又哭其姑又連哭其子孺人之血淚已枯孺人之心緒已亂矣孰意屯難未已至庚子歲三子又亡僅留幼子望銓一人當斯時也痛夫子之駢亡則肝腸如割恐幼雛之不育則心胆俱碎於是晝夜祈禱靡神不宗聞相者之言謂宅兆不利則舉家移之城北或謂墓域不利則延師擇地雖重費不惜但可以延夫祀存幼孤者知無不爲爲無不力迨至望銓成立娶婦抱孫方寸之怔忡始稍釋也今孺人年屆六旬童顏鶴髮健不扶鳩見者咸頌其福履之綏豈知回憶前况二十餘年之火無日不在驚魂動魄中也余嘗謂死事易成事難忠孝節烈千古同揆昔程嬰保孤於患難之中流離顛沛卒興趙宗史論偉之今孺人連喪數子夫祀之延不絕如綫茹荼飲藜苦志維持精誠所格造物亦牖其衷以視古之烈丈夫相去詎甚遠耶孺人節以年例不符未獲

題請 學憲趙蓉舫先生特以玉潔冰清旌之望銓早歲老成內機警而外端渾
循例入國學稱克家子孫一兆湧頭角韃然已勝衣就傅似續之美方興未
艾天之報孺人者固不薄也會族葺修宗譜望銓襄予董其事備陳母氏志
行丐言於余余不敢以不斐辭因序次爲傳以諗來者且以登之乘

告

咸豐六年歲集丙辰嘉平月吉旦

夫從弟友虞頓首拜撰

吳母厲太君節婦傳

貞房節孝行增一百六十一

歲曆維作噩夏五邑紳士廉以節孝聞者制得旌閭請於大中丞白諸

朝廷楨母卽故處士吳振恆之妻厲氏冠焉其稱未亡人者二十七年矣如蒼松
老檜蟠鬱澗底飽霜雪戰風雨干霄矗漢自拱把而十圍百尺皆拄撐凌厲

貫四時閱千歲而不改柯易葉其受命貞也廷楨以湖世姻爲其母乞誌闕
範曷敢辭太君槐塘雨平厲公女母徐以賢淑載邑乘太君幼姻姆教孝友
本天性細至紉緘箕帚悉所素事父母鍾愛之每以不櫛爲憾昆玉三列席
者二其嬪於吳也年已二十有一處士爲鄉祭酒邑增生諱步蟾公叔嗣幼
慧書過目輒成誦居城市蠶塵地而晉接多名儒老宿無不詫爲異材謂其
拾青紫不難也太君趣就塾自持家政奉舅姑無微不至處妯娌以和處士
因得精於勤奈體素羸弱疾瀕危率靈樞不效處士握太君手曰卿將承訣
吾矣奈何時廷楨猶甫晬也乳母抱之在旁力疾而顧曰若能爲吾持旛否
吾不獲覩若成立矣言畢而逝太君呼顛萬狀慟不可名唁者曰爾固然奈
堂上與呱也何抑將重所天以不孝罪乎太君曰吾非不知也哀漸節泣向
隅謹畢塋事迨卒哭淚潛匕下不爲容不出柩而慈旨燂湯悉唯匕以應凡
歲時伏臘芟薦必親暇則事紡織夜分而寢老成重之謂藁砧可瞑目九原
毫髮無憾矣比廷楨稍長受書必請命於所尊悉循家法擇名師屬與正士

遊其意與截髮禮賢劉薦秩馬者不啻益者輒飲之雖鮭菜必親廷楨於是
曉然經義能文章冀紹家學淵源世父振儀諸父振鵬俱邑庠振達上今生
悉皆猶子視兒心泉壤心以式穀之破浪在郎行將快母志且以慰死父也
死父慰而祖父步蟾公之歸道山者亦慰豈特祖慈在堂綵不娛老顧之而
神怡哉今太君年瀕六旬矣自女而婦而母而王母含飴以弄孫三孫女一
不可謂非天之加意於蔭居者厚也已而綽楔巍然設非受命之貞而能受
茲介福乎潮雖不文謹誌其畧以俟採風自有彤管可垂不朽者在

音

咸豐五年歲次乙卯冬月

咨 部優行壬子科

恩貢候選儒學教諭韋 潮拜撰

以行對數韻

皆

...

故...

不...

輒...

孤...

...

...

...



○女行狀

先妣陳氏安人行狀

智房玉池行富六百八十

先慈松山陳氏宋處士仍川先生之後父海洋公闕母朱氏憲副適齋公姪女伯仲五人俱不祿先慈其三也賦性柔和毓德貞順自幼耽閑閨訓頗嗜詩書甫笄奉箕帚於家嚴動念骨肉零落致嘆歸寧業盡婦道而欲兼盡子道勢有不能每以爲之痛悼其相家嚴理家政黽勉同心克勤克儉居恒動中禮度人未嘗見其有疾言遽色且好聞人善不喜揚人短矜卹孤寡亦不艷慕富貴初祖母葉氏早寡年至八十有五凡視膳問寢之類獨以身先之無煩諸妯娌三十年如一日而祖母亦樂有先慈之奉乃克以節終實藉先慈孝養之力也黨戚知而慕之稱道弗絕以孝謹特聞他如諸姑伯叔必敬必戒沒齒不貽一隙撫諸姪猶子比兒下及僮僕罔不有恩意相加然雅信因果好禮佛遇緇流募化雖在冗忙中必潔齋以奉之生騰鳩行凡四每督以天顯友恭之道歲延師友必腆其儀際而以砥行成名爲念會騰倅躋費

序里開慶之而先慈則勵騰曰遠大之事津涯靡際未易以此滿足也噫騰
不肖不能副所望而先慈竟以家務恒謀勤敏惕厲不辭餘力駸以成疾不
數月考終於內寢時崇禎丙子年四月初四日未時距其生蓋萬歷戊戌年
十二月初二日申時得年四十歲騰其冢子次良勝性頗知孝先慈疾劇嘗
割股和藥以進後疾得復瘳越數月而逝若有感格然也次良允良徵亦恂
恂知禮讓不失先慈之訓一女諱銀適松山陳明德卽先慈之從姪也嗚呼
以德若彼以壽若此終天之恨曷其有極會家譜集修聊登厥狀以展風木
之慟於萬一云儻謂數言足繪先慈之全德合後之子若孫知愛知敬則騰
也何敢

昔

崇禎己卯歲孟春之吉

不肖男良騰泣血百拜謹識

先伯祖母陳氏暨伯母陳氏雙節行狀

義房里仁行名六百十七
暨行崇三百六十五

濬生也晚備聆祖父伯叔之訓曰余家世守儒業不近聲勢而兩代雙節萃於一門其一生飲冰茹蘗戚里備傳其真筆舌難罄其苦洵可爲風俗表乃知節義雖本性成亦由積累世德之所毓也今荷

聖天子表章幽德而吾家兩代苦節未獲邀

旌表之榮每爲之泣數行下敢泐其行實求當事大人椽筆之褒以榮幽室以慰

精英幸垂青鑒焉余曾祖父歲貢生諱從中曾祖母安人樓氏繼娶安人盧

氏生八子長次爲樓氏所出長伯祖諱鵬邑庠名儒也二伯祖諱學瑜幼習

舉業弱不勝衣而孝謹備篤曾祖鍾愛之聞伯祖母陳氏賢淑聲遂爲二伯

祖聘焉伯祖母固名門家媛年十七歸余二伯祖如賓如友有德耀風事曾

大父及繼曾祖母服勞洗腆迥殊凡煙逾歲生堂伯諱承鏞甫三週而伯祖

嬰病甚劇伯祖母盡脫簪珥以療之不濟禮斗朝真所以身代至將革時遺

命曰余家遭兵燹後已乏恆產汝今年青子幼何可悞汝終身伯祖母則焚

香而誓曰上有高堂下有遺孩願作未亡人斷勿爲貧苦易厥操也及卒哭泣之哀殞暈而復甦者數四曾祖母抱遺孩慰之曰顧此兒將來何怙恃始少解喪葬盡禮遂終身素服糲食以組織絲紉撫堂伯成人親課詩書如畫荻和丸之教期以大就相同族姪女爲伯父配有太姒徽音謂可以承宗祧振家聲也生堂兄希培年未十歲胡昊天不弔而堂伯亦以弱疾亡時兩母一孤筮匕相對旣無郭外之田足以給饋粥又乏篋中之貯足以度昏朝爰共紡織資生以矢靡它之志家愈窘節愈堅霜晨月夕機聲伴雞聲相咽孀姑偕孀媳同淒除祀事外卽堂從叔伯罕有見其面者至於屢遭荒歉邑中賑貧恤寡而姑媳二人寧餐糠粃斷不肯向外庭領升斗之給故其備嘗冰蘖有世人所未歷者悉耐寒忍餓以爲之比堂兄年稍長復娶嫂蔣氏人延其後嗣此皆出於雙節母之傾情竭力以媳而代子道以母而兼父職以巾幗婦人而爲烈丈夫之所不能爲者也形倍瘠神倍清如霜中松如雪中竹春秋變易百年幾同一日譜之彤史足與封髮截耳者後先輝映矣余大父

序係三諱德麟伯父諱承銘父諱承銓屢欲請獎以表其幽念以百耕爲業未遂所願當康熙六十年間通庠親族廩生徐洪楠金光潮吳希濤均生吳麟祥杜秉琪吳承幹附生張承誠吳希潮等具呈請獎邑大夫劉公諱榮符者額以匾曰凌寒雙鶴已徵志其苦節焉越四歲伯祖母謝世享年七十有七而孀居已五十餘載矣靈柩未葬僅存孤棲之房宇家徒壁立無可支持另售他姓名賃居之最可異者偶有兩猪忽尋覓不見翊日皆死於柩下謂非節母之精靈所驗乎後伯母與堂兄治喪事畢適逢

聖朝表章節孝以勵風俗邑庠奉檄查訪旌表門閭族有庠生吳學垓吳然吳

希鎬吳國模呈請學師吳兢齋備詳撫藩二憲均允題達建坊緣取親鄰甘結稍後遂致擱悞未獲申覆而撫憲已按期

上達矣時雍正四年也余家雙節遂沉沒勿彰而伯母於雍正八年冬亦以病殂年五十有四何吾兄與嫂又不永年而相繼云亡耶今僅留零丁一姪徒抱終天之恨難伸兩世之貞嗚呼忠孝節烈皆兩間精氣所鍾而生前歷

萬難之苦歿後無俎豆之馨始吾祖父欲表章而未能繼吾堂兄力請

獎而未就濬以綿力無從叩 槩戟而光兩母幽潛之德又安得不曲瀝苦衷

以告之當代各巨井志諸家乘或者天不忍貞氣之光荷

殊恩而承褒卹兩世雙節獲與日月爭光是亦濬之私心所常逆計者至其生

卒年月悉載系圖後茲不復贅

告

乾隆十六年歲在辛未春王正月中旬之吉

姪孫希濬百拜謹述

先妣呂氏安人苦節行狀

貞房節孝行崇九百

痛齊年未週失怙依安人膝下安人苦節不能盡記稍長安人撫予而言曰
爾家代蓄厚德詩禮傳家至汝祖名列郡庠事親以孝遇急能周余與爾父
所目擊也生爾父及伯五人長伯入郡庠爾父年二十有三亦與四伯同游

泮爾生之年同庚者四方謂家門之慶不可量詎知越明年祖母歿爾父哀
毀骨立與伯氏相繼病爾時我猶能抱汝而侍也未幾亦病不能養汝倩人
代乳焉汝父病中忽起抱汝以託付乳者送之門乃五月六日也後自忘其
病每督吾服藥又詣四伯臥前促之藥不意病者未起而起者復病計前起
日甫得一旬遂背我棄爾而逝矣當時爾離懷甫九月爾不能知也我亦病
重沈昏已極比我知汝父已同長伯俱就殯余恐傷爾祖心不敢聲啼惟哽
咽吞聲飲泣而已逾三年爾稍能言語行走因自撫養又三年教爾讀書幸
爾祖尚存也不謂爾祖於是年十月又捐館矣未及卒哭時痘大行因倩前
代乳者依其家養焉乃至其家而痘發熱神昏信聞心胆俱裂回思老者壯
者一旦溘然而逝安知弱者小者之可以保全耶急往相視而哭時賴汝大
母舅冒雪遠來竭力調理幸保無事汝之生舅之賜也繼又議分僅屋一間
田五畝零因盡鬻珠翠衣服置田二十餘畝又隨奩一婢年亦長屬嫁得二
十金奩田畝餘亦出售付託舅氏冠婚及不時需舅氏任焉家中薪水租賦

南岑吳氏年譜卷之二十一
三友鶴鳴香坡軒

等項皆四伯父是賴四伯父公直剛正不特祖宗血食賴以存卽余產亦賴以保守後來切弗負恩此齊年所聞諸安人者竊記安人姓呂本邑二十都象岡邑庠貢生諱立慧公幼女自雍正壬子來歸先君乙卯先君辭世安人年二十有五家產又薄或有來慰安人者安人但曰余命薄宜然只痛在重泉者耳是以苦不自憐勞不自恤事翁盡孝待長盡禮爲齊年議婚必問淑德無計厚奩多有合於古訓者且終身無有開眉之日及長孫國楨生而色少豫焉無何天不承以年而一病不起至乙酉四月二十八日寅時辭世享年五十有五而痛先君之心至死不衰親友樓邦達李秀銘陳愛蓮徐平世趙躍雷葛金章表弟呂紹榮姪灝及植等皆稔知安人行實不忍沉沒因鄉試赴省於學師王莊二公具狀請詳轉申彭大宗師准詳給額不勝感念追敘大畧以登諸譜

晉

乾隆四十四年歲次己亥菊月上澣之吉

不肖男齊年泣血謹識百拜撰

吳門陳氏節婦行狀

義房里仁行故三百九十一


節婦姓陳氏玉山上湖人州同知雲龍公之長女文學承幹公次子祥貴配也祥貴諱希鑑字瑛照以乳名行人多以祥貴呼之孺人生長名門屏綺紈簪蒿裙布見之者不知爲官家女也嬪於吳多順德伉儷數年得女一未子指所媵謂祥貴曰姑待含飴久矣是豈不可以育乎君其善遇之然卒不育祥貴爲無賴子所誘不事生人產承幹公幾不以爲子矣先是姚公合于斯遭土寇許都之變二子賴其曾祖聘之力以免季子文烝來守廩以書招祥貴孺人曰君且行事高堂持門戶妾自在之遂拆花鈿治具甌守以世好禮遇有加未幾守將開五秩觴歸謀所以壽之者桃花嶺畔風餐露宿病已砭骨至家委頓甚孺人不敢令二人知私營藥裹不效願天以身代又不效數日逝矣孺人哀毀踰常令四隣罷相者累月時年二十二也卒哭舅曰吾子

累飲深爾又不育復合茹茶飲藥吾何忍爾善爲計孺人哭而退旋踵已投
繯矣急救乃甦舅復授意於其父曰吾將使之歸寧勸再偶可也孺人逆知
之日懷利刃謂父曰吾家樂有再女壻乎苦相逼當飲此刃父母義之不復
強也謂之曰吾家拚五斗粟足汝飽侍吾老可乎孺人曰公瞽姑耄敢忍一
日離乎侍雙親諸弟事也孺人於是率媵若女躬紵紡并鬻嫁具以將公姑
侍膳一日向伯希鎬商欲擇賢而繼希鎬以亡與三弟俱一子幼弟雖有二
子不克家外房以貧故不願爲之後孺人歲時祭祀涕泣曰吾夫他日其隨
若敖求食乎一日歸爲父壽染羸疾平召姪紹漢謂之曰諸子中爾長最賢
以爾寡兄弟弗爾子也幸來可善視吾屬續爾叔墓在山腰爲我歲薦麥飯
但恨不得同穴耳強浴衣和衣表以縞服曰卽以是斂無假他手蓋不死於
男子手也距生得年四十一諸弟葬之後塘陳祖墓側雍正丙午以苦節著
例得與享祀節孝祠余與孺人有葶葭親固不能已於言者他日願書之太
史氏以爲彤管生色

告

乾隆十四年己巳歲臯月

眷侍生歲貢生湯錫摩拜撰





神農本草經卷之二十一

神農本草經卷之二十一

○行實

紀姊氏吳氏杜孺人樞歸行實

義房里仁行名九百廿五

余外甥吳承紳可謂能子矣先是姊氏適南岑吳德君以名家子抱殊姿學
舉業廣交知名士黃金結客殆盡繼且急於功名羈滯京邸一十七年時甥
甫十齡外經紀家政往暨陽生理頗有息每念母氏在家父火不歸瀉其斧
資往京舍省親適乃父以史館供事得陝西漢中南鄭尉途隔七千餘里竭
力支那送父赴任越次年佐治有聲急歸迎母至任重聚天倫之樂奔馳水
陸皆細意扶持甫一載姊氏病故哀毀逾常漢中弔唁者填署甥復體母氏
首邱之志扶柩歸東并攜其無所出之嫂氏樞來南北遠道幾歷風波又值

西土不靖


王師勦賊途中百般調度越十有一月方得歸故土卽請附其母之主於廟以享
春秋之祭其志圖報本而英年才略更有大過人者先是姊與季孀陳氏最
相得比孀母孤寡甥每歲遠賫衣食之資不令無依以成其志今有家室卽

携與同居以養天年體母意也余不能如李勣之為姊燃鬚而且悲且喜姊氏之歸故土也樂得而志之

昔

乾隆乙亥秋七月中元日

峴西太學生杜正華撰



○女壽序

祝吳太親母蔣太夫人七十榮壽序

義房里仁行萬一千八

蓋聞芳芸應節香迴南國之春綠萼舒華護進北堂之頌護金鈴於檻外已
知照眼皆花傳桃寶於山中應識祝年有酒乃有天竹神區畫溪名勝築長
春之館衣綵服以承歡開畫錦之堂指長松而上壽豈獨西池王母駕泛蓬
瀛南嶽夫人生來金闕如我吳太親母蔣太夫人者系出汝南家傳清操奕
葉簪纓之族代有異人萃華文學之宗學鍾賢媛柔嘉維則淑慎其儀纓闈
陳書劉傳張箴之帙紅閨說禮孝經內則之篇肅七雍雍魚魚雅雅以伯齡
之華胄配季子之文孫相夫子以成名一燈佐讀席孫謀而有敘午夜鳴雞
而且擘擋錡釜有齋雅擅禮宗操作晨昏無逸恒歸家督繭絲麻桌懋著勤
勞瑤瑤瓊璜聿昭令則允矣大家閨範不遺繡匠針神居然林下清風競說
蕙心蘭質推其德意則人稱眾母託廣廈者萬間被其仁風則下及家人頌
有容者幾輩是以姍姍戚屬或煦沫于慈風闈翟輝庖並導迎夫善氣爾乃

歐陽畫荻柳氏和丸無忘爾父之勤一言垂訓時見韋幃之設五夜傳經惟
合嗣老親翁清詞吐鳳壯氣成虹抱石麟繡虎之高名繼月觀風亭之舊業
里名通德鄉人羣號彥方座上春風良友願歸洪正有酒滑我常叨截髮之
畱自少迄今久肅登堂之拜矧夫含飴色喜森映孫枝投果忘名顏開大母
瑤環瑜珥堪誇荀氏之龍繡襴綠鞵共卜謝庭之鳳蓋惟保泰持盈播芳徽
於三族所以童形鶴髮奏璇曲於萬千時則閨裏芙蓉珠露降重霄之瑞雲
中金母婺星映南陸之輝開玳瑁而泛珊瑚賓來蓬島頌南山而傾北海酒
進麻姑溥劉盧戚末分居子姪之班孔李通門新託絲蘿之雅素承懿訓敬
祝遐齡愧無燕許之才竊傲紫芝之頌峴山頂上光映長庚玉女祠前譜成
仙曲從此徂徠松柏綿歲月而歷春秋耄耄期頤捧

恩綸以紀甲子將見填門珠履同覘桑梓之榮百幅花牋難罄岡陵之祝矣

皆

乾隆十五年歲在庚午小春之吉

賜進士出身翰林院編修丙午科順天鄉試同考官

年家眷侍生何玉梁頓首拜撰

年家姻晚生方永溥等仝頓首拜祝

祝吳母丁太夫人七袞慈壽敘

義房峴版行名七百六十六

嘗稽左國公父文伯之母敬姜者居常不廢織紵文伯恐非所以安母也每退朝輒勸止之敬姜諭以大義謂古昔隆盛之際無論貴賤男婦各有職守自朝至暮俱不能逸夫人情逸則忘善勢所必然孔子聞而賢之至今猶膾炙人口迨後世卿貳內子驕侈成習此風幾泯近考通郡懿範見有季政吳先生元配丁太夫人者本屬烏傷系自刻木其高七祖爲婺州錄事名與者以孝義聞餘亦以詩禮傳家安人產於名門幼嫻內則及笄歸吳公曲盡婦道敦樸素擯華綺善奉高堂宛然有孟德耀遺風公以內助有人出就外傅朝寒夕攬恩展其猷爲乃以數奇卒老青矜而賦性好施凡遇貧乏勉力扶

持里中蒙其周恤者未可枚舉是雖吳公之素性俱自太安人佐成之至蓄積漸厚器宇漸擴聞有義舉莫不命賢郎等勇往爭先其居界義東右濱大江橋梁傾圯必力爲修葺否則竟獨力爲之行人賴焉若光前緒則崇大宗祊思裕後昆則特建家塾種仁善狀更僕難數值歲大饑邑侯姚公踵門勸賑太安人則呼三男長邑庠生鴻次郡庠生泮幼太學生淇論之曰象饑獨飽何忍爲也樂輸必視衆較厚諸賢郎俱唯唯承命邑侯贈額曰廣種福田誌樂善也邇來大展乾坤前後構堂數十雖主器得人兼有蘭玉之盛而經營調度一出自太安人落成則名其堂曰篤慶蓋預卜世篤其慶也當建造之日百務親臨遇閑則兼治織紵舉家勸之彼辭以勤儉乃齊家之本豈可以耄年遂廢我春秋雖邁而膂力猶堪無多言也吁世常說古今不相及太安人與敬姜皆身都富厚而不自暇逸如此其用意豈有殊耶今以化朝日爲太安人設悅之辰親友莫不製錦稱慶其內姪庠生丁兆鳳丁德行泮行實以乞余一言爲壽余耄矣素不善文緣其次君泮爲予門下生食其饑飽

甚悉特書之以應其請云爾

昔

乾隆十二年歲在丁卯春王正月之吉

賜進士出身署金華府儒學教授前翰林院檢討兼國史館纂修加一級紀錄二次

年家侍生陳環拜撰

祝吳母韓老孺人六秩懿壽序

義房里仁行名九百三

嘗讀詩至魯之美僖公者曰令妻壽母竊歎詩人之明於義理而善為頌也夫人必有才能之婦乃可以資內助妻而曰令則才歸於德而所以助之者深矣人必有賢德之母乃可以成子各母而曰壽則漸漬歲久而所以成之者遠矣顧詩之所指為勸美成風言之美之分見者也今觀吳母韓孺人之懿範則以一身而兼厥美撫以持贈吾知其有合也孺人為寧夏總戎文素

公女孫而浩公先生之閨秀賦性柔嘉幼承姆訓女工婦職皆所熟嫻及
笄歸敷九吳君吳爲東邑望族其祖廷敷先生以諸生受知於制府李公
進叅戎幕雅以傅介子自命馳驅軍壘冀得展其抱負以立功名惜事甫集
賈志以歿先是文素公協鎮金郡廷敷先生與爲莫逆交遂招浩公先生爲
東床客因占籍焉時吳氏聲望旣盛交與亦廣往來酬答歲費不貲敷九之
尊人赤生先生思繼先緒勉爲承應然力漸不逮未免有瓶罍之嘆敷九性
至孝善體親心見尊人意有未懌卽蹴踏不敢自安孺人知其朝夕靡寧者
意在得親之歡且自念己爲吳所自出於舅姑名曰婦寶女甥也左右侍養
先意承志其勤而且謹有非他人所能彷彿者撫媵姒和而善恕子二人長
孺人出次媵出孺人恩勤顧復無有歧視尤爲人所難能其於戚黨遇貧者
必周卹之處妯娌白首怡怡無有間言御臧獲嚴而有恩家庭間秩如也至
其相夫以成名抑更有足多者敷九擅文譽幼補博士弟子員有聲膠序郡
邑交薦優行咨部歲乙丑敷九患脾泄之疾久未獲瘳孺人侍湯藥雖極疲

困不自言瘁遇有危疑震撼之情戒勿聞曰無使臥者忿而增疾也踰數月
敷九疾轉劇孺人急爲身後計自棺衾之屬以及日用所應需者悉爲屏當
孺人之才不誠有過人者乎今其長君名噪藝林次君聲馳國學而且各得
文孫蘭芽秀茁將來蟬聯鵲起光顯其門孺人則身膺翟鼎坐受 綸封可

操券以待也維茲良辰爲孺人六袞設悅之辰諸戚屬將稱觴上壽請余爲
介祝之詞余掌教茲邑與敷九步最契知孺人之才德足垂閭範於敷九爲
令妻而於兩嗣爲壽母聲姜成風之美以一人兼之爰卽詩之頌僖公者移
以頌孺人而岡陵松柏之喻概置勿道諸君子有知其必以余爲善頌也夫

嘗

乾隆十三年歲在戊辰孟冬月下浣吉日

文林郎東陽縣儒學署教諭事原任湖廣澗浦河南西華二縣知縣

茗溪宗人大煒拜撰

祝吳母陳太君八十壽序

貞房節孝行崇五百四十二

東陽吳君聖恒邑中名宿也予司鐸時君已棄人間事而日與其子廷元廷
煥大綱昆季舉文酒之會從容陳家世因悉君內行醅備匪直以文辭見重
予益傾倒之而私憾九京不可復作也時君元配陳太君方開七十宴予遂
爲文以壽而引關雎風始房中之化所以推本君之起教於微渺者甚詳後
四年丁丑予成進士官京師又六年癸未而太君舉八十觴矣先期廷元昆
季以書來復丐予一言爲諸贈詞章介眉者前馬予惟太君懿德發聞自予
在東已足昭之彤管廷元輩述其孝舅璋和妯娌一言一動悉彰溘則而積
而能散一歲中賑卹施與幾無虛日顧當七十時深屬廷元輩以婦無遂事
毋央人爲諛詞以慰我壺教故予文但陳古經義著於丁寧而無世俗移甲
就乙一切頌禱語言今太君德與年進其足以廣班姬之誠而勒女史之箴
者當益有加而抑乎自下不欲以坤道代終好行度外致噪鄉鄰之譽則猶
前志也廷元輩采蘭南陔向崇孝養諸孫復相繼從公雲龍駸以方未有艾

設悅時恰當一陽來復唯是率子姓拜起如禮朗誦朱考亭數點梅花天地
心之句祝燕筭與上元甲子同推衍於月窟天根而未有紀極太君其有
不顧而色喜爲加一飯乎因書此爲門右之獻云

昔

乾隆二十八年歲次癸未八月之吉

賜進士出身工部主事加二級

年家侍生戴文燈頓首拜撰

祝吳母樓老孺人八秩懿壽序

利房縣前行崇七百

余講學吳寧三載見三印兩峴之勝知靈淑之氣必鍾于人考邑乘名儒賢
媛代不絕書及與諸同學游見其都人士皆雅飭自持且聞舊家大族內教
先嫻壺儀垂範靡不肅然秉禮今當秋闈友仲吳文俊應試謁余道及族兄
羽清先生之母樓太孺人重陽後一日爲八旬悅且親友製軸稱慶請序於

南寧縣志卷之二十一
三友錄
余述孺人懿行甚詳且悉孺人生於望族秉性端謹不苟言笑事父母先意承志季翁先生知其賢聘之以爲聖奕先生配於歸後奉姑嫜敬慎無違虔修婦職相夫子克勤克儉躬操績紡夜漏三四下不休先生經營創守職效陶朱常往來吳楚間孺人綜理家務內外秩然比年以來資產日裕孺人儉約自安衣不重帛食不兼味未嘗以奢靡相尚處妯娌怡怡無間御臧獲寬而有制撫一子早已遊庠其顯揚應在指顧間也育二孫長國光已列宮牆次國葵亦奮志儒業飛鳴在卽曾孫四皆桂蘭馥郁一堂四代濟濟乎稱盛焉其壺儀如此求之巾幗可多得乎跡其芳徽播之彤管誠堪與古之名媛媿美矣佇看

紫誥鸞書疊下而來懿德之徵詎有艾與余因不辭卑陋採撫所聞以爲今日循觴者助并爲異日採風者助焉是爲序

昔

乾隆四十二年歲次丁酉菊月吉日

賜進士出身翰林院編修四庫館纂修兼校勘官加五級

年家眷弟係辰東頓首拜撰

祝吳君提菴暨李氏孺人五表雙壽序

貞房節孝行故七百六十

先儒曰箕疇五福以攸好德爲本故五福之目雖列於九而五福之基則在於五疇所謂予攸好德汝則錫之福是也今於提菴吳君之諸福畢備亦於好德卜之矣君蓋以文學世其家自少卽頭角靦然爲乃翁所鍾愛長而承顏順志大得乃翁歡心與伯兄仲兄友愛日篤旋受知劉中尊拔取冠軍卽於其年補弟子員元配李孺人舉案相得李故木香名家女也來嬪于君佐君式賓理中饋抱甕操作有桓少君風君生平坦懷接物氣度冲和未嘗有疾言遽色尤喜敦禮師友恤睦姻戚常誦東平王蒼爲善最樂之語以相戒飭而李孺人亦時黽勉同心樂善不倦是故顏其軒曰種德可以覘其志矣茲值嘉平望日爲君五十初度而李孺人與君齊年已於杪秋設無算爵矣

桑弧擊祝後先相望諸子姓以次希鞬鞠履笛則奏鶴南飛曲則歌鳳將雛
其亦有足樂乎諸親友投詩爲壽者皆一時之選而問序於予予自司鐸東
陽與君歡相得也今雖年際大衍而朱顏綠髮若未踰強仕者膝下丈夫子
六長郎次郎已俱有各諸生間而諸孫皆森々玉立比於吳臺鵲起然則所
謂五福者君其將與孺人備享之歟雖然君固種德者也禮耕學耨攸好何
極其亦箕疇五福於五疇基之馴至日積月累而未有艾也則卽以予言爲
雙壽作朋而永錫難老也可

昔

乾隆三十六年歲次辛卯嘉平月吉旦

授文林郎借補東陽縣儒學教諭

年家侍生厲 玕拜撰

恭介吳母陳太君八秩壽序

義房里仁行敬一千三百九十五

蒼山之松蒼鬱盤鬱於千仞之上而霜雪不能欺其節勁也翠柏西向不避
金尅迺貫四時而不改柯不易葉其節堅也吾茲於

陳太君之得壽徵之矣

太君系出潁川幼嫻郝鍾禮及笄嬪於吳相夫子

循南陔伯叔姒讓善焉軋七機聲鳴佐樂羊讀以遇慳援例聽經園橋麋齊
舉案熊夢占祥熙七如也乃至明鏡中破寡鵠興悲遺孤四若梁間巢燕呢
七喃七春寒待乳斯時也零丁孤苦匍匐有無持內政捍外侮形單影隻自
顧生憐 太君之矢節也彌苦然而享矣歲舍屠維作噩小司馬昆明趙蓉
舫先生奉

簡命乘輜軒來之江博採浙東西有古柏舟風者都人士以 太君之行上
聞時 太君年踰古稀精神矍鑠生受旌揚福報綦厚矣猶復手培玉樹秀
茁庭堦長君殿彪攻孫子書嫻武略遊右庠次君觀淇磊落英多觀光璧水
長孫上林能讀父書受知於學使吳崧甫先生爲弟子員繩七揖七四代一

堂汾陽大福太君以壽享之 太君實以節致之然則節之久壽之徵也

太君一人間之松柏也茲當涼生池沼荷芰揚芬酒晉碧筒以代稱兕為

太君八旬壽慶固已三千珠履輝映華堂矣諸秉鐸來東得與長君交藉知

太君闕範自有以大節得大壽者爰贅數言以侑觴焉

昔

咸豐六年六月上浣之吉

特授東陽縣儒學司諭

姚汝諧頓首拜撰并書

祝希林大兄先生暨德配徐孺人七秩雙壽敘

習房玉池行敬千四百六十八

蓋聞東海木公名注銀臺之笈西池金母位參玉闕之班况予靜好攸宜倡

隨合德栗里松筠競美孟梁高躅鹿門琴瑟尤誇劉鮑雙仙宜其大年可致

名儕洛社之英壽母稱賢人有闕宮之頌矣恭惟希林大兄延陵望族渤海

三友鶴... 校...

名宗宋仲庶則人欽風節元伯清則自許聖賢宿學者年允矣園橋各宜
才偉畧卓哉保障功臣至若鄱陽合政得民心太常卿帝驚金胆固已閱閱

煥乎門楣名氏標乎史冊

先生承世德之駿洪亢宗門以矯越詩吟補哲

誼篤循陔行戒蟬辭除枝葉朝夕運陶公之甓勤則有功風霜御晏子之
裘儉非務嗇矧復品逸于梅人淡如菊里閭共飲以和貧乏咸沾其惠叔度
汪波德操藻鑒白香山之大裘安吉杜陵老之廣廈併幪騎非歛段馬少遊
願爲善人畏到姓名王彥方群推長者是以慶衍一門祥徵四代子還育子
孫復生孫羨有趾之皆麟亦何毛而非鳳所由枌榆頌德載口勒而留耆社
之鄉抑且庠序乞言錫頭銜而預賓筵之典也德配徐太孺人南州淑範東
海名媛詩有盤中言無恫外蒹藻蘋藝聿伸孝享繭絲麻泉懋著勤劬相敬
如賓眉齊梁案因心則友手挽鹿車風自宏其推解教更盡夫義方固宜室
有芝蘭階多玉樹矣迺者時逢夏五年值古稀紈素初勻榴紅互映砌榮益
壽之花庭蔚恒春之樹塔下菖蒲枝七九節筵前桃實落七千年荀龍繞膝

胥鞠脛而奉觴薛鳳盈門羣躋堂而祝嘏杰情聯縞紵誼託絲蘿敢效岡陵
之祝莫罄頌禱之祠喜此日椿萱並茂載賡鶴筭之綿長卜他年耄耆同登

共荷

龍章之寵錫謹序

告

道光二十四年五月吉旦

賜進士出身前陞平縣知縣

韋崧杰頓首拜撰并書


愚弟胡筠杜經田韋鼎元賈緒韋文煜顧大潮眷姪韋棠邵煜源鄭鏡臺

陳廷材徐望嵩同頓首拜撰

祝吳老親母樓太孺人夙旬壽序

別房縣前行實七百三

我



皇上御極之四年歲在闕逢涸灘余月望前二日竹風正靜槐日初長爲吳老親
母樓太孺人八旬悅旦先期數日親弟捷以子壻禮往祝乞余一言以侑觴
余忝在葭末頗聞其概親母系出名門夙嫻內則適我親翁西垣公相敬如
賓情諧伉儷生平尤慎言語節飲食勤紡績厚鄉鄰僉曰吳母之所以享遐
齡其在斯乎其在斯乎余則以爲親母之懿行卓匕可壽世者三而年不與
焉從來巾幗之性情與丈夫異凡一絲半縷來自母家者其珍惜倍尋常親
母有奩田若干畝分箸時勿以爲已物度量慷慨稱道勿衰此其可壽者一
也善事舅姑不留餘力苴蘭布帛受而無私滫瀡脂膏嘗而後退太親翁之
閱花甲者四百八十太親母之御曦輪者二萬七千三百六十皆得力於親
母之孝養居多德性恭順允堪裕後此其可壽者二也課子以嚴不失之酷
撫媳以寬不流於縱故子多順行媳無違命而三哲嗣夫婦尤兢匕於左右
就養曲體幽景則御下有道得以頤養天和純固葆真正未有艾此其可壽
者三也若夫言語之慎飲食之節紡績之勤鄉鄰之厚嘖匕人口者猶其末

也我故曰懿行可壽世者三而年不與焉弟其行乎捧吾言以介焉足矣又
奚事侈陳琳宮珠室之符白石丹砂之術也哉

昔

道光四年歲次甲申四月上澣穀旦


賜進士出身授文林郎候選知縣

姻姪展齋包大成拜撰

祝吳母韋太君七旬壽序

元房 厚行賢二百四十一

壽世必以德閨壺之以厚德著聞者其壽世尤無疑也是故讀錄語詳上蔡
課文館築高唐苟可稱美前哲躋之肅瞻清懿奕然與婺宿爭華矣若第以
燕鬢其首熙誦黃庭比於黎瓊姑射豈所語坤之六二直方大而進之以黃
裳元吉之占哉恭惟安人在父母家也柔順性成不忤於色凜姆師儀訓沃
灌厥心有以禮佛念經告者輒謝之蓋年未及笄而所以植其德者已爲國



壺冠矣洎執婦道以事尊章也贊之棗脩効其虔饋之特豚明其順敦奉后
匱有必辨焉其相夫子也警鳧雁於將翔諧琴瑟於在御揮樨枕席有必諱
焉且夫琚珞玳瑁之報絲鷄蠟燕之遺職婦事者類能修此未足規乎其大
也安人於宗黨姻親恩誼明而慈惠篤鍾郝禮法何以過之尤難者佃人租
課逋負無常歲卽豐稔視他家之入恒減二三曾不使赤腳蒼頭踵至其室
下逮乞丐填門給之饘粥未饜所求甚有毀垣墁壁旁弗能堪者安人安之
嘗告其家人曰幸麤衣穀食溫卹分也易地以觀當勿相媿矣斯其厚德之
足以致福閨壺中不有明證歟今茲行年七秩設悅合辰梅放先春芬芳遙
遞斑衣粲朗曷鴻都之珮獻頽璧之芹者賈虎也錦髻嗟戛吹鴉管之笙播
靈鼓之鼓者荀龍也肅客階除凝香几席衛叔寶乘車戾止杜黃裳在座有
儀也余與伯仲交夙嘗拜謁傾奉德音知應地無疆適爲壽世之徵者其來
有自茲雖遭迹緱城不獲登堂介爵而假管城子以龜率羣言分何敢辭謹
敘

告

道光二年歲次壬午孟冬月穀旦

選拔貢生任台州寧海縣學訓導

定溪眷晚生盧標頓首拜撰

長坂吳應暹先生暨太君方氏八旬雙壽序


貞房城西行賢七百九十三

嘗觀麗天之宿號曰老人寄野之星名爲婺女誰希其美木公與金母同靈
誰得其精桐幹與萱花並頌恭維

應暹先生甲第連朝簪纓累世幼攻孔孟長學陶朱城西而舍梓桑圖南以
偕伯仲始居葛舖之衢譁囂不耐繼卜長坂之宅清雅堪安創業艱難起家
儉樸播穫動而禾油麥秀堂構肯而松茂竹苞善事雙親蘭陔潔養和諧一
弟棣萼修歡溪南董百丈橋橋成而舟修裡水里北平三叉路七關而廟葺
塔山燭茗煎茶繞道有麟仁之頌解紛排難繼鄉無雀角之爭懸鵲惠以青

南... 卷之二十一

三友錄 校對



絲哀鴻周以黃粒是以品重南都

恩來北闕禮陰鳩杖燕賦鹿鳴也

太君河南著姓邑東各家秉性幽閑居闈肅穆姆儀必飭女史常箴膳供舅
姑鼎烹赤鯉餐加賓客杯泛黃鸞雨雪施篔筥官肯憐貧晨昏課蠶桑勤能
加儉教二子而延師苜蓿不吟絳座集四方之從士膏肴或佐芸窻誠可媿
陶母柳姬輝流彤管復何愧韋門宋氏美誌書篇茲因懸弧令旦設悅良辰
舞雩風和士宜春服隴邱麥熟官進農書生如渭水太公松身鶴骨

太君若瑤池王母綠鬢朱顏八千歲爲春八千歲爲秋華樹之精靈並采三
千年而花三千年而實蟠桃之佳菓回羞觴醉九霞歌虞雙鳳洞人倫之景
祐爲大錫之純禧兩人賞雪白到鳩頭二老看花紅歸鶴膝且看一道龍章
知是八旬起步姑候

九天鸞誥定當百歲齊眉謹序

昔

咸豐六年歲次丙辰陽月

眷弟郡庠生葛鳴瑤拜撰

祝吳母陳老孺人七旬壽敘

貞房節孝行賢八百七十六

城郭秋煙帶帷夜月雯華誅蕩善氣薰蒸占翹鳳而欲飛得玉睢之佳耦芙蓉為鏡翡翠一枝謹於嬰執思之寤寐畱菊英於晚節晤蕙樹而趨庭我

吳母陳太君者太學生栽亭公之德配而湜川公冢媳也及笄而字詮婦以

容櫛繼端莊槃匝滌濯事舅姑而致孝宜家室以撝謙憶曩時適館相與題

襟每偕我登樓驩然醉酒

先是湜川公嘗館我裝窰器為聯句工楷書飲無筭爵

乾坤納納日月悠悠

沐

壽字之恩膏逢

盛時而寢處問誰奠雁猶許思鱸為獻紵之鄭僑有采蘋之蕭賁

母儀在即偕老何如

母氏葵居已二十餘年

陶侃懸梭魏舒相宅歎家尚績珪母知

文繡練鵲而牽衣烹嘉魚以入饌扶筇祝饒分果垂髻抽心繭而如絲斬耳
門之一麥鴛鴦在瓦蟋蟀當堦投井轄而思歸剔饒燈以課讀蓋藏穡積鮮
省臧嘉計織悉而釐然益康強而逢吉玉壺掩映環珮鏘鳴羨尹姑之先聲
頌姬姜而復起有媯曰陳於州名婺霜鐘在篋月帳重局宋廣平娥媚將賦
梅花劉中壘文章應叅荻篆謬以贈言因之爲敘

昔

大清道光二十六年歲躔丙午菊月下浣之吉

勅授修職郎原任杭州府昌化縣儒學教諭
覃恩加二級截取知縣

眷弟苻州何 豫拜撰

姑母太孺人六十壽序

貞房節孝行賢九百二十一

夫危松百尺秀柯葉於寒山慈竹一竿播歲蕤於空谷誠以本性之貞盟金

石而不渝其志斯遇歲寒之候歷冰霜而益發其榮壽之徵也德斯懋焉乃
焜耀珩璜侈張輦輓者傲魯頌壽母之稱譜唐山夫人之曲銘椒頌菊幾溢
緇繩朱鳥丹麟過形曼羨亦烏足闡芳貞於壺史彰淑慎之坤儀哉用陳紀
賓之詞聊當稱觴之祝如

吳母太孺人者

姑丈壽田公之德配而協之從姑母也婉婉修儀莊姝表度幼擅合姿長嬪
貴族瞻祥女之入門婢媪皆喜叶善心之爲窈妘皆和恪薦蘋蘩有齋不
殊於季女深陳滄澹事親克謹於儒門習禮儀而媿匕善下採井臼而踏匕
忘勞至于閨房無諍舉案則相敬如賓刀尺與偕伴讀則同心似友遂使學
富千蹠聲雋一鬢者皆其助也誠哉婦職之克修宜與君子以偕名已無何
作記無人遽赴玉樓之召含貞有木竟貽漆室之憂鸞對鏡而孤棲鶻與歌
而早寡飛隨蝴蝶夢欲斷乎青陵哀奏笙篴情更深于麗玉固將捐此生以
化石夬素志於靡筭况復蘭茁旋凋苗生不秀愈重未亡之痛益增莫告之

窮淚欲珠傾類重淵之鮫泣血將衣染和夜月之鶻啼既捋其荼復集於葵
天乎甚酷人何以堪遂乃柏舟以誓其志露紵不易其容黽勉孀雌同室相
依爲命提攜弱女慰情聊勝於無袖倚竹而忘寒屋牽蘿而待補秦箏齊縷
不恤之緯常勤女布男錢作健之門壽理秩七然家政之修夫誰得而儷焉
然而伯道無兒徒歎無知於冥漠樂天有後曾聞相繼以阿新遂將姪以爲
兒卽以母而代父用啟納楹之藏曲盡折蓼之教叱絮羹而示禮畫荻筆以
傳書脩苜蓿於盤殮熊丸助志擷茆芹千泮璧鵬路先登少長之遴舉茂才
於綺歲適符元結擢上第於髫年淑聞川流賢聲颺起正所謂菘菘之草抽
心更榮欸冬之華凌寒愈茂矣今者歲當協洽候屆小春良辰悅設花甲輪
迴菜衣忙舞於庭前冠蓋紛綸于戶外上壽人之曲璫奏三山揚彤管之輝
筆拈五色而回思苦閱蓮心勞經棘手行義望桓蔭之室懷清築巴婦之臺
不已易苦節之貞而爲甘臨之吉乎里周仁粟信禔社之有徵暖護靈萱寶
報應之不爽協敬瞻寶婺仰庇慈雲值華屋祝誕之日却太行出守之時當

年簪杏分曹展驥足而自來拜母今日嶺梅報信逢燕喜而未獲躋堂寶寸
念之遙馳託綵牋以伸介曰恭作壽美意延年祓除譏語用彰聖善之微胥
飾祕儀願代岡陵之頌

昔

道光十五年歲次乙未小陽月

賜進士出身刑部主事任江西九江府知府

從姪虞 協頓首拜撰


祝松濤吳學兄年長先生暨德醜華孺人六旬雙壽序

義房里仁行賢千二百九

昔者燕王漢帝君臣之誕育一時桓廟莊宮父子之降生同物以云伉儷未
或前聞若乃寢床衣褥吉夢則連月遞占設帳懸弧遐福則耆年並享問庚
申之守眉既能齊數甲子之週齒尤相若所由人頌三生之慶家傳百歲之

歌也我

南... 三友... 校...



松濤學兄年長先生梅里洪支雲臺著姓門屏西峴萃文通武達之材族儷南
岑鍾甲第乙科之盛始祖康肅公龍圖奏績忠回雪窖之寒派祖中書公鳳
閣翹才望樹木天之峻歷高曾而戴德嗣弓冶以承家四傑馳聲大父競壘
簾之爽一經奪席尊公聯棣萼之輝我 兄幼卽端莊長逾恭順分田授宅
爲兄則忍處於肥讓棗推梨食果則願分其小陸公紀生多至性橘常墮於
懷中吳隱之毀不勝喪鶴爲鳴於庭下况復才鋒雋異姿稟通明早歲摘華
賦楊梅而名噪中年製錦題鸚鵡而價高謂官捷步雲衢快睹鴻毛之順而
乃羈身塵鞅未覩駿足之馳人咸代爲咨嗟 兄獨付諸曠達麤衣大布無
慚儒素之風桐帽椶鞋兼課農家之譜以儉勤律已以真率待人內則生粟
生金詔諸郎而分職外則治凡治要集同事以鳩宗遂使東觀名賢交推郭
泰西京太學盡重劉陶文蔚國華圖成家慶福之集也壽之徵也德配
華儒人系出武陵支分沛國職優組紉德懋珩璜凜彤管以裊躬剔青燈而佐
讀當日鹿車對挽允宜夫子之家此時鴻案相莊事起佳兒之譽伯兮嶽也

秀挺蘭桂也觥七聲蜚槐市殿秋風於桂子瑞兆白眉長春雨於桐孫英
誇黃口家介婦分行審曲內外家連輩稱觴此劉樊夫婦之春秋亦陶翟隱
淪之風範也茲者慶逢雙誕美并二難少女風柔紀甲在花朝以後老人星
爛降庚徂穀雨之前陽六律陰六同十二管中聲好合二月如三月病百五
日春色平分於焉浮大白數觴聽小紅一曲觥船絡繹綵舞繽紛仰瞻奎聚
堂前雙星耀彩定識里仁坊下三祝徵歌諧濫跡珂鄉忝膺臯座一官留滯
十載欽遲緣咫尺之芳鄰識倡隨之樂事笙竽座上鶴唱南飛苜蓿齋頭蟻
枕東豉從此椿萱並茂白齡歌偕老之篇行看

綸綍下頒五色煥重申之命

昔

大清咸豐七年歲次丁巳春三月吉日

敕授修職郎乙酉科舉人東陽縣儒學教諭通家侍生姚汝諸拜撰并書

祝吳樓太孺人八秩壽序

貞房節孝行欽一百五十三

風始卽咸恒之義足弁冕於葩經魯侯正德教之遺必淵源乎壽母未有女
箴未善可以平嘻嗃之聲陰教不脩可以衍門庭之慶者也曹大家之淑媛
定享遐齡桓少君之女宗無慙上壽矣恭惟

樓太孺人乃

桂坪姻太親翁之嘉耦也生由望族歸自名宗織蘇蕙之璇機立文君之紗幔幼
嫻姆教振四德之綱維長裕徽音謹十年之馨悅作門楣始事得父母歡心
訓習乎御輪奠雁之先道馴乎授室承筐之始却鉛華而不御時馨欬而不
聞禮盡姑嫜家運值轆軻之候和諧築里芳型壹桑梓之聲躬織紡尤勤不
畏饒魚燠暗潔菖蘭以薦奚殊屈芟情虔卅餘年姜被酣眠歸美特鈇婦順
數十口荆炊晚析宣言共卜家祥此盛德之所資亦天真之獨厚者也而日
待下必均乎勞逸氣賓尤切乎賢能謂先人贈紵締交必縈情乎宿彥相夫
子趨庭學禮恒分愛乎盛年鏖戰在文壇贈佩而鼓三不竭土成爲國器停

南史卷之二十一
三 文鶴望清校對
鍼而夜半彌殷正無庸續史多才或唵柳絮卽絲是謂鷄起舞亦贊弓裘教
不越乎折蓼志更斬乎式穀種宜男之草綠滿階除爲述祖之言赤鍾肺腑
書聲朗也燈影煌也物色充閭悉

盛時之麟鳳後先濟美並裔世之瑾瑜長君以壯歲能文門下辦香不少季郎於
英年擢秀後來捷步尤多仲氏鵬飛聽經槐市孫枝鶴立挺秀蘭階是義方
之教所由成亦壺範之垂無不足子皆合子已備乎兩到雙丁孫又生孫更
肇乎六陽一畫知彤管特書而無媿亦丹爐九轉而始成迺者黃花漸及乎
重陽朱草方榮乎六葉延陵稱菊酒豕介婦雲髻簪花娛老著萊衣合和堂
鳳毛必彩一庭四代應

本朝錫類之休八秩齊眉尤古羞罕聞之瑞舞衣斑而筵開月榭瑤珮集而錦麗
雲屏薇省仙郎未登高而作賦瀛洲學士已介壽而陳言而杰也印雪泥寒
還山雲滿憶西天之王母想東海之麻姑靚縷坤儀吐芬芳於墨審掄揚婦
學傳雅奏於房中看此時玉樹聯輝敬佳襪翔業已共後生而晉長生之酒

卜異日板輿迎養鸞停鵠峙益將因借老而賡難老之詩

昔

道光二十四年歲次甲辰九月初六日之吉

賜進士出身

勅授文林郎直隸州隆平縣知縣

姻再姪韋嵩杰拜撰

恭祝吳年伯母蔡太孺人七旬慈壽

義房里仁行欽二百八十四

皇帝御極之元年五雲絢彩九陞騰輝福洽垓垓慶釐上女於時璜供職木天同

年友東陽吳君介石以書來展誦知今九月二十二日為壽母七旬令且囑

一言以侑觴璜惟蘭譜之馨義均同氣管彤之煒例屏曼詞矧辱紀羣之步

素高鍾郝之誼方勤洗腆敢靳濡毫蓋聞婦人之致壽有三曰妻道曰婦職

曰母儀異範懋昭坤符永奠準斯為斷可得而言恭惟



勅封孺人吳年伯母蔡太孺人者甲午科舉人荆石公之淑女文學

勅封文林郎年伯芸卿公之令妻拔貢生候選州判介石昆季之賢母也茂族含
芳莊姝協度聽琴風慧長風薄柳絮之吟拾葢遺型夜雨厘桑條之采爰從
反馬好咏齊麋儉不滋豐勤能代價桓少君抱甕汲水躬井臼者廿年山夫
入治饌留賓識英雄於一瞬釵恒摘髻貴且傾奩聲軋也而獨弄班機火熒
也而同依匡壁遂使風生芹沼志得遂乎鵬搏望重梓鄉事無憂乎蝟集六
姻式禮三郤銘仁庭闈自釀以春和婢媪亦分其冬愛其善相天子如此
封翁承父命嗣伯父後竹林分蔭已當強立之年梓舍移栽遂別瞻依之地自
以王章少賤高鳳多貧愴懷鞠育之恩抱歎涓埃之報

孺人曲承夫志倍飭婦容滄澹均調煥寒並視每際春秋佳節花月良辰姜鯉
登鮮茅雞佐脆敬扶四老歡坐一堂既婉婉而勤加餐更殷勤而懷佐餽爲
冢婦亦爲介婦出入以作股肱奉慈姑兼奉威姑粥飯並經心手洎乎期頤

錫慶綽楔

旌榮奉百一歲之老人始終無間作四十年之新婦勤慎有加其孝事尊章如此且夫外稟趨庭之訓學所由成也內邀徙宅之規緒所由續也自來詩禮之傳半藉閨闈之教惟

封翁青箱翼子世德作求惟

孺人紗幔重申義方垂訓驅蚊添獸五夜程書機月梭霜三更佐讀雖元龍奮跡已驤首乎天衢而季豹儲材尤劬心於雲路迄於今年既邁矣猶復含王母之飴課文孫之字以孟母之斷機代范公之傳硯其勤於課子若孫又如此總此三者妻道備矣婦職嫻矣母儀懋矣應地之貞罔缺自天之福畢臻乃者序屬三秋筵開七秩荀龍薛鳳鞠臚稱觴宋豔班香分箋獻頌題紅葉作房中之曲折黃花當海上之籌彩雲一揮僊璫四應

孺人顧之喜可知也抑

璜

稱祝之意豈直是已哉昔李景讓以文學顯其親陶

士行以勲名榮其母准今例古殊途同歸異日者蘇氏文章步推軾轍宋家科第並重郊祁御二龍於長途翔雙鳳於天漢於以奉板輿披繡幃康鼎祿

養元神綿白齡鶴算之祥拜五色

鸞書之寵意天所以壽

孺人者其在斯乎璜敢以是復於介石其代酌卮酒以獻也可

告

咸豐元年歲次辛亥九月下澣之吉

賜進士出身翰林院編修本科陝甘鄉試正考官前七品小京官

年愚姪貢璜頓首拜撰

勅授文林郎正西科拔貢朝考一等分發貴州即用知縣

門晚生龔秉琳百拜謹書



東陽南岑吳氏宗譜卷之三十九

女祭文

祭節婦陳氏安人孝子滄公文

貞房節孝行宗七十一
暨子行榮七十

乾隆五年二月奉

旨命禮部頒祭母子節孝文

浙江金華府東陽縣知縣

某致祭於


旌表節母吳陳氏孝子吳滄公之靈曰惟靈純心皎潔令德柔嘉久志完貞全閨

中之亮節竭誠致敬彰閭丙之芳型茹冰蘖而彌堅清操自勵奉盤匱而匪

懈篤孝傳徽

絲綸特沛乎殊恩祠宇昭垂於令典祗循歲祀式薦尊醪

饗



南齊書卷之二十一
三友鶴望清校對

祭誥封吳母徐淑人太夫人文

維

隆慶四年歲次庚午九月丙寅朔越廿六日辛卯

浙江等處承宣布政使司左布政使郭朝寶右布政使朱剛左叅政會省
吾右叅政姜繼曾劉繼文左叅議郭天祿浙江等處提刑按察使周按察
使曹天祐副使劉大遺王汝正吳椿韓君恩僉事李文績莊國禎吳教傳
湖江都指揮使司軍政掌印都指揮僉事徐正軍政僉書都指揮僉事沈
思學徐尙明謹以剛鬣柔毛清酌庶羞之儀致祭於

明誥封淑人吳母徐太老夫人之靈前曰陳女圖於元覽兮感坤儀於先賢欽
鹿車之合軌兮何壺範之娟也崇長沙之慈訓兮仰母德之無前邈千古其
誰繼兮惟夫人之表然相夫君以交警兮步雞鳴於詩篇衍螽斯之餘慶兮
羨蘭玉之芳鮮旣菽灰以晝厲兮亦熊膽以宵虔伯翺翔於樞府兮握千里
之兵權仲振藻於芹波兮將鳳舉於九天叔季燦然其白眉兮赫嶢嶢之偉

瞻匪母儀之孔昭兮曷四美之俱全方優游於蔗境兮胡祿養之
賓等之蒞茲兮忝合予之官聯俄聞訃以太息兮傷香巖之遊仙
短晷兮埋良璧於重泉聊炙鷄而祭酒兮用以代夫藁蠶靈洋
歆予觴之冽蠲尙

饗

祭張氏安人文

義房里仁行名五百四十七

維

康熙四十五年歲次丙戌五月戊午朔越五日壬戌

東陽縣儒學署教諭事乙卯科舉人張珠訓導朱鈺暨通庠王楷韋承禎
等謹以剛鬣柔毛庶羞香楮之儀致奠于

待封吳母張氏安人之靈前曰繄惟安人毓質名門夙嫻四德坤道是敦其未
賦于歸也仁孝之稱見推宗族友于之譽美自弟昆溫良貞靜教裕淵源何

南史卷之二十一
三
以擬之姬姜接跡在姒同論迨匹配夫喬門也嗣徽齊媚不愧蘋蘩事上以
敬御下以恩勤儉克家織紉饗殮相厥君子德音勿謏宗盟戚黨人無間言
鍾和孕秀掌珠斯繁元方難兄如金之渾季方難弟如玉在崑寶屏雀中旣
稱快堦謝砌蘭芳又挺懿孫至於奉膳雙親若羞魚之黃氏卜藏瘞奠等城
杞之晉平是固天降精靈於婺宿兮令母儀於分野胡爲乎適符交周之卦
數兮使喆嗣廢詩而飲血良人抱痛於鼓盆嗚呼感泣臯魚觀木風而洒淚
傷心孫綽丁荼蓼而銷魂王修輟桑榆之社只因哀感蘇威饒柴毀之骨亦
爲冤煩何怪乎絃驚別鶴夢斷啼猿無論親疎遠近皆欷歔往弔而聲吞嗚
呼有定者眉壽之數未艾者植福之根果生前德具沒後慶蕃焉知長松千
尺靈芝九莖而不綿延吐瑞寢園况清齋繡佛茲果已成茲一逝也非飛瓊
爲之銜輪雙成爲之舉旆趙遙乎金母瑤池之圃必善才接引太士開顏蒲
團拜首於靈山之世尊滴楊枝爲酒醴兮盞芳潔倩鸞鵲奏挽曲兮語溫存
如來如來兮信有慧化千萬寶手目超紅塵世界而舉止軒軒尙

饗

祭勅封孺人杜氏文


義房里仁行名九百廿五

維

乾隆十六年歲次辛未仲秋朔越三日丙申

文林郎知漢中府南鄭縣事福禧謹以剛鬣柔毛庶羞致祭于

皇清勅封孺人吳母杜孺人之靈前曰嗟乎人生天壤間大抵一幻境耳在電光
石灰中忽生忽滅修短雖殊畢竟同歸于盡雖然有不盡而 者有盡而不
盡者不盡而盡者無論已盡而不盡者生有餘榮死無遺憾若吳母杜孺人
者洵足稱也孺人生於浙右望族其王父忠孝名家入祠奉祀父雍玉公係
明經宿儒居家孝友處世謙和其著作有北遊詩楓庄集傳世孺人幼攻女
史長嫺姆訓孝慈本自天成工容不從人授伉儷於明經烈公先生之三子
德君吳公其于歸也舅翁素行慷慨仗義濟貧雅廣步遊姑陳夫人佐主中



饋動繩牒法孺人則殷勤奉侍婦道是敦定省無間於晨昏蘭茝不忘於餽
獻至其待伯叔和妯娌謙抑善下有古賢媛之風焉迨德翁銳志功名南北
奔馳旅食京華憂免內顧徵夫人之力不及此生丈夫子二英明偉發閨秀
一端莊貞靜不端煩夫子經營而婚之嫁之無不如禮斯又巾幗之雄也茲
者德翁年逾知命甫叨半綰之授少府南鄭清慎敏勤事上接下俱得歡心
因迎孺人於官署同享 恩榮克相內治夫何未及半載忽焉奄逝余忝領
袖斯邑始聞而爲孺人悲繼且爲孺人喜也向使孺人懷故土樂田園則夫
妻子母之間未必不愈深南北地天之痛今也聚順一室從容談笑而終是
又不幸中之幸也不誠可喜而可不悲者乎今計音一出素車填門弔客雲
集燔牲來芻醜酒有行喪禮旣盛於一時令聞不朽於身後行見 鳳誥鸞
書榮及泉壤旂旒撰德彤管垂芳人生得此真生有餘榮死無遺憾者矣所
謂盡而不盡者非耶嗚呼往駕難援來芳足述又何必躊躇冬愛悵悵秋暉
也哉聊陳荒蕪之詞用佐清酌之奠靈如有知庶幾來歆尙

饗

祭勅封孺人杜氏文

義房里仁行名九百廿五

維

乾隆十六年歲次辛未八月甲午朔越三日丙申

中部縣教諭王運會安定縣教諭郭永康乙丑科進士李國禧戊辰科進士楚文暲原任三屯營守府周琬原任彰德府參運今時芳等謹以剛鬣柔毛清酌庶羞致祭于

皇清勅封孺人吳母杜孺人之靈前曰嗚呼孺人巾幗宗師母儀婦道克盡無虧亭亭玉質松柏之姿忽驚仙逝涕泗漣洏敬惟孺人浙水鍾英浣花望族奕葉簪纓祖祠孝子父行割股世濟其美嗣城南譜篤生孺人貞亮為質淑慎性成溫恭練密無煩姆教禮度不失幼熟經書威儀憫慈長擅女紅絕塵超軼曰嬪妣陵為我公匹百兩將之八鸞鏘七宜家宜室不顯其光鷄鳴警旦



鴻案相莊蘋蘩不匱內職允臧孝事舅姑以敬以愉和睦妯娌弗懈弗逾惠
逮鄰里及奚奴賢聲遠播內外無殊篝燈織紵相夫力學所以我公英才
卓犖學成朋來漸廣交遊嘉賓滿座潔治脯修所以我公名冠南州夫何高
堂遘霜露妖脫簪鬢珥藥石不輟霍然病已婦道無缺公遊京邸家政是持
英匕膝下佳婦佳兒恩勤鞠育辛苦不辭丸熊畫荻母以兼師迨公宦成十
年之火向平願畢孫枝挺秀微孺人賢捉衿見肘公來漢南三載獨居七千
里外敬迓軒車軒車蒞止別逾一紀天倫樂聚邦人感喜鳳毛競爽麟趾齊
芬洊膺天寵白世仍雲駕人景福昌熾方殷况今七月春秋六十羣擬稱
觴歌奏金石何期靈馭遽返真宅瑤臺月冷閭閻雲寒玉座寂寞纒帳空懸
鏡匣生塵枯椁永慕我公涕零棘人淚墮歲年有盡合聞無窮行邀綸錫賁
厥幽宮會等忝居治下敬仰芳徽追維壺範痛與世違載筆陳詞莫罄坤德
靈其有知來歆來格尙

饗

祭勅封孺人杜氏文

義房里仁行名九百廿五

維

乾隆十六年歲次辛未八月甲午朔越三日丙申

主祭南鄭縣當商郭義通郭永亭張萬隆楊豐泰郭東亨王興隆曹天申
王元隆曹益源孟合盛等謹以香燭錢楮牲醴致祭于

皇清勅封孺人吳母杜孺人之靈柩前曰賢哉吳母徽音肇基金相玉質星光月
儀生爲忠孝名門之女嬪作延陵世胄之妻其奉先人也有采蘋采藻之美
其輔君子也有鼓瑟鼓琴之宜其勤儉克家有藁覃卷耳之德其平均逮下
有鳴鳩螽斯羽之慈其扶衰濟蹇有東山零雨之辛苦其席豐屨盛有卷阿飄
風之深思其先憂後樂如大臣之以安社稷爲悅其內健外順乃儒者之主
善爲師益以桓少君之清節兼孟德耀之風規辛憲英之卓鑒合李絡秀之
雅持故其儉示裙練勤見績筐婉婉巾櫛調劑壺漿詩書訓子教以義方相
厥夫子宦遊南邦敬慎爾位佐我琴堂上下爲之輯穆士民悅豫且康孰非



孺人之徐音嗣雅能用柔以濟夫剛哉夫何昊天不惠委蛇示疾實婺於掩
芒金娥兮韜質組帳停梭紗窻徹瑟悵歸鶴于何年痛返魂之無日里巷輟
春童子罷歌數耶命耶爲之奈何通等或居晉地或居秦邦同寄寓于治下
感德音之云亡敬陳東芻用告靈筵

尚

饗

祭孺人杜氏文

義房里仁行名九百廿五


維

乾隆二十年歲次乙亥五月甲戌朔越十九日壬辰

愚叔^上來紹祖學培學乘愚姪承烈承銘作賓暨閭族等謹備牲醴香帛

庶品之奠致祭於

皇清勅封孺人入延陵郡名九百廿五杜氏孺人之神前曰嗚呼坤道承順乾德



克齊京兆淑媛妣陵母儀壺範幼習家室咸宜禮賓雜佩
祀湘相相夫
子名列丹墀漢中奏績篋管風移桂分雙萼蘭茁叢枝惟
誨嚴肅母道兼師
徽音嗣續燕翼謀貽應享介壽共慶期頤夫何不豫倏爾
云萎婺星東沒皓
月西垂聲容杳渺空望靈輻招魂無處神其有知敬陳薄
奠遙冀格思

尚

饗

祭孺人蔣氏文

貞房節孝行崇五百七十

維

乾隆三十九年歲在甲午正月乙卯朔越十有九日癸酉

年家眷弟趙鎮婁延崧孫澹眷姻弟韋名位等謹以牲醴楮帛庶品之奠
致祭於

皇清待贈母蔣太孺人之靈座前曰嗚呼雲沉婺宿兮霧黯南岑霜摧木落兮

雪瀟冰凝鴈啼鶴唳兮萱折花零恭惟
太君少嫺姆訓長習壺儀歸于
吳公勤儉自持相夫有道中饋修治式賓相祀胥合於宜姑嫜克奉妯娌無
違鹿車共挽鴻案是齊篤生合子鳳羽爭輝豕列明經蜚聲紫閣次聯上舍
驥首雲達恤乏調貧睦嫻維厚柔嘉淑慎待下維慈會元繞膝分果含飴陔
蘭庭菊藹七紉披徽音遠播福履永綏是宜邀

龍章於絳闕兮分鞠禮於彤帷胡爲一旦駕返西池戚里惋惜親舊與悲鎮等
或忝世誼或篤姻盟聞之慨息愴感中情緬鍾郝之禮法想陶孟之芳型睠
慈幃而冷落兮望春暉以淒清痛雲駢之長遊兮莫挽鸞馭於九京用奠椒
漿於北堂兮敬抒寸心於幽明敢以妥而以侑祈來格而來歆嗚呼哀哉尚

饗

祭盧氏孺人文

義房里仁行崇一千世四

維

乾隆五十年歲次乙巳五月己酉朔越祭日戊午

東陽儒學朱煥莊鳳翥暨眷弟王子琦盧永芹張登龍杜正美徐希聖樓
必達盧衍仁包文盛盧永蘭蔣全忠任賢序眷姪王永渠金章章昌崇包
殿徐炎張英鳳胡玉章章佩珩李英張洪治孔昭眷姻姪盧槐盧繡梓堦
盧洲孫堦盧炳超等謹以剛鬣柔毛楮帛庶羞之奠致祭於

皇清待贈吳母盧太孺人之靈座前曰嗚呼岫山雲暗文水霧橫靈萱謝秀慈竹
彫英笙悽緜嶺簫哽蓬瀛薰風夕冷薤露朝清人間夜寂天上春沉恭惟

孺人質毓名門家稱望族德叶坤貞訓嫺雍肅來嬪南岑垂範壺鵠孝事舅
姑誼敦姻睦相夫克家惟勤惟樸乾德允光內則是熟御下以和時其寒燠
芹藻生香桂蘭芬馥鳳舉雛飛嶸然拔俗藜閣花紅成均槐綠詩美小星風
高樛木天奪善人日施賦鵬方賦鴻哀相悲雁獨孰料無妄連遭大毒嗚呼
孺人母範克敦根本深茂宜享遐齡胡天不佑金釭暗宵玉臺淒晝豈繫禮
宗遽辭華胄疑化金精仍還列宿煥等或聯義重或托朱陳或叨接壤或幸

比鄰夙懷高致雅慕芳塵碩人已邈淑德淪湮銘非庾信誅愧安仁生芻空
奠鄙忱曷伸嗚呼尙有一言以慰泉壤驥子善承蘭孫競爽

紫誥待封彤管宏獎薄薦椒馨緘情俱往神之聽之靈如肸蠁嗚呼哀哉伏惟

尙

饗

祭韋氏孺人文

義房里仁行收七百二十九

維


大清嘉慶二年歲次丁巳正月壬寅朔越十二日辛酉

眷弟徐愛蓮張耀祖盧衍仁趙鳴雷眷姪徐希聖韋家璨姜志望韋廷嘉

方元鵬周顯訓韋家琛樓中元蔣際昌韋璐韋家琳應泰華盧洲張有斐

湯承祖程尙曾王步雲眷再姪金鼎韋佩珩盧梅杜立階盧炳濤李玉華

愚姪湯慶祖韋昌崇門下晚學生王用琮李寅韋昌珮胡志遜杜立珂韋



模金待詔周元章湯繼業黃光傑葛維鉅許瑞麟王家寶于仁鑿周樹堂
顧大賓張鳴璠周樹楨虞棠劉黻宗姪時敏世清宗門下晚學生世榮世
德葵姪壻王日華外甥韋寅內姪孫韋昌峻韋昌邦韋昌城子壻桂作梅
張鳴球等謹以剛鬣柔毛香帛庶品之儀致祭於

皇清例贈孺人吳母韋太君之靈座前曰嗚呼白虹之寶產自藍田明月之珠孕
於蚌川溯所自始有開必先矧乎坤象道本承乾繫惟太君實女中特京兆
淑人延陵母則方笄于歸輒兼四德孀姑莫譽諸姒罔忒夫君誦詩相以采
蘋夫君讀易助以家人敬如冀室亦友亦賓用調琴瑟誕雙石麟年踰五旬
藁砧見背日炆瓣香痛深五內有子二方業經祭菜時復畫蘆諱提在再家
君服賈持寸草心容遊陟帖作孟郊吟次君振翰式玉如金河汾從學蔚若
鄧林伯循蘭陔季樹護草並慰慈懷藉以娛老人言義方本諸若考誰識代
終無成有造僮祁之被起也遽七委化之淑息也于于一庭聚瑞氣與春俱
逝命嗣姪作家慶圖顧爾曾孫桐枝已長鵲起吳臺三三兩七飴有時含服

無不象四世一堂疇福用嚮胡天不惠遽下雲軒西池鶴白瑤島羽青時方
臘八五味以馨突而聞計風淒霜零天姥峯頽女媧星滅熊不復丸鳥空啼
血召楊飄搖芝堂蕭瑟走信不遑肝腸欲絕幸多謝樹濟匕成行中有白眉
各在玉堂

馳封紫誥森炳琳瑯他年阡表視宋歐陽愛蓮等或蒙贈佩或叨剪韭或隸師門
望齊大母並展哀悰肅此芻酒仰冀慈靈格於座右嗚呼尚

饗

祭吳母趙氏文

義房里仁行實六百三十二

維

大清道光六年歲次丙戌三月壬午朔日

愚姪韋崧杰李品蓮等謹具香帛醴醑之儀祖餞於

皇清待贈吳母趙孺人之靈前曰嗚呼微之垂暮重吟槐葉之章治叔長號新罷

枌榆之社渺斑虬於璇闥林下風淒驟素鳳於瑤池花前雲黯景萱庭之垂
範悵蒿里之同聲恭惟吳母天水胎珠延陵種玉弦憑膠續撫雁序以能調
楊占梯生挽鹿車以偕隱蓋松菊逍遙而後乃櫛巾侍執之初曹有訓而班
有箴婉婉以聽郝能禮而鍾能法淑慎其身閔鬻承恩不許蘆花寒入唵懷
間伴有時艾納香添采蘋則以奠以湘魚匕籩豆贈佩亦知來知順雉匕杯
盤鸚嘴添絲繞虬雲於十指馬頭賽鼓飼蠶月於三眠毓汗血之龍文縮和
聲於鶯樹短檠夜雨勞心猶記分丸半榻吳淞清誨待傳畫荻羣擬卜金蓮
之戴何_選聞石白之炊嵇舍孟鄰尙留壺德王璈董瑟已證仙班淚染杜鵑
慟循陔之偏_晉灰飛蝴蝶潛罷相而停春_杰等拜憶登堂庸深執紼今年春
少桑枯滿路之花獻歲寒多雪縞千山之色所願椒漿桂醕整微悃以馨香
庶幾星珮雲車佇靈修而髣髴尙

饗

祭韋氏孺人文

議房里仁行第百八十二

維

大清嘉慶五年歲次庚申四月十八日

內弟韋寅等謹以香帛清酌之儀致祭於

皇清例贈孺人吳母韋太孺人之靈前曰嗚呼孺人之生根於華族紗幔徽音以嗣以續世系清華門楣芬馥秀等蚌珠珍同田玉載歌尹吉曰嬪于吳克敬于舅克孝于姑脂膏滃瀨暱勉有無宜家宜室婦道信符其相夫子雞鳴戒旦文苑蜚聲成均染翰冀缺如賓孟光齊案砥行立名賴君襄贊熊熊入夢男子之祥五彩鈴墜三鳳羽翔謝家樹玉孟氏鄰芳子又生子蘭蕙凝香貞靜幽閑孺人之德終溫且惠淑慎不忒內治肅清不動聲色弗炫其才盡稱其職有德之言廷球粹溫內言不出德音自存可謂吉人非關舌捫占曰无咎象六四坤載德之容性成樸素味爽盟漱鉛華弗御寡笑絕嗔釵荆裙布有林下風怡閨中度德著無逸絲泉奏功惠能逮下勞乃責躬而主猶績魯



姜氏風克勤婦式無害女紅是當百年介以繁祉或與二三週以甲子如何
溘然瑤池脫屣彈指人生如風過耳嗚呼鵲啼花落葵宿沈光淒七慈竹寂
以萱堂姆儀既杳壺範孰張生芻一束哭奠靈牀嗚呼尚

饗

祭孺人申屠氏文

貞房節孝行實千一百廿六

維

大清道光九年歲次己丑四月甲子朔越有七日庚午

族人國泰森國淵國初杭步瞻等謹以香帛清醴之儀祖餞於

皇清例贈孺人申屠太孺人之靈柩前曰嗚呼孀星夜燭大姥峯危月殘蘭泊風
冷譁帷工容言德一昔凌夷熟思懿範曷禁吁嘻繫惟孺人系從京兆淑怡
柔姿姆訓是式女紅是司婉嫺幽靜罄無不宜用嬪延陵爰結衿襦膏脂滑
澆稠醴稀醢孝夫舅姑無愆甘旨敬相夫子長作門楣明經有助戒旦無遲

德耀敬姜勤儉兼之居隆堂構箱溢縑絲齡逢花甲二萬有奇賢稱遐邇彩
煥巾綦矧爾庭砌繼茁蘭芝名標文囿芹馥類池考祥迪吉福備于箕具茲
壺美定享期頤胡天不惠鏡破星離鹿車空在彤管徽遺泰等宗盟誼切久
仰闕儀粹罔賦鵬能不涕洟輾輻載道素嬰臨歧虞歌斷絕楚些凄其合展
哀臆菲伸一卮嗚呼尚饗

祭吳母華孺人文

智房玉池行賓一千六百三十八

維

大清咸豐三年歲次癸丑九月癸卯朔越七日己酉

吳母華太孺人起行之期

姻弟韋潮顧大潮等謹以香帛庶羞之儀祖餞於

靈柩前日嗚呼籬菊未香庭護已老風冷慈闈雲歸仙島繞膝空悲顙天莫禱
舉室倉皇怒焉如擣鬲惟孺人武陵淑媛殯於南岑祥女入門曰柔曰靜

亦慎亦溫德言容工婦學是論幼而末字婉變奚翅內則禮嫻安貞易肄女
史之學針神之智屏却鉛華弗冶容比迨相夫子坤道順承事舅姑孝勃谿
必懲處築里和壘簾足徵黽勉同心紡績一燈寒雨秋風鞞皮皴手儉効布
荆勤理井白藜藿可甘芟蘭必有無非無儀闔門者偶家承讓德草長宜男
瑤階盈尺珠樹培三心勞式穀朋聚盍簪學陶湛氏美集東南嶽嶽長君殫
心磨鐵藝圃書田竹頭木屑作爲文章潔於冰雪熊膽十年鵬程一瞥壽瀕
六秩鴻案眉齊肅門庭法毋臧穀迷用勉孫子相戒鞞方期鶴筭日暮未
西亦粵季秋一萸甫落青鳥方來白雲非昨長別榮椿竟無仙藥如雪麻衣
哀聲霍_山湖等居同城市誼屬葭莩託交庭玉莫挽馳駒爲登清酒載奠束
芻輶車在道隆鑒能無嗚呼尙

饗

...

...

...

...

...

...

...

...

...

...



○女銘墓

吳母胡氏宜人墓碣銘

義房行憲八

宣德亡酉冬十一月有八日東陽吳母胡氏以疾終於家卜是年十二月十二日附葬孝順鄉蓮塘山故祖妣墓側次子吏部員外郎希純奉廣東按察副使同邑親舊杜公瑄所述母之行牀泣拜於予曰希純早失怙兄弟皆幼小賴母劬勞撫育成人不幸至於大故今已二十有五年矣近承皇上推恩贈父爲奉訓大夫吏部稽勲員外郎母爲宜人而墓碣未立無以顯榮名昭懿行敢求一言爲銘鑿石以垂不朽幸莫大焉念予與希純爲同門友復有姻舊之雅且知其母之賢甚悉將不待其請而與銘其事况請之懇而意之篤耶義不容默按狀母姓胡宋文定公之裔生於洪武甲寅正月廿四日其父仲安爲鄉偉望處己誠恪母生而貞淑幼遵姆教勤女紅及笄父爲擇所適以吳爲邑望族有名叔大者實鄉之俊彥遂以母妻之母自歸於吳事舅姑孝而恪恭不辭其勞處妯娌和而無悖戾之非事夫敬而盡禮夫疾作扶



持奉湯藥夙夜弗懈形容枯槁幾不能立及卒哀毀幾絕水漿不入口者三日喪葬之費皆母平日紡織所積衣衾棺槨備具如禮鄰里姻舊咸加嘆羨自葬其夫之後經理內事益勞心力以致成疾服藥逾年弗瘳囑其子曰吾自爲吳氏婦於婦道謹而不敢忽惟恐負爾父所望今爾輩已成立爲人之父我不意沾是疾所恨者有爾祖父在年老甚我弗克奉事終身爾輩晨昏當愈敬謹竭力侍養再則爾兄弟當彼此一心毋聽讒間以失親親之義能從所囑則我目瞑矣聞者莫不涕泣語訖奄然而逝享年五十有六生男三肅正廉正郎希純孫男十一孫女二余惟婦道以善事舅姑爲孝克敬其夫爲賢勤理內事撫愛其子爲德母之爲婦於此數者旣克盡之以成其懿行矣况又得 褒贈之榮如此故墓之銘宜其請而不可緩者遂與銘之銘曰
惟母之生卓有賢行貞靜其心柔順其性奉事舅姑克孝克敬有子成名遂獲褒命錦軸龍章且人是贈其闕我銘彰彼榮盛

賜進士出身嘉議大夫都察院副都御史

同邑盧

睿年撰

吳母周氏安人墓道碑銘

元房行仁九

吏部文選主事吳昉能勤其職 朝廷褒以勅命又推本所自而加之以恩
封其父原厚承德郎官亦文選主事母贈安人昉得請捧

勅歸省其父而於母則展焚黃之禮人皆以爲榮而昉則戚然重惟母歿之
火而墓石未鐫無以繼善行昭光寵乃奉監察御史同邑李敘之狀來徵銘
以圖不朽昉之孝思如此不可固辭乃按狀敘次而銘之安人諱圓義姓周
氏世爲東陽茂族曾祖諱孟奇祖諱善父諱德貴皆隱德不仕母蔣氏安人
性柔惠幼循保姆之教讀孝經論語能通析大義父母愛之爲擇所從而與
爲同邑著姓原厚實宋康肅芾公之賢子孫遂以妻焉安人入其門奉祭祀
謹事舅姑孝和處姻族禮遇賓客内外交贊其賢姑歿哀毀甚至相夫家理
惟儉惟勤教諸子及從子務學律子婦以規矩安人之姊則原厚兄原牧妻

也安人雖爲妯娌而能謹事之原厚兄弟亦甚雍睦一門之內舉無間言原
牧有子曙縣欲舉爲庠校生原牧曰吾子可力家姪昉有美質宜讀書顯揚
遂教昉領弟子員安人喜益勤於教誨雞鳴速其起從師夜歸則燃火紡織
命昉侍側誦讀日以爲常不少倦怠嘗有野狸伏竈下家人懼驚以爲怪請
召巫禳之安人笑曰連日雪寒狸附灶就煖耳曷足爲怪吾聞古語云妖不
勝德吾何咎彼安得爲妖家竟無虞人皆以安人有識見也生洪武癸亥九
月十二日永樂丁酉二月初五日以疾卒於內寢享年三十有五以卒之年
四月十有六日葬四部鄉壽山之陽子二長昉次曇昉領鄉薦入冑監超擢
爲吏部文選清吏司主事曇嗜學好善現孫男三孫女一嗚呼安人行端而
識明其賢若此惜乎未享高年然有子不負所教列官於朝安人終受

寵贈之命雖歿可以無恨宜有銘以垂後世銘曰

婉婉安人出於名宗歸配君子德義甫雍旣克孝敬亦勤不懈亦有明識
不惑於怪嗟以安人允矣其賢宜享遐祉而不永年天畀其後有子憲憲

御勅龍章寵以贈典壽山之原高墳嗟峨刻銘昭德永世不磨

賜進士出身中憲大夫詹事府少詹事兼翰林院侍講學士兼修國史

臨川王

英拜撰





東陽南岑吳氏宗譜卷之三十九

○女詩

頌吳老親母徐孺人六袞松鶴圖

徐懋功

的々縣池玉露溥亭亭偃蓋拂雲端彩搖千尺龍蛇動聲撼半天風雨寒彷彿長空雲漠々九臯忽下雙飛鶴雪羽婆娑丹頂紅紫芝瑞草交相錯尺幅淋漓畫者誰毫端幻出烟雲姿良工々意不上似清籟濤聲天外吹熒々寶婺輝南極掩映華堂明綺席堦前蘭蕙競芬芳戲著斑衣爭繞膝君不見雙峴峯高紫氣颺西池金母進瑤觴白鸞黃鵠參差舞碧藕冰桃次第將又不見花間歷歷僊韶轉麻姑翩々來鳳輦簾前擲米化丹砂一笑蓬萊幾清淺

壽吳母蔡孺人七秩

義房行傳
五百五十

眠姚士陞

桂花院落天香起萱樹堂前選綦屐內外稱觴如鳧趨無非雙峴名下士清歡清徹人致詞新度新聲聽盈耳吾幼從祖宰吳寧今因拜祠過珂里憶昔茲上小醜生患難晨昏每相倚母今七十古所稀值我來祝心愈喜長庚星

列燦華筵山光遙映畫溪水人言是母樂未央母却停觴顧其子壻前有子
磊落才今日成名望纔始我語慰母莫心憂天錫純禧報未已男兒五鼎等
閒致况復烟雲能滿紙母聞我語顏爲開鶴算籌添享遐祉繞膝諸孫互含
飴次第承歡事實美他年彤管須特書下里賡歌附青史

題吳岳母蔡安人七旬顏壽圖

禮房行賚八
白四十八

子壻趙睿泉

淑而溫系出名門恭而肅歸于恭族慎而醅以全其真儉而勤以安吾貧母
德則厚母才則茂順以承乾敬姑慈幼芳猷惠聞克昌厥後泉列館甥何以
頌之效華封之祝曰多壽

○女贊

陳氏安人贊

禮房行
仁廿六

中書烏傷王政題

體坤之順得陰之柔作配名門惟德是修陶嗣續則曰詩曰禮御羣下則不
剛不柔噫展也女士足儀範閨闈而與魯敬姜同儔

華氏安人贊

禮房行成
百三十二

郎中金華姜綱題

秀毓名閨偉相厥攸嗣徽中饋百爾云周自一醮以慎始擬百閱其春秋胡
為中道否滲作王母儔感厥良人絃斷不修婦失所天固誦柏舟夫不復偶
實賢配之由允矣貞淑君子述

龔氏孺人贊

元房行富三

伯兄龔象書

嗚呼孺人窈窕貞淑雍雍肅肅舅姑稱孝夫榮子續是宜天假之年胡為乎
先夫子不祿予耄矣灑淚揮毫贊爾儀容保汝子孫臻爾百福噫孺人其不
亡也夫

陳氏安人贊

義房行富
五百二十

祀孫從聘盥手題

天鍾淑德內則孔修溫懿惠慎邈焉寡儔庶嫡齊視式依魯鄒長幼惟燕頤
頤前休伯也夢虺早歸靈籙繇仲斯繼群孫迺簇施榮廟神降我遐福松柏
丸七徽音濯也

陳氏安人贊

智房行富
八百八十

教諭劉振之題

貞靜者其德也予始聞之淑慎者其儀也予亦未始見之似丹青而髮鬢識
形影兮如斯溫平哉余以知其持身無戾而家也寧茲和厚哉余以知其善
事姑嫜克相夫子足為婦止之師柔茲婉順哉余以知其誨子篤勤而恩意
且下及於僕斯惜乎壽筭未邁胡造物之不憇遺異時桂萼振榮龍章熠燿
於以嘉吳氏之有母儀

張氏安人贊

智房行貴
三百十九

虞山王澧蘭題

冰雪之姿松筠之操垂訓二遷孟母之教和丸永貞一經是效所以壽逾乎
古稀而猶有四池王母之慶兆

孫氏安人贊

貞房行傳
八百廿三

邑令龐

璽題

有婉其容有肅其儀敬事高堂和處妯娌是宜天假之以年胡爲乎不祿而
遷逝噫天豈無知原爲繼續芬芳永享蒸嘗於弗替

呂氏安人贊

行同

同前

體坤之順得陰之柔作配名門內則是修以燕翼子貽厥孫謀事上御下悉
臻其休振振繩繩百祿是遒

李氏安人贊

義房行傳九
口八十五

宗弟大燁題

維玉之美溫而栗維珠之貴圓而潔維婦之德厥象曰坤隤然其順兮抑方
以直繫母之生仙李蟠根珍同拱璧其相攸而于歸也延陵芳裔家聲爲奕
於時翁抱雄才名震都邑獻策軍門頓摧大敵逆藩聞而驚心制府見而側
席當其募軍而歸也車馬喧填冠裳絡繹屬官同典臺視偏禰如蟻蝨母
於斯時佐歛夫子潛心典籍敬奉姑嫜勤修婦職迨翁捐館中途訃主傍徨
莫知所適母不辭艱屏當一切靈輻既歸爰就窀穸事克終伊母之力至
於伯氏告殂梁木摧折滄桑日移鴿原多急夫子憂傷恐墜先業請母履勉

以慰朝夕脫佩贈遺無所靳惜繼親綜夫內政事無巨細惟母是決就淺就深辛勞勿恤虔奉蒸嘗歲時罔失澤溥宗親愛周娣姪連產之珠恩勤備極延師訓課冀以成立伊婦則之克嫻抑母儀之足式茲幼君以名行之修受知於學使列劄上陳青紫可拾坐致馳封寵膺三錫肅瞻遺容陶孟是匹余秉鐸此邦稔聞母賢忻慕有日爲述懿徽昭示來葉

盧氏孺人序贊

義房行崇
一千廿四

鄉貢富國章題

栗山公丈夫子二長竹坡金少君出也甲午歲吾師孫運舟主教吳寧與竹坡同學公命仲氏儀雲並執贄焉此固公玉成之意亦孺人有以訓誨之畫荻之訓何嘗私於所生哉竹坡唯是長養教誨之恩不敢忘思有以表而出之余雖夤陬然欲補彤管之遺何嫌敝帚也贊曰

昇蘇之鄉范陽之裔篤生女士爲名門婦勉隄夫子史足三冬載咏鸞旂貢名于雍椎髻克勤家事日起更以樛木旁蔭葛藟有子競爽麟趾振匕並承坤教負荷折薪年躋下壽宿肉是奉例贈孺人身膺光寵明璫翠羽象服是

王氏孺人序贊

義房行崇
五十八

進士沈

琳題

余主吳寧教事匝歲於茲吳生文俊余立雪生也年甫弱冠敦孝友積學能文余器之一日攜其母王孺人遺像乞余文其顛因述生前壺範尤著者一二事余思愜齋公端粹冲和薰蒸閨里碩行誠足以裕後昆然非孺人相夫子無違德訓子女得母道文俊何能卓越乃爾耶爰贅數言以為

像贊

猗歟孺人巾幗之英幼承姆訓淑慎其身克勤克儉蘋藻躬親事姑以孝相夫以仁雍雍一室嘻嗃無聲柔嘉維則慈惠因心昔有鍾郝合儀是承永垂壺則侔賁

恩綸

又

進士何成棧題

吳君徽五名重東邑余初耳熟焉繼以姻誼得晤省垣温温然君子也客歲余就聘綢州書院距東邑止數十里其長君時相過從出所為詩文示

予抒寫性靈根柢經籍益亦無愧知名者矣長君幼而失恃克自振奮
聲譽序是皆君之庭訓所致及閱同年沈華坪爲孺人像贊則又未嘗不
歸美於孺人也予忝有葭莩之誼未獲飶聞壺政得華坪之言良信雖然
卽無華坪言亦可以知君者知之以知君之長君者知之爾贊曰
孺人之賢賢能相夫鹿車鴻案婦德無殊孺人之賢賢能教子截髮斷機母
儀堪比以及親族敦睦無遺以及臧獲慈惠無私賢哉孺人壽胡不久賢哉
孺人芳斯不朽

周氏安人贊

元房行敬
日三十六

定溪盧 標題

翊贊陽教端緒闡儀汝南令淑延陵是隋婉婉聽從嫺於姆師黍稌蕡稻稠
饘稀醢式和娣姒鮮不咸宜比鄰戚郇歲歉啼飢暵佐夫子勤其德施或餐
或粥時煇時炊倘物有濟傾篋奚私柵內柵外稱無異辭江蕤不戲藜杖能
持冰虞懿節尚或過之

杜氏孺人

貞節孝行敬
八百四十五

司訓陳嘉瑞題

京兆淑媛生而窈窕釐降南岑合德來教孝奉身如歡承色笑善相藁砧恪
循婦道夢入維虺養成德耀甫踰笄年乃應王母之召中斷琴絃韻餘靜好
之調妯娌共憶其闈儀姻戚咸爲之悲悼寶婺逢陽九而韜光福星垂千載
而常照

時

嘉慶乙丑仲呂月

文溪八十歲老人丹崖瑞識

邨翁續配杜太君讚

貞房節孝行敬
八百四十五

太姒嗣徽音幽閑貞靜太君秉淑姿溫柔和順于歸抑齋必戒必敬宜其室
家克恭克慎仁厚發祥載歌麟定鞠育恩勤鳳毛以潤閭範孔彰門祚日盛
奉祭款賓禮儀畢盡矜苦恤貧施興無吝婦德皆全婦功靡竟年踰四旬整
齊家政壽終慈幃桂蘭衍慶瞻仰玉容懿徽可鏡

嘉慶乙丑仲夏之月

文溪丹崖瑞識

張氏安人贊

禮房行敬九
四十五

孫壻趙睿泉題

璨山婺星輝曜德里秀毓虎峯嬪于白水琴諧瑟調紉蘭佩芷孝事舅姑克承甘旨手不歇于蠶桑身未周於羅綺率嫺睦於室家洽謙和於妯娌臻耄耆兮錫遐齡仰萱闈兮融福祉俟後來兮振振繩繩賡周南兮關雎麟趾是宜篤慶錫光昭母儀於彤史

盧氏安人贊

元房行贊
百五十七

定溪盧 標題

皎々鸞羽輝々翟衣三峯之下延陵是歸豈其輦悅璨錯珠璣禮嚴盥饋出自房幃相夫子敬慎無違藥鐺茶鼎火緩煙餅一寢一息審視於微若彼族黨緩急所依不欺巧賤撫卹寒饑力惟代終彌著芳徽孫瓊鶴隻矯立庭闈玉階邇迤林蕙芬菲頌言非媚彤管庶幾

吳母王太孺人贊

東房節孝行實二百九十八

定溪盧 標題

例贈孺人 王太孺人來自上濱於太原稱閨秀焉于歸後善事舅姑宗

源公刻志讀書百般調養奈以弱質用苦功不效於靈樞 孺人血淚洽

事畢月餘剖遺珠郎應棠公也維時悲喜交至抱以慰堂上心輒向隅飲

泣薦芟必親默斲成立以光顯門閭而後見夫君於泉下無媿矣憑奉以

悲慟致疾不面醫殞其生稱未亡人者僅八年彌留之際謂家人曰死則

死矣惟不獲侍椿齡長成藐孤為難瞑目耳聞者悼嘆宜後人不能忘乞

書其實以志不朽其言曰

坤道順承以代終也義方式教及養蒙也藁砧長往已秋蓬也遺腹在懷倍

警弓也白髮其悲憂心忡也烏私誰哺內政叢也蕩心自苦爨焦桐也荻筆

早枯玉幼冲也磳磳萬難潛德充也子孫累葉食報豐也

樓氏孺人贊 元房行實 六百三

族叔森題

名閨毓秀淑慎其儀天具婉順懿德柔慈黽相夫子歡洽齊眉桂聯芳蕝蘭

茁叢枝鮑桓合璧陶翟雙奇珪為壺則彤管於斯

金氏安人贊

壽一十一百七

中山淑媛來嬪南岑貞靜德性慷慨胸襟笑言不苟一諾千金敬奉舅姑務得歡心相我夫子鼓瑟調琴挑燈佐讀內則垂簾堂茂萱草庭芳桂林義方偕勵丸熊意深况饒玉樹繞膝森森一堂四代仰庇徽音孟光媿美鴻案堪欽爰播彤管婺曜遙臨

胡氏孀人贊

貞房節孝行賢一百十七

鹿峯程銓題

芾園公德配 胡老孀人由義邑蕪溪嬪於吳廟見後裙布釵荆一衣婦道時以不及事舅姑為憾夫子遇迤邐相與暱勉有無健持門戶奉祀事親中饋必誠真安定之淑媛 公之好逑也育雙珠丸熊厲志成其名持內政秩然有序禮法交至豈獨坤道順承見其所性而有乎先所天九載而逝子若婦見遺幔猶生長憚心亦其漸劇於內治者久耳 銓以桑梓傳誦者弁諸額以示不忘詞曰

婦學之法本於周官婦德之全萃於太姒蘇蕙吾知其工之精敬姜吾知其

善之止 太孺人原於淑慎不戒媛兮謹於髮執無慙任只為合妻則敬
罔教於女箴為賢母則義方可登諸女史徽音俱在慈訓猶昭達之巾幗珍
於瓊瑤

周氏安人贊

元房行二
白四十二

定溪虛

標題

汝南閻淑就室延陵四教罔忒一德凝承問衣寒煖供食甘旨謹事厥姑無
違夫子絲雞蠟燕榛棗糕問遺投贈黽勉劬勞是用作經肅稱來教援古
况今譙勤張孝瞻星比婺望月方娥儀形長遞軌範實多

韋氏安人贊

行同

同前

芑蘭無容臭之私而職勤佐餽肇裘為鍼紉之用而分司縫裳足不離乎閨
壺事乃順乎妬璋豈惟厘蕤亾於夏葛躬采亾於春桑若夫匡勦夫子賑卹
傍徨和顏悅色解橐抽囊里沾仁惠鄙沐慈祥洵善心之為窈尤得主而有
常懿矣哉厚德載物者因以載福俾昌俾熾奕奕然徵壺教之有光

樓氏孺人贊

貞房行鈔百五十三

東眷韋

潮題

親家也 樓老孺人出和堂詩禮之門德言容工備於一身舅姑特鍾愛
之相夫子立名譽序一生相敬如賓友 桂坪公御家以和而孺人

御家以正然未嘗以疾言遽色臨也長於公五齡八旬外猶好爲針線事
嚴筭鑰善記憶不屑於藥餌知其得天者厚舉四男一女皆賢淑長幼備
於庠有年後所天歲餘而逝其時孫又生孫矣但未之 上聞耳謹書其

閭範以垂示後人贊曰

月麗於天則相代而明水歸於靜則潤下而澤是惟柔順而利貞乃克式型
於巾幗豈但不矜能於介婦非惟不獲戾於尊嫜爲嗃也 不爲嘻也家人終
吉能雍雍且能肅肅母儀益彰不然而福胡以厚不然而壽胡以臧不然而
胡以夫婦齊眉于八秩不然而胡以孫曾聚首于一堂

蔡氏安人贊

元房欽重五
日六十八

眷弟徐 江題

安人蔡氏系出濟陽幼遵母訓不譽於儀及笄嬪於吳鳴雞戒且有賢婦
聲諸凡內政惟所總持家漸起而益展拓之奈後嗣方艱而所天忽殞此

慨然動念綿氏族以妥夫靈割膏腴以存夫祀是可則已現言六十贊以
四言贊曰

濟陽名媛延陵定耦爲梁鴻妻爲仲郢母詒謀式叙卜爾熾昌凋茲花甲晉
以椒觴





Blank manuscript page with vertical columns.

東陽南岑吳氏宗譜卷四十

○公呈

通學請入縣誌公呈

義房里 行貫八百八十六

金華府東陽縣儒學生員蔣玠 王模 湯兀潤 吳學信

張光祖 盧士羔 徐洪疇 張承詔 韋承楨 徐躍雷

李方遴 盧光渭 杜肯生 湯彝 蔣時璜等

呈為黌序鼎新勞績茂著懇賜申詳以光前烈以勸後賢事竊惟學校之建

所以重人文棟宇之隆所以崇 聖德益千秋俎豆準今古而同揆設一遇

傾頽舍師儒其誰責伏見本邑 學宮久歷年所梁材朽蠹殿角傾欹破瓦

頽垣之外彌望荒榛斷齋剩廡之間鞠惟茂草朔望瞻嚴嘆鴛鴦之零落春

秋飲射愴風雨之飄搖止緣工費之浩繁坐視崩頽而莫恤幸有本學增廣

生員吳良栻者材優造望重鄉邦親茲圯場日深力以鼎新自任爰於順

治十六年二月朔日會集庠友啟告 大夫願傾一己之貲先為多士之倡



沿門勸助擇吉鳩工率工師而求大木幾遍涉於重山密林親巧匠而觀運斤肯憚煩於沍寒酷暑十年之內百廢具興大而宮墻殿廡之崔嵬細而簋簋籩豆之具備輿情共愜士論獨推在本生止見爲責任之無虧而同事者實憐其心力之交瘁何期東序之鴟頭甫能一拭而北邙之宿草旋已再新瞻仰膠庠泫然流涕茲遇中尊爾心典雅廣輯舊聞奇節麗行旣蒐討而靡遺往跡新猷亦採錄之惟謹矧茲學校關係匪輕生等今日雖云分任其勞然在當時不過因人成事豈容獵美遺誚貪功伏祈師台廣諮輿論特賜申詳俾得標入邑乘之新編永爲本生不朽之盛事不惟前烈藉以克光卽後賢亦知所勸勉矣爲此連名激切具呈須至呈者

康熙十五年八月 學師郁憲章公批准申

看得故增廣生員吳良栻行己則所志端操赴義則熱心古道見學宮之傾圮矢願力以重修倡建明倫堂擇木深山積勞嘔血折造大成殿督工晝夜籌畫致癯卽助百金之外無非慷慨之懷於今殿廡巍峨籩豆具備出一人

作始所以象力協成在諸生不我前績於邑乘實爲有光允宜特書以歷後
進爲此理合牒呈本縣施行

東陽縣正堂胡啓甲公批送局入誌

金華府東陽縣儒學廩增附生員李方觀 陳啓鼎 蔣國祥

趙忠濟 金懋重 湯錫位 盧士鎬 張國紀 杜岸登

吳從中 李正典 盧士銓 趙忠選 馬元標 盧士諤

厲雲潮 馬煒 吳學濬 徐光奕 杜時賓 徐駿達


王煒仁 湯嘉珪 吳燦 張世超 盧光銓 趙承錦

湯嘉璋 王楷 郭鍾任 余望臯 呂國瑚 韋憲

杜國經 陸元寬 吳承緒 方運璇等

呈爲竭志經營作膠庠之柱礎勞心救援立漸發之干城公願請
旌以宏化事等呈

康熙十八年六月 日蒙



學憲劉 車詳

撫憲李

督憲李 給匾

金華府知府加一級張 蓋

同知王興禹

通判鄔象雲

奉

浙江提刑按察司使提學道劉霖

巡撫浙江等處地提督軍務都察院右副都御史李晟

總督浙江等處地提督軍務兼理糧餉兵部尚書兼都察院右副都御史

加正一品李之芳

為

孝義可風



旌獎東陽縣忠義已故生員吳良材立

康熙十九年四月 日給

通學請送入鄉賢公呈

金華府東陽縣儒學廩增附生員郭 涵 方 興 吳從輅

許欽煌 朱光投 張國涵 蔣 哲 徐洪楠 盧慧楚

張承諫 周之翰 張象默 吳麟祥 趙正采 金士葵

韋承楠 盧士振 金光朝 趙 楷 張國漢 金光陞

郭 煥 李俊髦 李茂璉 盧 琳 陳承琦 湯 佐


金一錫 吳德麟 趙正集 吳承樞 李俊恆 周介福

賈延棻 郭懋棟 胡琦德 馬 燧 盧元璧 李秀斑

陳啟敬 徐 泳 盧錫雯 王煒倬 蔣正濂 應其沚

徐知吉 蔡光玖 盧人彥 樓堯楠 戚標進 呂 懷

葛維垣 何方遇 許茂琪 邵淵源 孫啓宇 葉愈高




吳蘭 韋毓楠 華思發 厲欽陽 王永溥 瞿棠

吳學珪等

呈為移孝作忠捐身殉難懇繼鄉賢之列永昭祀典之隆以獎賢勞以維風化事竊惟儒生行己內事親而外事君 盛世報功生崇爵而沒崇祀苟非 褒以異數使之俎豆春秋何自顯乃奇芳藉以鼓鐘先後邑有故生員吳良 棊奉二人以孝親疎果無間言待同氣以和鄉黨實多美譽持身廉潔一介 之取必嚴雅誼解推千金之傾不惜非無過人才智為公計而不為私謀本 有任重幹能可義招而不可利誘碩望推評於月旦清風遠播於雲山于康 熙甲寅之變原任

督憲李情憂聞寇猖狂目覩浙民驚怖爰諮省郡誰為忠義賢豪合訪婺東 薦作干城心膂 李督臺一聞斯士星飛來聘之書吳良棊既接諭章頓起 効忠之志自謂烏屯小蠹玉帛為心揣知鷹擊長材帷幕可任練習烏鎗技 勇一呼數千立趨虎帳營門威加三捷得者立試喜鋒銳之莫當慕者竭勞



果重圍之刻解招納不絕於行路新軍倍壯乎金湯踰年之攻擊無傷隻
之贊謀不少羣寇惡其翼佐驅徒毀其家廬良杖命弟良柎等輔邑主而守
封疆遣弟良森等從親王而征鉅寇後以孤兔四出翔李牟二鎮以同驩
因而魑魅潛蹤獲收東義兩邑於餘燼既負卓識判成敗於當幾且守貞心
置禍福於膜外小則奮一身而全合郡之老穉大則衛一省而關半壁之安
全允矣詩書干櫓誠哉胸次甲兵無何功將就而百體全癰寵未加而征途
身殞見者爲之傷心聞者爲之悲涕身爲國亡不得榮身於 當宁氣因
民絕徒留浩氣於人間雖忠魂未嘗望報於九原而偉節何可沉埋於千載
且其往昔之植綱常扶正義未易舉故卽其生平之救患難賑困窮殊難屈
指 學宮火圯捐數百金以首倡頓使堂廡煥然都邑大饑出幾千斛以徧
周立見鳩鴻改色其他芳節盡詳邑乘之編屬在我儕無事管城之贅稽之
祀典証諸古人以勞定國則祀之死勤王事則祀之於例旣爲適符崇祀非
嫌過制幸遇 大宗師大老爺主持風教搜闡遺芳表道旌廬明無不顯之

嘉行贈名賜饗幽無不發之潛光伏乞 海附鄉賢永馨祀事則吳生之中

孝不朽即合郡之風俗彌張爲此通庠公懇須至呈者

計附事實

一本生係增廣生員讀書自好推重行己處身接物動循禮義然諾不欺端

方正直爲通邑所推仰

一本生奉事父母先意承志務得懽心父一嶠病久躬侍湯藥踰年寢不解

衣父歿事母樓氏二十餘年誠敬備至其於喪祭一切竭誠盡禮親踈遠

近皆稱孝焉

一本生兄弟六人友愛無間言析產讓腴取瘠同氣之好久而彌篤


一本生因學宮傾圮於康熙甲辰年捐資數百金爲倡修造

文廟及兩廡明倫堂親挈工師入工度木估值轉運弗避寒暑險阻踰年學宮

落成規模恢宏實本生獨任其勞

一本生於順治辛丑年遇邑大饑盡出己囊併率其親知設立粥廠躬爲給

濟凡三越月及麥秋乃已全活甚衆



一本生於康熙辛亥年間奉
上憲檄飭停柩不葬者治以重律窮人苦無厝地乃買山地各數十畝捐為義塚任鄉人埋葬其有不足於資者復酌量捐助存沒皆賴焉

一本生勇於赴義康熙甲寅閩變總督部院李聞其名檄委募兵乃招集技勇千餘勵以忠義公費不足出己資以撫其家使無內顧親率赴轅復條陳參畫俱中機宜

一本生為國忘家羣寇因其招兵翼佐毀其家特慘毫不顧惜尋奉督憲委翊李牟一鎮提兵恢復東義二邑竭力盡瘁病沒於途

康熙六十年三十日蒙

提督浙江等處學政翰林院侍講加一級馬批

據呈吳頁棧孝行克備忠節允全應准崇祀鄉賢以妥忠靈仰縣備主迎送入祠仍取結狀存案繳

合邑紳士請 旌百歲公呈 義房里仁行 賢八十一

具公呈誥職李玉華陸廷球原任教諭徐大酉原任知縣韋崧杰舉人葛

正己金國光貢生蔡袁海韋鼎元廩生杜經田韋潮增生盧炳燧吳嘉璞

附生金煌厲堅等為耆生百歲公請申詳事竊維

化日舒長共樂華胥世界大年祺引欣逢

敷錫恩光稽載籍之流傳重達尊之優異邁邦先見儀隆乎杖國杖朝授几舍

元養渥乎賜衫賜笏聳羅城之雉影耄耆有加滋菊水之鳩形上中競美

當陽辰所


佑命申之

聖祖

神孫軼三王而受籙

堯衢

舜壤晏千叟以作歌



繼治之廿有一年林壬彌永

無疆之萬有千歲花甲初週四表光華蕩以乎星輝雲爛八荒舞蹈皞皞乎秦

耆代梨茲武生吳大經南岑右族東籬仙身秉性堅凝禔躬純固本根厚

植蘊孝友於胞誠坦道安貞屬物恒於悠久強執如仁之射說禮敦詩勇

多徙義之爲敬宗念祖居依南斗耀分丁丙之纏望洽東榮術謝庚申之

守溯昔時之藻菲六秩力過憶肇事之桑蓬百齡已屆滌經夫耆耄介眉

屢沐

寵施難得者期頤尙齒堪


彰表謹臚冊結齊叩

神君浹納福林

王澤已徵爲人瑞鋪張

符命家慶幸際夫

國恩和翔爵之歡聲書人壽年豐而紀實輳成鳩之洪算附河清海晏以陳詞



計開事實

一吳大經曾祖承幹邑庠生祖希鎬郡庠生父紹漢邑庠生享壽九十弟一各格邑庠生亦享壽九十

一吳大經九歲失恃侍父携弟寄食鄉塾慈母早世悉父艱辛每向隅飲泣逮成人事父先意承志能得歡心終天哀毀骨立尤篤於友愛自髫髻時依以更相爲命迄於耄齡行坐必偕終身無間

一吳大經篤念宗支勇於爲義族中修祠葺乘凡數次任事不避謗不辭勞始終無貳諸父伯叔兄弟遇有急難視如己事

一吳大經悉心韜略自入右庠里黨咸以大器期之嗣以親老家貧淡於進取暇時手不釋卷耽吟咏著古今體數帙其警句雖宿儒不能過強記史事與後生抗論前代口指手畫官爵年號地里朗若列眉

一吳大經身居城市口不言是非晚年惟教子弟課詩書話農桑與人接見必肅衣冠精神矍鑠久坐無倦容鄉評推重

一吳大經世居縣城東南隅里仁坊乾隆四十六年歲試入府學第六名武生子一雯邑庠生孫二長友虞丁酉科拔萃次友夏業儒現會孫一望鄒湖自乾隆七年屆今道光二十一年享壽百齡謹開明事實懇

恩電核備文申詳上呈

道光二十一年正月

日具呈

縣尊王勤語

壽為五福之先禮隆敬老齒列三尊之內品重杖朝茲武生吳大經持躬仁靜處世謙冲敦孝友以全倫樂詩書而適志詒謀克裕游庠序者不刺青衫見義必為奉典型者咸推黃耆享百齡之歲月椿自長榮綿四代之仍椒已繁衍洵為

昇平人瑞宜沐

盛世

恩榮

核看得東陽縣耆生吳人經家傳孝友業守詩書祉受

三朝樂太平之歲月壽臻白歲欣矍鑠之精神昔叨粟帛之榮光增里下今

觀蘭蓀之秀喜溢堦前累葉蕃滋皆春華而秋實一堂雍睦復白髮而

黃童良由生逢

壽字普被

恩膏俾得共躋春臺亦有家慶洵屬

熙朝人瑞宜邀


曠典褒揚

藩憲蔣勘語

核看得東陽縣武生吳大經孝友裊躬詩書啓後文齡入夢上承椿蔭之

榮姜被聯床老觀棣華之茂本根厚植沃雨露於

三朝枝葉榮敷蔚孫曾於四代前此禮隆尚齒屢沐



寵施今茲年屆期頤允符

旌表茲據該金華府加具結勘具詳前來司覆核無異理合轉詳伏乞憲臺

察核具

題

撫憲劉題稿

題為武生壽屆百齡恭請

旌表事該臣看得東陽縣武生吳大經生於乾隆七年屆今道光二十一年

現年一百歲居心忠厚賦性溫和內肅外恭敦淳似於古處父慈子孝

敘樂事於天倫欣逢

化日舒長快慶

昇平人瑞宜邀

曠典以廣

皇仁茲據署布政司事按察司蔣文慶取具冊結具詳前來臣覆核無異相

應題請

旌表以彰人瑞除冊結送部外理合具題伏乞

皇上聖鑒勅部議覆施行謹

題請

旨

部文

禮部爲知照事儀制司案呈禮科抄出本部題覆浙江東陽縣武生吳大經現年一百一歲請


旌一疏於道光二十二年八月廿四日具題本月二十六日奉

旨吳大經着加恩賞給上用緞一疋銀十兩餘依議欽此欽遵到部相應抄

錄原題行文該

照遵照辦理其

恩賞銀緞由本部行文內務府支領到日發交該省提塘賚送該巡撫轉給給該本家祇領可也



計粘單

議行合定例壽民年至百歲者給銀三十兩建坊

旌表並給與昇平人瑞字樣等語今浙江東陽縣武生吳大經道光二十一年一百歲扣至本年一百一歲應請行合該巡撫轉飭該地方官給銀三十兩聽本家自行建坊卽給與昇平人瑞字樣恭候

命下臣部遵奉施行

藩憲卞飭知

爲知照事道光二十二年十二月十六日奉

撫憲劉 案行道光二十二年十一月初五日准禮部咨開儀制司案呈禮科抄出本部題覆浙江東陽縣武生吳大經現年一百一歲請旌一疏云云等因咨院行司查照准咨奉

旨事理卽便轉行欽遵仍將武生吳大經應得建坊銀兩卽行照數動支給發該本家自行建坊卽給與昇平人瑞字樣飭令製匾懸掛其

恩賞銀緞俟該提塘賚送到日即行轉發給領並將動支銀款及收到日期
 詳咨毋違等因奉此合就轉行爲此仰縣官吏即便欽遵飭將吳大經
 應得建坊銀三十兩取具該本家的屬押領由縣加具騎縫印領給文
 該家屬赴司請領以憑動領詳咨仍飭給與昇平人瑞字樣給該本家
 製扁懸掛至

恩賞銀緞俟該提塘賚送到司另飭請領毋違須至案者

請表節婦張氏公呈

真房節孝行崇三百

呈稟東陽縣儒學廩增附生員

湯錫肇

盧人吉

徐懋謙

顧光燦

湯

聲

李

摺

杜正濃

李宗仁

金德球

徐懋樵

湯

本

吳學藻

吳學垓

吳詔

吳麟

吳承鰲

吳

漣

吳希鎔

吳成

吳希鏗

吳國模等

為公舉節孝懇恩給匾優獎憐貧加恤以彰風化事邑有故民吳承璐之妻

張氏秉姿柔順賦性端莊十九于歸孝事翁姑勤儉相夫至二十有四夫

患重疾氏脫粧購藥醫治不痊夫亡哀毀地誓不獨生親營厝墓每遇忌

辰哭祭盡哀至今不衰痛夫乏嗣立繼幼姪希鎮撫養承祧雖家缺糊口日

夜紡織訓子從師且奉事舅姑甚敬盡孝以婦道而修子職生養死葬悉出

女紅於雍正九年重修省誌六月具呈十一月已蒙縣主彙詳在案繼子希

鑽又蒙前任馬府憲拔取復試途中跋涉忍饑冒寒因而病故媳氏遺

有二孫重撫幼穉度活甚艱種種苦情筆難盡載年今七十四歲髮白目眩

衰老不堪溯其結褵向未周乎六載論其堅節已踰五十餘年松操柏守可勵風俗志潔行純堪載簡冊幸遇

聖恩宏獎人倫有美必旌恭逢

憲台舊臘已蒙給米感恩不淺伏望闡揚節烈爲此具呈伏乞太宗師大老爺恩賜給扁憐貧加恤以發潛德以維風化存歿啣感上

乾隆四年二月初二日蒙

欽取內閣中書中憲大夫知金華府事加四級葉士寬 批

據呈吳張氏結褵尙未周乎六載守節已逾五十餘年似此必操殊堪嘉尙相應先結玉質冰心四字製扁懸掛以厲世風仍俟該縣具詳轉請題旌可也

請表節母程氏公呈

義房峴畝行賓一千三百九十四

具呈監生卓應奎吳世珍爲守節盡孝遵例呈請賜詳

旌表事念

生

母程氏生乾隆四十一年四月初八日巳時係本邑十五都下程庄

增生程鵬冲之次女自幼秉性淑順謹遵姆儀爲父母所鍾愛憑媒同知韋

鴻勳生員陳綱作伐配

生

父份生吳國聖於乾隆五十七年十月廿八日子

歸

生

父既入門善執婦道孝養公姑六族咸稱賢助奈

生

父於嘉慶四年正

月間臥病

生

母百方調治初無倦容焚香默禱所以身代竟至不起嗚呼逝

矣其時乃九月二十五日戌時也適母年二十有四應至甫二齡世珍尙未

離裏

生

母呼號顛天水漿不入無復人世之事里黨慰之曰氏夫不幸早亡

願以身殉固婦道之當然其如堂上二老何與其從亡人於地下何如孝舅

姑於生前母始進粥食哀毀居喪茹荼飲血屏去鉛華紡織鍼紉迄無虛日

所得餘資上以娛鳩杖之歡下以佐熊丸之苦數十年來備極艱辛况祖母

衰老支離床席間全賴

生

母調養一十有五年生事喪葬禮無少缺又爲

生

等娶室承祧孫兒繞膝此固罔極之恩所莫報者也現今母年五十一歲苦

守二十八載尚叨矍鑠風霜其操鐵石其心寶瀝情難盡伏遇

聖朝扶植綱常所加恩者尤在節孝等呈明事實并具廩增附里鄰親族各結
例懇賜詳

題請

旌表以勸風化以垂不朽存沒均感頂德上呈

道光六年二月

日呈

東陽縣儒學

嚴謝看語

吳程氏松筠勵志冰雪盟心鏡慘分鸞琴悲別鶴冬溫夏清十五年孝養翁
姑暮織晨鍼廿八載節標閭里代子職以奉雙親禮盡喪葬兼父道而撫二
子教切義方固大節之所關因殉身而未敢是以上紳同願允服風化之大

綱年例相符合請

旌揚之盛典

東陽縣正堂黨看語

吳程氏柔嘉維則淑慎乃儀七載于歸欣鹿車之對挽一朝失所悲鸞鏡之



分飛侍堂上之雙親知道而兼子職撫膝前之二子母慈尤勝師嚴一坏營
窀穸之安禮成送死百兩御門楫之婦力竭綿宗歷五十一歲之春秋守二
十八年之節操允符年例宜沐

旌揚

署金華府知府蕭看語

看待東陽縣現存節婦吳程氏幼年待字早著孝淑之聲弱歲于歸遂效唱
隨之義慶齊眉於鴻案八載宜家痛折翼於鸞臺一朝失偶思從地下痛不
欲生轉盼庭除淚還自咽盡禮事雙親若堂前孝子殫心撫幼嗣奚啻閭
內嚴師歷五十一載之韶華盡是嚴霜皎日矢二十八年之苦節無非冷雨
凄風年例既符

旌揚宜及

請表節婦孔氏公呈

貞房節之行賢六百十一

具呈廩增附生員沈經田 韋拱辰 陸 璜 湯志勳 金 珽

周夢然 韋希光 斯世清 李作梅等

呈從 靑牛苦節懇恩賜額以揚幽烈事緣在城西南隅節孝庄生員吳錫光

之妻孔氏幼嫻內則長習靈儀年方及笄嬪於吳門迨吉初諧門口漸落操

井白而無辭安樸素而不飾舅早去世姑加虔妯娌一門皆稱賢淑夫

光矢志蟾宮雞鳴警戒秋香未領二豎潛殃氏捐簪珥調治丸湯盥手焚香

籲天默佑不幸捐館氏年二十有九躡踊長號誓從夫地下痛處幾絕姑諭


之曰孤子尚孩媳亡其誰撫養耶始含淚勉終喪葬爭自是席苦幃素躬

紡織於霜晨飲藥茹冰忍飢寒於雪夕而且姑年衰邁偶患痺痿衣服必躬

親膳飲必親事既而壽終哀痛三年嘗九齒每遇祭祀泣告粟主祝孤成

立無墜家嘉子嘉稍長督令出就外傳勉圖進取可憐酸辛備歷筋力易

衰行年四十有九遠赴泉臺苦節二十一年粹然圭璧在氏柏操松心固自




完其貞順 國家揚清激濁寶難沒於公評爲此公叩

大文宗大人恩賜匾音榮褒一字闡揚節孝俾垂不朽上呈

道光五年八月十九日呈





Blank manuscript page with vertical columns for writing.

○詳文

請給孝子吳承統扁額公狀詳文

義房里仁行崇一千六十四

署金華府東陽縣儒學教諭事本學訓導王業爲遵批查明詳奪事

乾隆二十二年八月廿六日奉

提督浙江等處學政都察院左副都御史加三級紀錄三次竇

批據卑學廩增附生員李摺徐愛蓮蔣振聲等呈爲公懇獎勵以敦風俗事
念生等同邑有儒童吳承統者秉性溫厚持躬質樸平日奉侍父母怡顏承
順不少違忤乃伊母臥病經年常侍床褥未嘗廢離所進湯藥每必躬親當
夜深人靜復焚香籲天請代厥後沉疴莫挽承統水漿不入口者數日哀號
慘痛絕而復甦者再乃父諭以毀不滅性大義始勉進糜粥柴毀骨立僅存
喘息及乾隆十九年十月卜葬南郊壽山承統卽草臥荒郊窀穸事成父令
歸家長跪請曰統不忍母骨未冷而遽舍之去也遂許結廬居焉煢然孑立
風雨撼廬哭聲振山谷行道聞之多爲流涕二年之間常如一日至墓側有


瑞草靈芝經冬不萎又巨蛇黠鼠馴擾不驚若斯之類或亦出於適然而無足徵異但其一往胞誠流自肺腑合諸聞見無不僉同則符驗固非無因也生等於本年七月具呈本學請申在案雖廬墓成孝自古未見明文然砥礪末俗實則有關風教為此公懇

憲天大宗師大老爺垂憐孺慕用勵鄉愚懇賜一字之褒庶慰四方公論是
否允行

恩出 憲裁頂德等情蒙 憲批仰該學查明詳奪奉此卑職遵查吳承統現
奉

憲臺拔取招覆在案該童吳承統温厚性成恭順誼切依以孺慕早無忝於
所生戀以慈闈常興懷於罔極乃當萱堂寢疾侍床褥者經年及夫廬次啣
哀臥風霜者數載悲號夜月凄慘荒邱非屬遙傳皆經親驗况鄉評之共羨
亦上論之僉同茲奉前因理合備文詳請

憲臺查核是否賜給一字之獎大維千載之風出自 憲恩為此備由另編



具申伏乞

照詳施行須至申者

右

申

提督浙江等處學政都察院左副都御史加三級紀綠三次寶

批

據詳吳承統孺慕堪嘉准以天性純篤四字給匾示獎繳

乾隆二十二年九月初五日

署教諭事本學訓導王業

請表孝子吳承統建坊詳文

東陽縣儒學李請

旌表詳文看語查看得生員吳承統淳厚性成恭順謹切依此孺慕早無忝于



所生戀七孝思常興懷于罔極讀書則埋頭閉戶侍疾則靜夜籲天臥郊野者經六年冀少報椿萱之德倚孤廬者又三載會歷經霜雪之悲瑞草靈芝茁墓左而阿娜不萎巨蛇黠鼠伴窮人而馴擾無驚託咏興歌屢沐同儕之投贈褒嘉純篤重經大憲之品題前代斯許高風真足後先輝映吳寧應馮至行不慚月旦推評

旌典堪邀輿情允協茲據呈明事實果有其人實有其事遂取具各結繪圖加看加具印結併繕事實確冊業于五十八年八月廿六日送縣具結看轉詳在案現奉

撫憲批示截止核辦仰即飭候來歲換具現年冊結另詳察奪五十九年八月奉 憲批飭再行確訪遵奉

憲飭復行訪查茲據該孝子鄰族生員吳承基等呈稱孝子吳承統竭力善事雙親廬墓歷經九載生平行止無虧孝名卓卓蒙前

學憲實 批給天性純篤扁額闔邑咸知事蹟確鑿實無虛捏據此等情

訪查無異合將冊結備文牒覆

乾隆五十九年八月廿八日稿

三十日移

孝行實蹟

孝子吳承統字垂一號醒齋住西南隅永茂庄拱北堂係監生吳學乘長子自幼醅謹質樸孺慕性成順意承志善體親心長而好學尊師擇友慕忠欣孝乾隆十九年親母徐氏臥病經年常侍床褥衣不解帶湯藥親嘗囑妻奉侍毋稍懈怠夜靜焚香顛天求代及卒呼天號泣不離柩側水漿不入口其父諭以大義始含哀就食卜葬南郊壽山統跪父前請結廬居焉事亡如存朝夕奠拜哭泣之聲振山谷行道聞之多爲流涕巨蛇黠鼠繞廬作伴瑞草靈芝徧塋挺秀乙亥年間颶風作古木盡行折拔獨伊茅廬無恙正所謂誠能動物孝感天心廿九年父病臥床半載奉侍湯藥殷勤愈甚至亡慟哭之哀其所以痛父者一如痛母迨與母合殯壽山隨向祖母膝前跪請仍廬父墓三年其舊墓處蛇鼠依然馴擾芝草挺然含秀當時多傳爲奇應歌咏盈

篇以贈神母蔣氏愛統如子統亦敬奉如母年經九十有三於三十七年九月物故出葬五十七都去家五十餘里統因父不得送終體故父心代廬于祖婆墓側三年次年二月學憲王按臨歲試囑弟承緒赴批學查詳准緩統當婆親在時服勞奉養下氣怡顏既得堂上歡心固已人言無間既沒居廬守制倍極誠敬每逢致祭奠拜之餘常懷春露秋霜之感此其廬墓之情經九秋而弗倦即其愛慕之心歷終身而靡盡也且同胞五人友愛周摯推之伯叔昆仲皆怡怡和順遠近聞風咸相感化


乾隆五十九年十二月 日具

題請

旨旌表六十年春 月 日准

題

嘉慶元年三月給帑建坊坊造在南關外仰高祠後大路傍西



○詳文

請表節婦吳從燭妻蔣氏詳文

義房里仁行傳一千八

浙江金華府東陽縣儒學爲欽奉

恩詔事謹將本邑現存節婦吳從燭之妻蔣氏生平歷行事實備冊呈送

計開事實

一氏係六十都蔣熙琬之處子生於康熙二十年十月初二日於康熙三十八年七月十五日適吳從燭爲室氏年一十九歲于康熙四十二年八月初七日夫故氏年二十三歲迄今六十年現年八十三歲

一氏天性純孝自幼敬奉父母甚得歡心于歸之後相夫有禮因翁早逝事姑尤謹

一氏結褵未及四載夫卽嬰病日篤氏籲天請代及夫歿哀號痛哭誓不欲生回念有姑在堂無人奉養併恐傷感姑心每自飲淚銜悲百計寬慰自此而後以終姑之餘年姑常私語人曰吾念新婦善事吾無以爲報惟祝天俾之



多歷年壽子若孫亦如新婦之事吾也至今年逾八旬舉家歡奉人咸謂其姑之祝嘏已驗云

一氏夫故之日遺子學乘甫經三月愛護撫恤伶仃孤苦苦育成立又不專事姑息教以義方今其子名列國學行著邑中現產五孫吳氏嗣續之繁功莫大焉

一氏節操甚厲終年不踰閫外理家以勤儉為本立訓以孝弟為先長孫承統自幼秉氏之懿訓後遭母喪年僅二十三廬墓三年服闋赴試即以入泮儒學備文報

憲 學憲嘉其文行兼優稱道不置其風範貽謀如此

一氏家寒苦志日親井白夜勤紡織兼識大體念從前兩代遺櫬未經入土因為竭力營葬至春秋享祀常體夫志以妥先靈必誠必敬

乾隆二十八年十月廿四日具詳


教諭 厲 珩

訓導 陳璉

金華府東陽縣爲欽奉

恩詔事乾隆二十八年十月廿四日准卑縣儒學牒稱據監生吳學乘呈稱念生
母蔣氏生於康熙二十年十月初二日於康熙三十八年七月十五日適父
吳從燭痛父于康熙四十二年八月初七日病亡母年二十三歲產生未週
三月居寡守節六十載現年八十三歲念母爲婦四載不幸夫亡痛哭哀傷
殞身莫顧孤燈隻影矢志彌堅侍邁姑以終餘年婦兼子職育孤兒以延宗
德地等天恩撫子成人歷盡劬勞之苦娶媳延嗣殊多竭力之悲兼之生妻
早喪穉子哀傷賴有老母愛養倍詳泣思鞠育之恩自子及孫而靡盡奉姑
之孝視終如始而常存今蒙
皇恩頒詔以彰潛德憐母節孝本于性成豈肯邀求名譽在生報德痛於罔極敢
弗仰望旌揚實于夫亡守志撫育孤兒姑老無依奉養終身之例相符理合

呈明為此淚血哀叩伏乞恩賜牒詳倘得循例嘉獎存沒均感頂德等情據
 此該做學厲玊等會看得吳蔣氏性秉溫柔德嫻淑慎守貞未字得父母之
 懽心迨吉于歸協唱隨之大義主中饋而親操井臼不憚辛勤奉高堂而潔
 治槃匱克敦孝謹不幸所天忽隕心共絕于鸞弦之死靡他誓相從於鴛塚
 特念姑万垂老待養殊殷更憐子尙初生鞠育尤切爰乃恣茲激烈不敢輕
 生勉以代終祇期盡職仰有俯育俱曲盡其苦心飲水茹荼愈足傳其芳範
 嗣子承義方之訓早歲已遊辟雍長孫感善氣之孚冲齡卽知廬墓今且享
 年康健踰八秩而有二昔惟矢志堅貞經卅年而更倍鄉鄰共舉學校咸推
 節著青閨洵無黍悅馨之行輝流彤管允堪膺綽楔之旌實與夫亡守志奉
 養舅姑撫育嗣子以綿似續例欵相符隨取該氏事實併取公具各結加具
 印結粘連一並牒呈察核照例轉詳等因計移事實冊結過縣准此該東陽
 縣知縣李 覆查看得監生吳學乘之母吳蔣氏大義夙嫻清標素凜年十
 九而歌弋鴈井臼親操趨四載而賦離鸞冰荼自蘖晨機夜杵血十指以奉



孀姑雨櫛風梳秉一心而育穉子迨夫拮据室家備嘗艱辛經營窳窳早遂
牛眠孝感慈幃祝箕疇而獲壽訓孚後嗣肅廬墓以垂型守志青年完貞皓
首允符年例合請

旌揚茲准儒學查明事實加結牒呈前來卑職覆查無異除照例經報

撫督學三院暨藩憲外理合加具印結同送到事實冊結一併申送

憲臺俯賜察核轉詳爲此備由另冊具申伏乞照詳施行

乾隆二十八年十月十一日

特調浙江金華府正堂加八級紀錄十次楊批仰候核詳請

旌仍候各憲批示繳冊結存送乾隆二十九年四月二十三日又批候轉詳冊

結存送

特授浙江金華府正堂加一級紀錄三次嚴爲彙題

旌表事蒙布政使司承憲案乾隆三十年二月初二日奉巡撫部院熊案

驗本年正月十八日准禮部咨開儀制司案呈禮科抄出本部彙題直隸等

省節婦請

一案於乾隆三十年十二月十九日題本月二十日奉

旨依議欽此欽遵抄出到部相應抄錄原題行文各該處欽遵奉

旨內事理施行可也等因到本部院准此合就轉行備案行司遵照准咨

奉

旨事埋卽將節婦

等准其

旌表緣由轉行欽遵仍令各屬地方官各給銀三十兩聽本家自行建坊至各


該州縣節孝祠內設牌之處照

恩詔定例遵行爲此仰縣官吏文到卽便其應給建坊銀兩俟

藩憲定欵議詳毋違須至帖者

右仰東陽縣准此

乾隆三十一年三月初十日




請表節婦吳賢妻呂氏詳文

貞房節孝行崇九百

金華府東陽縣儒學

爲呈明苦節懇賜詳請給匾事據舉學生員吳灝等呈稱切生等世居蝸室名託龍門非公何容瑣賈有美自必呈明緣本邑通儒坊有吳呂氏者幼出禮義之族長歸節孝之門行年二十有三適本縣生員吳賢爲室登合庭中其夫之病也身不貼蓆者數旬及其夫之亡也唇不沾食者三日終制無事井臼親操上侍翁姑以代子職下誨幼子遂得成人疊經喪葬曲盡禮儀用睦親鄰咸稱賢淑此等孝義兼全苦節三十餘年而辭世豈可湮沒不名生等非係親族卽屬鄉鄰目覩耳聞事無不逮口傳筆述意有未申仰維師臺職司風教道在儀刑激濁揚清行雖存乎閨闈維風礪俗事實關乎人心爲此公叩覓情核迹轉詳請額若得四言之錫流爲百世之芳等情據此該舉職等查看得節婦吳呂氏生自單寒性成貞潔二三年伉儷白歲難期悵別鶴



之長悲悼離鸞之永逝痛百身其莫贖誓九死以何辭第以垂老翁姑晨昏
是賴遺孤穉弱嗣續攸關於是孝事翁姑持護幼子婦道無風儀型堪範非
比尋常閨壺所能今據各該生具呈前來理合備文呈送

憲臺察核予以扁額之處實為恩便為此備由伏乞照詳施行須至申者


隆乾四年八月十八日 儒學莊王 行 奉

欽命內廷供奉戶部右侍郎提督浙江等處學政彭

批

准給母儀慈教四字以示獎勵繳結存案


[Faint bleed-through text from the reverse side of the page]



○助呈

吳張助義房造祠充祭基地出產懇給照狀

義房里仁行崇七百六十九



具狀婦吳張氏年六十四歲抱呈親叔吳承鏘爲懇恩准照保祀垂火事念
氏夫監生吳作賓置有租田一千七百餘秤及屋業園基等產不幸乏嗣緣
明吏部員外郎仁世一公係氏夫嫡派鼻祖墓下家長有建祠奉祀之議因
基地未成氏夫在日欲將東南隅石檻窻裏基圍一個助出建祠并助租田
五百秤以充祀事不幸夫志未遂而身故臨終切囑氏遵遺言于三十五年
正月間面令親叔吳承鏘親姪希泳希潤並邀家長吳紹祖承鴻承基吳寬
慎孫承統希鎧希裕紹漢等將五十五都西張庄租田五百秤并前園基立
下約據助人仁世一公墓下建祠奉祀俟祠告成使氏夫得附享祭叨分血
食以遂夫志餘產當面家長分給叔姪及助回親族已訖所助五百秤之田
現在氏收養膳氏沒之後歸入常管但氏年逾六旬風燭無定恐後賢愚不
等倘被違約執爾夫志氏心俱成畫餅爲此粘約呈叩

憲天恩准印照給付家長執藏并立戶收糧保祀垂久恩同西伯焚祝上呈

計粘助約一紙

乾隆三十七年五月十六日

特授東陽縣正堂加五級紀錄五次徐諱朝亮批

此助田五百秤着約內房族議明作何垂久之處覆奪約附

家長覆狀

為奉牌稟覆恩全美舉事本月十六日有今故監生吳作賓之妻張氏以懇恩准照等事粘約叩請蒙批此助田五百秤着約內房族議明作何垂久之

處覆奪約附捧誦仁批共仰

憲台為張氏慮後之至意誠為深切合遵

稟得緣生等嫡祖吏部員外郎仁廿一靜齋公遞係春秋輪祭向未有祠生等有議造之舉當時作賓有愿助田助基之意不期後旋病故今生公常出資建造祖祠伊妻張氏遵夫遺言面同叔姪立約基田及基上追祖德繼成夫志冀將得附祠綿延享祀第恐歿後賢愚難必覬覦違約為此叩恩賜照

以保垂久生等因張氏立助道祠告成議將作賓設主附入凡祭仁廿一節
齋公時設席配享并遞年常發銅錢六千文給伊親派子姪以辦供像清節
祭墓之資再將所助之田五百秤坵段號畝并同常產詳載勒石存祀永垂
不朽此係生等議處垂久之鄙情緣奉牌諭着覆合遵牌覆叩

仁天鈞奪賜照全美叨恩 人不但張氏及承鏘戴德即生等合族均感上呈

五月廿三日具覆家長吳紹祖 吳學雨 吳承鴻 吳承紳

吳承錦 吳承基 吳寬 吳慎孫

吳承統 吳承鈺 吳希鎧 吳紹漢

六月十一日東陽縣正堂徐 批所議甚為公允准給照

特授東陽縣正堂加五級紀錄五次徐諱朝亮

為懇恩准照保祀垂久事照得已故監生吳作賓之妻張氏遵夫遺囑將五
十五都西張庄租田五百秤并石檻窻裡圍基一個面同親叔親姪助入仁
廿一公墓下建祠奉祀祠宇告成將故夫附祭以綿血食而祠內衿民 等

議稱因張氏立助迨祠告成將作賓設主祔入凡祭仁廿一公時設席配享
并每年常發陸千文給伊親派子姪以辦新春清節供像祭墓之資再將
助田坵段號畝併同常產勒石存祀張氏謹遵夫志不愧巾幗之偉人族衆
建議周詳詢爲妣陵之勝舉事既可嘉允堪不朽除呈詞在案外合行如請
給照以志醑風

立助約仁廿一公派下孫婦張氏緣先夫崇七百六十九府君不幸乏嗣在
田因常有建祠奉祀仁廿一公之愿將東南隅石檻窗裏基園一個并五十
五都西張庄租田五百畝助出充公不幸夫志未遂而身故今遵夫遺言面
仝叔姪并邀家長立約仍將園基田產一并助公俟祠告成使氏夫得入祠
祔祭不獨氏心稍安而夫在泉下亦得瞑目其號畝糧米應公常立戶收籍
完納主現年租穀氏收養膳比沒之後入常管收其叔姪房分另有餘產分
撥不得異議惟冀各房家長秉公管理永遠辦祭奉祀氏夫得以長叨血食
感激不盡爲此立助約存照

西張庄屋前後兩進各拍半所并屋沿魚塘一口拍半歸常

租田廿秤 後張塘角

租田三秤 土同

三秤 土同

廿秤 土同

二坵廿三秤一千重 土同

十二秤半 方坵

廿六秤半 長條五十

十六秤二千重 二頭坵

五秤 麻田

二坵六十一秤 土同

四坵十五秤 前山沿

二秤半 麻田

廿秤 西張前畝

十五秤 土同

十秤 土同

十秤 土同

三秤 土同

一二秤 土同

十六秤 黃廷下

十秤 土同

五秤 土同

四秤 土同

三秤 土同

二秤 土同



25

一 坵共十秤 同土同

三 秤 土同

一 秤一千重 同土同

二 坵共八秤 慈塢

廿四 秤大塘下

廿 秤 土全

十五 秤土同

十五 秤 土全

八 秤 土全

四 秤 土全

一 秤

十 秤 三角

十 秤西張門前

十三 秤 西塢塘

一 秤半 土同

一 秤 土全

二 坵共八 後北塘下

四 秤 上高塘裏壁

九 秤 平頭

四 秤 黃泥塘下

十 秤 池塘下

三 坵共六 角尺

三 坵共七 秤殿門口

三 秤半 大下

廿 秤 裡心塢

一 秤半 上圍頭



十四秤 盧塘下

二秤 青墓山沿

地一片二秤 青墓山沿

一片三秤 棗樹園

一片一秤後山頭

一片三秤一千五十兩 杠櫃坵

家長紹祖 學媚 學雨 承鴻 承泮

承洪 承錦 承紳 承基 寬

承鈺 承鏞 慎係 承緒 承綱

希鎧 紹漢 希澍 希達 希旭

希銓 希裕


面同親叔承鏞

親姪希泳

希潤

乾隆三十五年正月

日立助約孫婦張氏



衣口執筆承統

○約

立出繼約貞房裔孫友琦緣亨房嘉盛不娶無嗣貞房祠長以小宗上祖實
由亨房出繼理應選擇一人繼轉亨房承接先祀今祠長選擇仲弟友璜入
繼存祀親房伯叔兄弟意各允洽出繼之後決無反悔異言等情今欲有憑
特立出繼約永遠存照

友珏

親房

友恭

苞彩


胞叔

春占

俱有花押

道光廿八年十月

日立繼約人前



立繼約貞房裔孫友恭緣亨房友璜無嗣願將次子望崧出繼承祀所有田
貳拾秤地六秤樓屋一間厰兩間實係貞房常產祠長撥與亨房遞年耕種
居住不得變置自繼之後決無反悔異言等情所望恪遵訓誨承接先祀綿
延勿替特立繼約永遠存照

苞彩 顯三

族長 應棟 嘉知

德川 聖耀

親房 春占 懿美

齊羽

咸豐五年十一月 日 繼約人前

聽約望崧

俱有花押

立撥據具房祠長應棟苞彩等緣上祖由享房人繼發祥今享房無傳祠長
 選擇女恭次子名望崧繼轉享 承接先祖佑啓後人公議取田念秤土各
 六十四都雙塘頂地六坪土坐六十四都樟樹 沿樓屋一間下二間土坐
 小宗祠橫邊撥與永遠耕種居住共田地屋糧米俱歸常完永遠不得廢賣
 丙惟屋丁如貞房小宗暨造用着仍歸貞房另行別取今欲有憑立下撥據
 存照

咸豐五年十二月


日立貞房小宗祠長

德川 齊羽

應棟 苞彩

顯二 聖耀

嘉知 茂申



立祀約吳蔡氏緣夫故議立繼子友繼友紹承祀情恐祀田廢賣以至血食
無憑面中叔議將產業共計田念貳秤又地四片助於新城宗祠收租以為
夫祀其土名號畝開後其糧米照號收籍其田地面議撥於繼子耕種納租
如遇荒旱到田分收如租科短少任祠長別掉今欲有據立下祀約二紙各
執存照

計開坵墾號畝

廿九號 民地一分九厘 土名下連

三十號 民地一分四釐五毫 土各同

三十一號 民地二分七釐五毫 土各同

五百三十六號 民山二分 今作地 土名洪家連

三百廿五號 從田五分一釐八毫 土各後山邊

二百廿九號 拍民塘三釐 土各尾巴塘

二百六十六號 拍民塘二釐 土名後山邊

四十五號六從田二分四釐二毫 土名葛依塔坵

八十一號民地一分三釐 今作田 土名杏梅塢

計開租科

地四片 納租十三秤

叻田七秤 納租三秤

后山干田十秤 納租四秤

后山邊田五秤 納租二秤

遞年清節祭墳豬頭鷄各一 并祭物等議定繼子二人同散嗣孫同拜者每人分錢七文其二月半冬節繼子二人宗祀拜散并照

見面 蔡成康 嘉仁 嘉信 嘉成 嘉文


咸豐五年七月

日

立出助吳蔡氏

執筆 蔡成普

俱有花押



立助約人吳門蔡氏今因丈夫早世雖有繼子接續慮其永遠承像艱難是以同眾叔商議特託各房族長將吾土名上屋臺門前穀田一坵十秤又土名祠堂下樟樹脚穀田一坵三秤助於同知公脚下元房新城嗣孫管業耕種其糧米任憑即收過戶其租穀託為承帶掛像修整之費以為長久之計此是各人情願並無叔伯子姪翻悔爭執等情恐後無憑立下助約存照

助入同知公常掛像產畝

三百七十四號 從田三分八厘九毫五絲 土名門前

五十二號 從田一分二釐五毫 土名樟樹脚

嘉元 嘉濟 嘉繡

見面 蔡成康 應順 應賢


嘉星 友秀

親 嘉成 嘉文

咸豐五年七月 日立助約人前

叔 嘉仁 嘉信

依口代筆 蔡成普



[Faint vertical text columns, likely bleed-through from the reverse side of the page]

立助約惟慎之妻許氏今因夫故已八子聖盛又相繼俱故情恐歿後公祖
及氏夫與子乏祀并數代墳墓無管願託族長將祖夫遺下騰蛟門內坐北
朝南平屋四間又坐西朝東平屋一間一直出助於騰蛟太公常內爲業託
於埋事人遞年以備春秋二祭及清節祭掃墳墓庶幾氏之公祖及夫與子
祭祀有着墳墓有管不至乏祀其屋自助之後常內管業兩各情愿決無二
三退悔等情今恐無憑立下助約合同二紙各執永遠存照

其糧米任憑照號收籍過戶存照

其屋現在氏住故後任憑掉業無異

內有一間出典吳連的價七千五百文任憑常內自行取贖與自不涉
其約先立二紙後又添寫一紙交於玉山人執

面見

應中

嘉枝

嘉釐

友良

友琴

咸豐五年七月

嘉芹

嘉起

聽約 應傳 應成

嘉胡 嘉珍

友清

道光三十年二月

日立吳門許氏

代筆族長 洪重

俱有花押



Faint vertical text columns, likely bleed-through from the reverse side of the page, containing names and dates.

○譜跋

修譜跋

族之有譜也經以治其緒綸以比其類分支別派凡所以辨昭穆聯族誼也
吾祖始於康肅公幾二十餘世其家譜累代秩如自明崇禎庚辰年間修葺
後未經續編約畧記之大約如絳邑老人甲子之數矣會己丑春祭畢合族
公議修譜而吾姪從煌前而告曰家譜之修夙有其志竊願開囊以倡遂捐
資三兩有奇以爲紙價是年秋從煌以疾不終事而幸有雲龍承斐承玫
承幹協力任總理事極意經營八房中分爲元亨利貞仁義禮智立宅長設
知單酌人數卽以其單付梓師金承雄字佐生善書法所光粲棗者期在速
成故自己丑之仲呂而至庚寅之臘幾採緝無遺一時從事者有從勳學燮
爲之董率承翰承珪希潮爲之校正序立排行不辭且晚時舊序傳行略詩
文記札俱無缺遺其新增傳文係族中之望者斟酌集序更有前之所未及
載如先達之佳文各公之藻翰俱博採彙集亦以見吾族祖之往來縉紳間

夙有令名不忍沒也今時值告竣矣撰玉成其事之苦心并以知捐資者之
樂輸總理者之區畫董事者之不憚勞則是役也若輩與有力焉分而後披
閱卷帖於祭器於禮儀班班可考若道德若文章俱堪師表或貽謀或庭訓
盡屬高曾於其緒之分而知族中之禮秩於其類之合而知族中之睦媯庶
幾時瞻我祖之訓用是誌喜以爲宗族光至於雲仍繁衍繩七蟄七尙以踵
事者俟之於後人

昔


康熙五十年歲次辛卯春王正月之吉

原任福建泉州府通判候補副使

十八世孫良森跋

跋南岑吳氏重修族譜

大凡事各有條庶井然而不紊人各慕義咸翕然其悅從故以事授人亦必
因人在事始克有濟而襄歟成功余觀南岑宗譜條例與董事之人不禁爲
之欣然嘆美也蓋人丁茂盛不啻椒蕃鄉邑離居恍如棋布統一族而聯之
其事不幾煩且重哉非有分析之條規則叢雜無序非有秉公之義士則貪
冒貽譏無以服衆而且僨事矣茲則條分縷析序賢授能總理則擇老成持
重者聖範一人司樞出入則選清廉敏達能當會計者修士晉之偉君商賢
聖爽忠維六人監譜則揀寧靜縝密明聰心細者獻珍肇初衛士間有四人
掌文集則取淹雅簡樸茂醕正者光偉鼎台聖敬喬林四人司丁單則舉
新謹剛直察核精詳者曰堅禹川二人凡十七士皆近居城邑秉義公忠無
曲徇無侵漁無憚勞苦而倦勤于此足覘南岑之多才而士氣之正宜可風
也至譜牒中事有因有創悉同堂商酌可否弗執己見以違前人之凡例洵
可謂繼我祖考善繼而善述矣余誼屬同宗前遣使致書浼吾姪以爲之序




八已告竣覽其全冊復筆之簡尾以遺後之修譜者式并為後之修譜者勸焉

昔

乾隆幸未仲秋既望

茗溪宗弟大燁跋



跋南岑吳氏續修族譜

茲譜續修距前僅稔餘年時未久也然陶隱君於族祖幾爲路人杜工部於從孫不免防猜未必非譜之曠修階之南岑吳氏用是不敢持火遂有續修之議因擇城中廉純正直博通勤敏者董其事得二十四人而處遠方者弗強焉以其勢不便也始於戊戌之夏迄於己亥之冬凡閱二寒暑而竣仍其故續其新訂其舛謬然後子雖齊聖不先父食昭穆明矣降爲皂隸終身不齒貴賤位矣日月無迭微綠衣不易位嫡庶有常矣祝史不貳事鄉不與士齒各器無假矣而且闡幽德大善必揚獨行有傳精校讎亥豕無譌魯魚必析補前人之罅漏開後世之權輿誠不如通志所譏徒論地望與聲字者矣惟文藝中有在所宜更而其子孫不能更且不欲更者仍闕焉是役也收發生單出納丁錢則有子薦徽五其人而復以肇初嘉會廷顧若洪友泉相之釐定文藝直日監工則有垂一覲侯智超端書兆三友崔友宋友楊召盛其人彌縫其闕匡救其非則有得瞻倫敘羽清清源朝宗其人至於奔走後先

則廣宇濟川爾益與有勞焉之二十四者不吐柔不茹剛不怵威不疚利故
能井井有條若是然余何以知其詳而道之親切乎蓋開局在貞房別廟一
年適當余昔齋之左而司譜者又多余門下士也因樂為之殿言之

出

乾隆四十四年歲次己亥臘月之吉

甲子科舉人授東陽縣儒學教諭

山陰麗農氏王道熙跋

記

南岑吳氏重建宗祠記

邑南關外里許望之巍々然翼々然其崇閣且肆者爲南岑吳氏祠堂祠創建於前明洪武年間初從孝順鄉西莊移址於此記之者爲吾族鄰憲三峰公自是厥後廓而大之規模美備逮及我

朝或因廢而再建或因圯而重修爲之後者稱善述已成豐壬戌之冬邑罹於

兵祠被燬寸椽片甃無存者洎至丙寅吳氏賢裔懋昭輩咸慨然曰吾吳比

爲浙東著族趙宋以還忠孝理學文章勲業彪炳史冊入廟者於此觀禮焉

顧一旦鞠爲茂草至使春秋享祀無以展孝思而肅豆籩仁人孝子忍焉抱

疚矣於是設法捐貲筮田興工取材於岡徵石於壑率役以趨事鳩工以著

能前大門五間其中爲中堂中堂後爲川堂後爲正寢最後爲御書閣翼

以兩廡各七間東西鐘鼓亭兩間亦如之又東三間爲廣孝祠西爲庶母祠

哉然屹然輪焉奐焉經始於丁卯之春落成於己巳之冬爲時閱三寒暑爲
費計四千緡制惟由舊而棟宇之壯視前此有加焉於是懋昭輩復謹諉一
言以記之余惟禮有之君子將營宮室宗廟爲先又曰有其舉之莫敢廢也夫
人知創始之難而不知繼承尤不易古人作室奉先兢也恐後也亡德涼恩
薄輒雕楹繪拱自華寢處鮮知追遠謀廣廈以妥諸靈今莫氏又少者豐家
囊無厚殖不過集衆志之堅資羣力之果遂克萃列祖渙散之奠以成亘古
不朽之功其孝思不足嘉與祠旣成而修譜之舉亦於是告竣是則旣無忝
於繼志述事之大者而敬宗收族之誼亦不留遺憾焉兩美具矣是可以昭
示後賢而無媿者與則尤不可不也其董斯役者懋昭若文超望清甲書
西昌諸君子則輔之翼之輸財者群穆以下例得附書于後以垂久遠同
治八年歲在己巳歷署嘉興府學平湖縣學訓導前夙旌官學教習咸豐壬
子科優貢生雅溪眷晚盧正珩頓首拜撰

行狀

母舅吳鏡池公行狀

貞房節孝行錄
七百四十九

舅氏姓吳諱尙銘字亦明號鏡池太學生邑之南岑人係宋光祿大夫少師

謚康肅公之裔明嘉靖初孝子諱滄者十世從孫也主父諱文藻力學能文

工書法尊人以愛憐之故私為納粟成均遂淡於進取父太學生諱大年棠

之外王父也以長厚見稱間年性嗜酒雖飲極酣無幾微失色於人而惟浴

家嚴督課子弟峻外王母陳氏婉柔慎淑內助稱賢生舅氏三長諱嘉燾克

世父德繼伯父後次諱嘉炳英姿俊秀惜不永年季即公也少於棠母六歲

外王父嚴於教子而惟鍾愛公公少時巖然如成人好讀書以家中落棄去

儒業弗終事學為廢著計生平作事醇謹謙密忠信二字服膺終身而尤篤

於孝弟之行外王父之殂也中酒病噎家計菲薄公喪殯盡禮哀毀逾常後

為外王父營窆不敢少去諸懷事外王母先意承志曲盡歡心外王母主

家政籌一燈課中表讀頌舅母之賢供滫瀡公在外得以甘旨奉其母外王
母勞勩在前精力過瘁臥病凡三劇奉養俱周至歲庚戌外王母腰生疽多
方調劑不解衣帶者累月舅尤力於奉養左右維時人謂吳氏有子而併有
婦矣時中表以髻齡初捷方期喜溢重闈至月臘而外王母遽仙逝公哀毀
猶喪父時而殯葬之儀較厚公接人以和卽力於排解無疾言遽色教子循
循善誘家居時每食招子女團坐訓以禮中表祇領默識而已或語言稍拂
輒不容恕其義方之訓如此與伯氏棄腴就瘠及伯氏內外之喪如親喪并
欲以已之後爲伯氏後則盡弟道而實本乎孝道矣辛酉秋粵匪告警公偕
棠挈眷奔走行止相依恃以無恐詩所云旣明且哲以保其身者公之謂歟
奈狼烟欲淨而公已全歸同治紀元壬戌十月廿一日也享年五十有九流
離颯沛巾表之用心苦矣棠適爲賊執於吳之天宮第賴烈祖之靈不三日
而出險而公歸竟不復也不亦悲乎先是公廢書時偶居停於棠之里中與

家君論事情甚洽鷄不鳴不已越歲乙卯家君病革而公偕中表來洽喪泪
公之歿而棠不克奔訃彼蒼者天謂之何哉明年五月先母亦棄養中表與
棠同抱終天之恨也已舅母陳孺人外王母之女姪也日曾王父以下三世
婚於陳孺人秉心塞淵閭儀可範年逾花甲而髮未全艾其享遐齡正未有
已耳子二長友鶴庠名甲書歲貢生次友祥早世公思伯氏之宜承祧以次
子繼之次子之子則又以長子之次子繼之女一適觀山孫二長望權卽棠
壻也次望來卽繼乎伯氏之後者其孝之所推爲至廣矣孫女一字棠胞姪
棠與中表同受業於亮疇趙夫子之門夫子卽深器之其補弟子員也先後
殊科而同受知於督學吳崧甫之門自是中表試動冠一軍迨學使張文貞
公校士中表屬前驅而棠偶附驥潘楊之睦有自來矣知公之後必蒸乙而
日上矣公前於丁巳歲族修家譜與司出納其勤謹之聲猶艷稱於族人比
遭楚氛之惡而寢廟邱墟卷帙亦多散逸今祠宇落成譜牒告竣中表與有

壽序

恭介載堂曾叔大父六旬榮壽敘

義坊里仁行
實七百廿

古之善頌善禱者莫如詩詩三百篇言壽者夥矣而莫詳於魯頌之闕宮闕

宮者禧公脩復魯廟因歌詠其事以為頌禱之辭其四章曰俾爾壽而臧其

五章曰俾爾壽而富至如岡陵之比黃髮兒齒眉壽之徵反覆詠歎揚抗麻

嘉讀者繹之而知孝孫有慶永錫難老者理固然也我

載堂曾叔大父於今小春五日重週花甲為攬挾之辰族諸父兄謀所以介

翁壽者將登堂奉觴率長幼以稱慶而翁固辭叩其故則曰吾方倥傯於祠

務肩斯役惕息未遑若以問年則吾豈敢且古人六十未名為老必欲稱難

老之臆抑將有待噫嘻此翁之仁孝存心於翁謙德可也而諸父兄再三不

能禁囑甲書一言以述其懿行於是不揣卑陋謹洒筆而為之敘曰今人誇

張壽算球屨填門雲錦爛然擠擁陳說者所在多有要與急公忘私篤行根



本之地者不翹上下床別焉夫君子復古復始不忘其所由生吾族宗廟廣
有四五十楹一旦楚炬蔓延欲復舊業於煨燼之餘諸人相顧色沮者翁毅
然有志割己囊爲族人先不辭勞不惜費不遷延以需時日監工作而精會
計或資不敷同人皆束手翁初不以艱鉅疑同事者嘉翁之志僉務節省以
襄厥成不獨廟貌重新而家乘亦重輯矣翁心力併用精神彌復強健朝夕
奔走祠宇腰脚勝後生是翁以宗廟事之爲壽也孰有踰於斯者且翁少年
博學能文善強記荆璞在抱含章可貞有幹才而小心縝密處門庭孝友法
溫公居閭里正直似彥方與人交火敬如平仲好施與市義若憑驪處境之
亨噉蔗漸佳矣丈夫子一人攻孫子書隆庚後一日四旬襲慶輝映桑弧現
孫三人皆龍駒之秀壽而臧壽而富何多護焉將來黃髮兒齒頰問陵介眉
壽未有艾也抑又聞之豫章之生七年而成材星宿之流九曲而出險嶽雖
不得志於小試然寄跡成均全其老辣之才至如震川臨川以晚遇嶽父見

朝野立敷不及加於黼黻宗祊之上耶廟中之役特今日嚆矢耳書不工爲
頌禱之辭但卽朝夕所薰炙者伸闕宮之旨以復諸父諸兄命進之於翁亦
以爲有當焉否謹敘

昔

同治八年歲次屠維大荒落小陽月吉旦

姪曾孫甲書頓首百拜撰

祝 惇甫世長兄先牛七旬壽敘

九房縣前行
贈八十九

固常情哉履滿而盈蹈約而歉苑枯忻戚遞相潮汐幾不知其流金而鑠石也老子曰母搖齒精母勞爾形乃可以長生旨哉斯言吾於

壽翁惇甫先生見之翁吳氏南岑人宋少師康肅公裔孫明吏部文選司主事

昉公派孫鄉祭酒嘉寧公之冢嗣也少讀書攻舉子業郡縣試錫以運有聲

旋以室事冗祭酒公年邁拔筆肩家政當是時內外充斥傭保雜作仰食者

數十人待以舉火者數十家頤指色授無不如意而翁性敦孝友行守謙冲

大布粗衣積而能散戚族耆老無不存問也鄉鄰之貧而借貸者無不與也

無力而不能償者弗責也名師益友可以培佳子弟者無不賓而禮也僅約

無苛賓筵有秩敬恭桑梓粥若無能其履滿而不盈有如此迨後家中落季

弟議析炊推肥受瘠巨細無所計田覓甘旨奉堂上博二親歡故人書雅子

色浣花老人賦之翁恬不置懷損之又損歎歌自得向負欠者券故在遇諸



塗絕不問聚室中人談古今事媿亡忘倦室中人亦聽而忘饑若不解北門
之嘆之爲何者其蹈約而不歉又如此然則瓊厨金穴不足爲翁忻蓬巷席
門不足爲翁戚夷險一視通塞達觀序天倫樂事養性地真源口不言是非
心不存芥蒂含醕履道太璞自完得全者昌亶其然乎今翁行年七十視聽
不衰手一竿作濠濮上想尤喜青囊術恣遊山水興之所至數日忘返返則
坐燈下縱設得意漏三下未已不知足力之疲男八人長似望清早警雋一
鬢餘皆克世其業家聲鵲起孫曾林立瑤環瑜珥蘭茁其芽天之報施善人
味有艾也迺者竹秋雲暖槐夏風清蕤一葉之榮弧燠七旬之彩舉家拳
足以稱觴親串駢肩而獻頌望清世講向讀書余家別業辱有紀羣之好請
一言文諸幃因爲臚其致壽之由足於中無待於外者授諸管城以是爲侑
觴之葱涼可以是爲載乘之權輿亦可

出


咸豐辛酉閏四月上澣朔日之吉

賜進士出身

誥授資政大夫內閣學士兼禮部侍郎提督雲南全省學政辛卯科鄉試雲

南正考官

世愚弟李品芳頓首拜撰



詩外集

祝載堂三兄吳先生六旬壽慶

義房里仁行賓
千八百廿二

廟貌靈光照綺筵

建大宗祠
片肩其任

六旬樹德慶康壽
百里樵風

撼蟻羶

余鄉距城
儉於百里

幹濟人翹青眼待
居停喜搆白頭緣

余常主
於片家

遙知槐市傳

佳話兩代同庚慶百年

君生庚午壽介六旬
即降庚寅綵舞四秩

橋門臭味契苔岑
道岸登時閱世深
鍊性早徵金繞指
貽謀彌切硯傳心
圖

南羽健風搏翼拱北堂
高月佇琴愿擷黃花
延壽酒共設晚節帶香斟

七十五名入禮薈鄭佩蘭稿

祝蘭臺表叔祖大人七旬晉九榮慶

利房行賢子
百三十三

葭誼時銘故舊姻
濫叨筭席祝生申
頌盈珠履三千客
籍注蓬壺八十春
虎

觀談經欽老宿鯉庭
奉杖篤彝倫

翁侍寢門
素以孝稱

膝前喜有萊嬰侍
綵舞斑斕樂

更真

又

眷姻姪呂鳳慶拜稿

數值耄耆望崇隆 合先祖 欽賜副貢令 鈞玉蟠溪又屬翁重葺譜圖刊亥承

監修家志 者三次 雄譚經義隸丁鴻舞萊有子家餘慶 坎似善色養適 偕登槐喜誌 式穀貽孫棠

課蒙登壽從來根孝德擬修禊事鶴先籠 三月朔 誕辰

眷姻姪呂鳳齊拜稿

立助約婦吳門蔡氏緣因翁姑祀產穀田上下貳坵共田念肆秤土各坐落
蝦口被亂後典當廢壞無着痛念先人遺意不忍乏祀情愿蔡氏出價買回
助出翁姑賢三百五十六公安人厲氏作為祭祀之需輪流積常五房承值
拜散以盡婦道自立之後惟愿象子孫念氏贖回之意毋許廢弛必須至公
無私有增無減如不遵約者會同究治斷不輕恕恐後無憑特立祀約永遠
世守存照

親房 嘉星 友川

五房 嘉信

四房 嘉仁

三房 友辰

次房 嘉成

長房以前

同治七年七月

日

立助約

代筆蔡成普俱有押

立祀約婦吳門蔡氏今因夫年早喪雖有兩子立繼後祀虔誠難期是以特
託親房會同伯叔喃議標出穀田壹坵捌拾秤土名坐落張村剛田頂埠頭
又連田裡壁民地壹片作為欽五百六十八公并氏興旺之祀產五房輪流
承值清節象子孫祭掃毋許廢壞有增無減倘或損常利已者告官懲
治決不輕恕恐後無據特立祀約永遠子孫世守存照

親房 嘉星 友川

五房 嘉信

四房 嘉仁

三房 友辰

次房 嘉成

立祀約人前

代筆蔡成普俱有押

同治七年七月

日

計載前陽務本堂親取
五身於後

欽四百三十二公 助田一坵內拍拾秤

本都六保 一千四百五十四號 從田拍五分二釐 土名後門豆

賢百七十八公 增三百零七公

助田一坵四十秤

本都六保 一千四百三十三號 從田二畝零四釐二毫 土名屋前路下

欽百六十八公 助田一坵廿五秤 土名前埂弄

增二百九公 助田一坵廿秤 土名七隔塘下

增二百六十八公 助田一坵十二秤半

本都六保 一千四百四十七號 從田七分五釐六毫 土名新屋前

友瀨入助父 欽三百廿八公 田十五秤

又助錢二千文



同治戊辰重修

祀產

同治戊辰重修

本都六保 一千四百三十九號 從田拍六分三釐

欽六百四十二公 助田一坵十秤

本都六保 一千五百十三號 從田五分三厘三毫

賢四百六十四公 欽八百九十九公

共助田一坵廿五秤

本都六保一千百七十九號 從田九分六釐八毫 土名祠堂後

賢七百八十八公 欽九百九十六公

助田二坵 土名後園脚四十秤 土名後湖十秤

賢一千六百七十八公 助田一坵十二秤半

本都六保一千四百八十號 官田拍四分七釐八毫五絲 從田拍一分四釐

七毫五絲 土名官山脚

欽一千百三十二公 助田一坵合秤 土名門口牆頭坵



本都六保 一千四十七號 官地拍五分六釐七毫五絲地作田

賢一千八百十公 助田一坵十秤

四十二都九保 五田五分正 土名畚斗山脚

增一百六十八公 助田一坵十二秤半 又助銅錢三千文

四十二都九保 七百三十號 伍田七分四釐七毫五絲 土名楊塘下

賢二百七公 助銅錢八千文

賢一千四百六公 助錢四千文


欽三百廿二公 助銅錢八千文

欽五百五十九公 助銅錢四千文

欽七百七十五公 助銅錢四千文

欽一千二百三十一公 助田一坵內拍七秤半 上名黃源頭

欽三百六十三公 助地一片 土名墳橫頭橫創 又助錢二千文



敬二百廿七公 助錢四千文

以上祀產同治八年助入公常永遠管業糧充公常完納祭資有餘務須
秉公生息倘嗣後家長私圖典賣原助主轉行變直會同眾孫鳴

管究治斷勿寬容特此立規附載坵段之後

立議約祠孫應夏嘉運嘉灼
友信等緣因前陽西湖兩派嘉慶五
年合同暨祠前陽派出資貳股西湖派出資壹股已有前議載譜不料咸豐
辛酉賊匪滋事祠被燒燬今象孫喃議重建仁因財力不等西湖派不能三
股平拍議將西湖派傳四百七十四公房下出資貳分伍釐前陽傳六百零
四公房下出資叁分伍厘傳五百三十一公房下出資肆分伍釐照數捐入
重造新祠忙工照丁細木坭水照灶聽板均各依允暨造完工倘後財力相
等祠內重修仍行叁股平拍不得違逆自議之後惟期協心完公光昭祖烈
立此議約三紙各執存照

嘉輝

友孟

嘉敏

友選

應仲

友佩

聽約祠孫

國林

昌

應梧

嘉

嘉露

望選

嘉焰

望明

友准

嘉連

嘉叶

同治八年拾月

日立議約人應夏

嘉炳

友孝

依議執筆友信

有押



